


المسرحية

العدد الثاني عشر - تصدر عن مجلة المسرح

قهوة املوك

تأليف : لطفي الخولي



العدد ٣ قرودش

892
K

26
9



وزارة الثقافة

مؤسسة فنون المسرح والموسيقى
مسرح الحكيم

□ ————— □

المسرحية ..

العدد الثلثي عشر

تصدر عن مجلة المسرح

قريش التحريد
رشاد رشدي

سكرتير التحرير
فاروق عبدالوهاب

□ ————— □

المغلف والرسوم
مصطفى حسين

□ ————— □

المشرف الفني
جمال عزام

قهوة الملوك

تأليف : لطفى الخولى

كلمة

بات من تقاليدنا أن ندق الطبول على الصفحات الأولى لكل عمل أدبي يصدر ،
أما في صورة مقبحة من الكاتب الخالق أو تعليق ناقد .
وفي رأيي أن هذا التقليد يتعارض مع طبيعة العمل الأدبي . فهذا العمل ليس
« نصا قانونيا » لابد من أن يصاحب تشريعه مذكرة إيضاحية تفسره وتشرحه ، أو
« تحقيقا اجتماعيا » يتلهم فيه رصد الحقائق بالتعليقات المباشرة .

العمل الأدبي في حقيقته كائن حي . والكائن الحي في فـه حاجة الى مقدمات
تحلل ونشرح ، عند مواجهته للحياة . ومن هنا وجب أن يستقبله القراء كما ولده
أبداع منتج عاريا من أروية التعليقات والمقدمات . أن حركته الذاتية في المجتمع
والتجاوب المتبادل بينه وبين الناس ، وبينه وبين ظروف عصره ، هي وحدها التي
تفصح عن لونه وتكشف مراميـه وأهدافه وتحدد وضعه وموقفه من الإنسان والحياة
والفن على السواء .

لهذا كله لن أسطر مقدمة لهذا العمل . ولكن ما الذي أفعله الآن ؟ اليس مقدمة ؟ !
لا . ليس مقدمة . أنه مجرد « فهرس » للعمل . وإن كان من نوع آخر فـه فهرس
أرقام الصفحات الذي درجنا عليه .

أن هذا الكتاب لا يضم عملا منفردا ، بل عملين اثنين يعالجان موضوعا واحدا .
أحدهما في صورة قصة قصيرة باسم « بدوى أفندي وشريكه » كتبها عام ١٩٥٦ .
والآخر في شكل مسرحية . عمل عنوان « قهوة الملوك » وهو نفس العنوان الذي يحمله
هذا الكتاب الذي أصدره ليوم من عام ١٩٥٨ .

ولست أدرى — والحرالة هذه — إذا كان من حق أن أوصي القراء بقراءة
« بدوى أفندي وشريكه » قبل « قهوة الملوك » ، أم لا ؟ ! . فكل عمل منهما مستقل
تماما بذاته ، يتميز بأبعاده ومقاييسه الفنية . بل وتطور مضبوته وتكهته الخاصة
أيضا .

مهما يكن من أمر فإن « بدوى أفندي وشريكه » كان — تاريخيا — شسبنا من
التخطيط الأولى لقهوة الملوك . ثم نفذت اليه حركة الواقع ، وأجواء الحياة
وتطور الشخصيات خلال الصراع الإنساني .

والآن .. افعلوا ما يحلو لكم .

تخصيات المسرحية

شخصيات رئيسية :

بدوى أفندى : رجل فى الخامسة والثلاثين من عمره . عمله غامض ، الكل يعتقد أنه تاجر ، دون أن يعرف على وجه التحديد ماهية تجارته . يسكن بغرفة فوق فوق سطح المنزل المملوك للمعلم شهدة . بينه وبين أم خليل الساكنة بذات المنزل علاقة ود .

المعلم شهدة : ابن بلد يقترب من الحلقة الخامسة . صاحب مقهى الملوك ويضعه منازل بالحق . يسكن أحد هذه المنازل كل من بدوى أفندى وأم خليل . يسعى الى كسب قلب أم خليل بكل وسيلة .

ناشد أفندى : موظف حكومى على المعاش . تخطى الخامسة والستين نشيط . صديق للمعلم شهدة . يهتم بمشاكل رابطة كونها مع بعض زملائه للدفاع عن حقوق أصحاب المعاشات ، يحشر أنفه فى كل شيء . يناقش بدوى أفندى حول كتابة العرائض لاهل الحى ونقابة العمال .

أم خليل : أرملة فى الثلاثين من عمرها . ترمى طفلها خليل بالعمل حائكة للثياب . تسكن بمنزل للمعلم شهدة المواجه للمقهى .

سيد : ضبي مقهى الملوك . في الثلاثين من عمره . صديق
حبيب لبدوى أفندى .

عم موسى : رجل معمم في حوالى الأربعين من عمره . يحاول
دائما التحدث باللغة العربية الفصحى . اتصل
ببدوى أفندى خلال العمل وصار شريكه .

الرئيس حنفى : رئيس نقابة عمال مصنع افتتح حديثا بالحى
محبوب من العمال . سنة تقارب سن بدوى
أفندى .

للتلاويش عفيفى : مخبر لدى البوليس السرى .
الاستاذ سليم : محام شاب .

شخصيات ثانوية :

خليل : نجل أم خليل . طفل في التاسعة من عمره . طالب
بالدرسة الابتدائية .

مهندس البلدية .

حماة المعلم شهدة .

بائع السجائر الملاصق محله للمقهى . يمتاز بخبثه الضخمة .

بائع الطماطم ومجموعة من البائعين الجائلين .

مجموعة من العمال وموظفى المعاش ورواد المقهى .

مجموعة من نساء الحى .

مجموعة من المعزين فى ماتم .

مجموعة من جنود البوليس .

الفصل الأول



الزمان — الساعة التاسعة من صباح يوم من أيام الخريف عام ١٩٤٦ .

المكان — حارة صغيرة من حواري القاهرة الشعبية بحى عابدين .
ضيقة غير منتظمة الجانبين . ترشح رويدا رويدا بالمارة الذين يغلب عليهم الفقر ، سواء كانوا بالملابس البلية أو الأفرجية . يلحظ بينهم كثير من العمال بتردينهم الزرقاء يسرون بخطوات سريعة ، في حين تتهدى في شيء من الدلال النساء اللاتي لفن أجسادهن بالملابيات السوداء .

يحتل الركن الأيمن من الحارة مقهى بلديا . على واجهته لافتة كتب عليها « قهوة الملوك » . تتصدره منصة من رخام صفت عليها وعلى الأرفف اثنية بالجدار الخلفي المواجه للجمهور أو أن مختلفة للنساء والقهوة والشيشة والجوزة الخ .. تتخاطفها بدا القهوجى بسرعة خيرة لأعداد طلبات الزبائن .

وفي ساحة المقهى الداخلية ، وعلى رصيف الحارة انتشرت المناضد والمقاعد ، يشغل الزبائن بعضها وقد راحوا يدخلون الشيشة والجوزة بطريقة جماعية في الغالب . يترثرون .. يرتشفون بصوت مسموع الشاي والقهوة ومشروبات أخرى . يغدو بينهم في حركة متصلة وصراخ مسنهر « سيد » صبي المقهى مرتديا جلبابا وفوقه مريضة بيضاء بالية بعض الشيء . تظهر عليها بقع مختلفة ، وعند الوسط حيب كبير تصلصل بداخله القفود عند الحركة . على رأسه طاقية سوداء بازار أبيض ، وعلى ذراعه اليمنى فوطه .

بجانب المقهى محل صغير لبيع السجائر ، انحشر فيه صاحبه بحيث لا يرى وأن كانت ذراعه تظهران من وقت لآخر وتشتبان بضخامة جثة صاحبهما بغالبه التعاس فيصدر عنه شخير حاد .

وعلى الجانب الآخر من الحارة صف غير مهذب من البيوت الشعبية الضيقة الحجم ذات الطابع القديم . وأن تخللته سمات من الطابع

الجديد ، فالتوافذ الحديثة بجانب المشروبات بجانب الشرفات التي تتدلى من بعضها قطع من الفسيفس . تبين من آن لآخر وجوه بعض القسوة من التوافذ والشرفات يختبرون بلجديهن مدى ما وصل اليه الفسيفس من جفاف ، وبنابلن النضبات في ذلك وبساسة . وعلى مرمى البصر يبدو شامخا مبينا قصر نابدين الملكي .

من حين نعبز الحارة عربة ينفعها بائع منجول ينادى على بضاعته بصوت بنغم . بعض التوافذ تفتتح عن نسوة تشبك مع البائعين في مساومات حول الاسعار .

المعلم شهدة صاحب المقهى ممثلىء الجسم يعاوه وجه منتفخ ذابت فيه القسبات . يرتدى الملابس البلدية . يحرك بين أصابعه حبات مسبحة صفراء ويلعب بأصبع البنصر من يده اليسرى - التي يحركها دائما في وجوه محدثيه - خاتم ذهبي كبير نوعا ما . بهم بالجلوس الى منفدة على عتبة المقهى وهو يفرك بجنبه بنشاط .
المعلم شهدة : الله يا كريم !

(يبدو مقبلا ناشد أفندى بخطوات منتظمة ، وان شابها عرج خفيف نحيف الجسد . ذو ملامح حادة رغم جلد وجهه المكروش . يضع عند منتصف انفه نظارة مذهبة . مسبب شعر الراس الذى يبين لامعا على جانبى الطربوش الاحمر القاقع القصير . يرتدى الملابس الافرنجية بعناية ملحوظة ، وان كان واضحا انها لبست من طراز العصر . نطل من عروة الحاجكة وردة حمراء . يعلق بجيب جاكته العلوى خمسة افلام مختلفة الالوان والاحجام . ويحتفظ تحت ابطه ببعض الاوراق والصحف ، يلحبه المعلم شهدة مقبلا فيتهلل وجهه ويفتل شاربته وهو يواصل كلامه) .

المعلم شهدة : أهلا . أهلا . اشرقت الانوار يا ناشد أفندى . والله ولا ساعة الملك (ينظر الى ساعته الذهبية التي يخرجها من جيبه) تسعة . . تسعة بالدقيقة . (ناشد أفندى يصل الى مكان المعلم شهدة . يهد الآخر يده ليصافحه . لكن ناشد أفندى يمتنع وهو يحرك يده اليمنى متالما . يجلس ببطء على المقعد الذى يقميه له المعلم شهدة . سيد صبى المقهى يقترب منهما بناء على اشارة من المعلم شهدة وينادى بصوت ممطوط) .

سيد : وعندك واحد على الريحه . وشيشة عجمي للمعلم .

أحد الزبائن : والشاى يا سيد . يعنى نقعد سنة علشان بقى شاى .

سيد : (مقاطعا وبذات الصوت المبطوط) والشاى المخصوص استعجله .

(ناشد أفندى يخلع طربوشه بحرص ويضعه مع الأوراق على كرسي بجانبه فى حين ينقل المعلم شهادة نظراته بين ناشد أفندى وناغدة مغلقة فى البيت المقابل . يظهر فى الحارة بائع صحف) .

بائع الصحف : الأهرام الاثنين والدنيا .. المصرى . اقرا حادثة الخماره .. أخبار مظاهره الاسماعيلية (يلقي بنظرة فاحصة داخل المقهى ويسال سيد) هو بدوى أفندى ما جاش ؟

سيد : (سيد يجيبه بالتفى بهزة من رأسه وهو يصيح بصوته المبطوط) واحد قديم . وادى اثنين كمان بيتقوا ثلاثة جنزاييل .

الرئيس حنفى : (مستكملا حديثا) والعمل يا استاذ ؟

الاستاذ سليم : ما هو انا ما أقدرش اكتب لكم كل شىء .. محاضر منشورات فى كل وقت . خطر يا حنفى خطر . انا مفروض محامى النقابة وبس . وانت عارفا اليومين دول الواحد لازم يحتاط . احسن خسايرنا كترت . خصوصا بعد مظاهره امبارح .. عندك حق . لكن نعمل ايه فى حالتنا . ده اللى ظروفيه كويسه من العمل يا دوب يعرف يفك الخط .

الاستاذ سليم : يا أخى اتعلموا وعبروا عن نفسكم بنفسكم بالكتابة ، زى ما بتعبروا باللسان .

الرئيس حنفى : ما احنا بنتعلم فعلا يا استاذ سليم . لكن الميالة عايزة وقت ، وانت عارف اللجنة خلت نقابتنا مسئولة عن عمال المنبطة دى .. منبطة بسلامته (يشير الى القصر الملكى) .

الاستاذ سليم : انت موش كنت قلت لى مره ان فيه راجل بتتقوا فيه

ساكن هنا فى حتتكم بيقرا ويكتب كويس .
وحاتوظفوه سكرتير للنقابة يكتب لكم كل اللى انتم
عايزينه ؟

الرئيس حنفى : مضبوط . بدوى افندى . ابن حلال مصفى . وقلبه
بيكتب الكلام زى الدوا تمام . وفيه كمان ناشد
افندى (**يشير ناهيته**) ريقه بيجرى على الشفلة .
راجل طيب بزضه ، بس كتابته بصراحة توخم
الواحد وتخليه ينمس .

الاستاذ سليم : طيب ومستنيين ايه على بدوى افندى ده ؟
الرئيس حنفى : عدم المؤاخذه . الفار بيلعب فى عبه حبتين . وأصله

موش عارف بيتاجر فى ايه . أهو أنا مستنيه لما
ينزل أكله تانى . هى الساعة بقت كام دلوقت ؟
الاستاذ سليم : ياه . الساعة قربت على عشرة . أنا اتأخرت على

المحكمة المهم بقا انكم تحضروا كل المستندات اللى
قلت لك عليها واذا خلصت الجلسة بدرى أرجعلك
قبل الظهر . . والا بقى يا عم تجيوهالى المكتب
قبل الساعة ستة احسن نازل أعزى بعد كده .
الرئيس حنفى : اتفقنا اما اقوم معاك أنا كمان . . عشان الحق
أخلص وأكون فى القهوة قبل الظهر .

سيد : (**يلمح الرئيس حنفى والاستاذ سليم ناهضين**)
الله . على فين يا رئيس حنفى . بدوى افندى
زمنه جاي . ده عمره ما اتأخر كده . موش تستنى
لما الاستاذ يشوفه يمكن يقدر يقنعه بكلامه الحلو .
الرئيس حنفى : أنا واصل المصنع وجاي تانى . أصلى اتأخرت
خالص . والاستاذ وراه شغل .

بائع الصحف : (**ماضيا داخل الحارة حتى يختفى**) الاهرام اتناشر
صفحة . مظاهرة الاسماعيليه . المصرى والاثنين
والدنيا . حادثة الخماره بالاسور اهرام .
ومصرى .

ناشد افندى : ده الرئيس حنفى ماشى أهو . ما كنا كلمناه يا معلم
عن الشفلة .

المعلم شهده : كلمته . كلمته يا ناشد أفندى . وحايقول لنا بعد يومين .

ناشد أفندى : يومين ! طيب .
(تسمع أصوات نداءات بائع الصحف عن حادثة الخماره) .

ناشد أفندى : شفت حكاية الخماره دى يا معلم . تصدق بالرب .
الأخلاق خلاص انعدمت من البلد . تصور أربع أولاد صغيرين ما بين سبعتاشر وتسعتاشر سنة يهجموا على خماره بالمسدسات يقتلوا فى الناس ويسرقوا الفلوس فى عز النهار والشمس طالعة والخلق رايعه وجايه . آه يا ايدى (يقلب يسده اليمنى فى حرص مبالغ فيه) .

المعلم شهده : (يهز رأسه موافقا فى حرارة) السيما ! وديانك انت ما فيه غيرها يا ناشد أفندى . السيما هى السبب . أقول لك حكاية .. الواد سمبسكة . سامى .. ابنى من جماعة شبرا .

ناشد أفندى : (مقاطعا وهو يواصل تحريك يده اليمنى بآلم)
ماله ..

المعلم شهده : رحبت لهم السبب اللى فات . حاكم أنا يا ناشد أفندى راجل حقانى قوى . الجمعة والسبت والاحد ونص الاثنين عند جماعة شبرا . وبقية الايام مع جماعة بولاق آه .. حاكم أنا أحب أرضى الله فى المسائل دى . تعرف ! لو خدت لواحد موز لازم أجيب للتانية موز برضه من نفس الصنف . برتقان بصرة .. برتقان بصرة .. موش بلدى . لا . بصرة . آه . منديل بأويه . منديل بأويه . لبشة قصب لبشة قصب (يخفت صوته ثم لا يلبث أن يحد) لكن ما فيش فائدة .. الغيرة يا ناشد أفندى . الغيرة . تصدق بالله أنا ..

ناشد أفندى : (مقاطعا) ما قلت ليس . سامى ماله (يستمر فى جس يده اليمنى) .

المعلم شهده : سامى ! آه الواد سمبسكة . يا دوب تسع سنين
(مفكرا) شوف على عزرائيل الفلوس ما يجى ..
ناشد أفندى : عزرائيل الفلوس !

المعلم شهده : مفتش الضرايب يعنى . على ما ييجى إحاسبنا .
سين جيم سين جيم . يتم الواد تسع سنين . ما
اطولش عليك . يا سيدى السبت اللى فات .
شبرا يعنى . لقيت الواد رابط حبل فى عمود السرير
ومتشعلق فيه . وعمال يعوى زى الكلاب السمرانة
نهام يا ناشد أفندى آ .. آ .. آ .. آ .. آ ..

(المعلم شهده يرفع صوته بالاهات وهو يطوق
فمه براحتى يديه . رواد المقهى يهبون من أماكنهم
ينظرون فى حيرة وعجب الى المعلم . سيد يهرع اليه
مستسرا فى دهشة . بعض المارة يتوقفون
ويحلقون فى المعلم شهده) .

سيد : فيه حاجة يا معلم . زغلته أجيب لك كباية فيه ؟
المعلم شهده : (غاضبا) زغلطة ايه يا ولد . جاك زغلطة تقصير قبعتك
(مشيحا بذراعيه) عجيب والله على دى الخلق .
ايه لا اكونش بليانشو . والا أراجوز قدامكم . ما
تهوى منك له يا ولد .

(يهزق الناس باسمين . ناشد أفندى يحاول
جاهدا ان يخفى ضحكته لكنها لا تلبث أن تنطلق .
المعلم شهده ينظر اليه والى الناس حائرا ثم فجأة
تصدر عنه ضحكة باهتة ويتلوها بصائيل من
الضحكات الرنانة فينفجر الناس بالضحك وتفتح
النوافذ فيما عدا نافذة فى البيت المواجه للمقهى ..
وتبدو فيها وجوه نساء مستطلعات) .

أحدى النساء : يوه ا جرى ايه للرجالة يا أختى النهاردة ؟ !
(ترسل ضحكة خافتة تتبعها بأخرى مرتفعة . وعلى
الاثر تنهمر الضحكات النسائية من النوافذ ويفرق
المسرح فى موجات عارمة من ضحكات الرجال
والنساء المختلطة . يصوب المعلم شهده نظرائه الى
النافذة المغلقة) .

المعلم شهده : وحدوه يا اخوان .. الله . ناشد أفندى انت موش شايف حاجة كده ولا كده ورا الشباك ؟

(تتعثر الضحكات خلال التسابيح التى ارتفعت من الناس رداً على نداء المعلم شهدة وتهمد شسينا فشيناً) .

ناشد أفندى : صحيح البنى آدم منا ضعيف . ما يصدق يلاقى حاجة . ويلزق فيها ويروح مقلدها . واحد ضحك . هب الكل وراه زى الغنم . لكن ما قلتايش حصل ايه لسبسكة ؟

المعلم شهده : (معتدلاً يستكمل روايته وكان شيناً لم يحدث) آه . قال ايه الواد بيقلد طرزان السيمى . الله . ما احنا شفناه سوا لما رحنا السيمى الاهلى الاسبوع الى قبل قبل قبيل الاى فأت ، الراجل العريان الى بيتنطط من شجرة لشجرة زى القرد . والله واخف من القرد يا ناشد أفندى .

ناشد أفندى : (بضيق) هيه . هيه .
المعلم شهده : وعنها يا سيدى والواد سمبسكة يروح واقع على الارض تنقص رجله .. عدوك امه صوتت ولت علينا الدنيا . وخدته انا وطيران على الجبرأتى .
ناشد أفندى : (مقاطعاً) تصدق بالرب يا معلم . ما فيه حد لازم له الجبرأتى غيرى .

(ناشد أفندى يحرك يده اليمنى ببطء وحذر فتتعلق بها عينا المعلم شهدة الذى يتكلف الانزعاج) .

المعلم شهده : سلامتك يا ناشد أفندى . خير .
ناشد أفندى : تصدق بالرب يا معلم . ايدى اليمين من ليلة امبارح موش عارف احركها . اتجهدت . زى ما تقول صوابمها صدت . خلاص بقى .. الواحد عجز . وعضامه تخشببت .

المعلم شهده : ما تفولش على روحك يا ناشد أفندى . تصدق بالله . الشباب حايفط من عينيك ويخرق النصارة ويرقص هنا على الترابيزة . (يخطبكفه على سطح المنضدة ثم يزغد ناشد أفندى فى كتفه زغدة قوية



حتى ليكاد يوقعه الى الارض) انت بس اللي بتتعجب
روحك اكثر من اللزوم في حكاية الجمعية دي .
ونازل في كتابة العرايض عريضة ورا عريضة
ما تقولش رجعت الحكومة تاني .

ناشد أفندى : (وهو ينظف زجاج نضارته) الحكومة ! تصدق
بالرب يا معلم أنا أيام الحكومة . هه الحكومة .
ما كنت أنهدم أبدا ولا ايدى تبطل كتابة حاكم أنا
زى ما انت عارف كنت رئيس . رئيس قلم الأرشيف .
وتحتى بقى . يعنى تحت رياستى أنا يعنى . .
خمسة موظفين . لكن أنا . . أنا بقى اللي كنت
أعمل كل الشغل . حاكم دى مسئولية يا معلم .
مسئولية ميري والمسئولية الميري تعجز البنى آدم
بسرعة . دى المرحومة مراتى . مقدسة مرتين . .
وحياتك . كانت تقول لى سنة الحكومة بتخطف
خمسة من عمرك ياسى ناشد .
(ناشد أفندى تصيبه الكحة)

المعلم شهده : يا ناشد أفندى . اسمها نصيحة منى . ربح نفسك
وبلاش كتابة كل يوم . خلى واحد تانى يشيل عنك
شوية (يخفض من صوته وكأنه يوجه الحديث الى
نفسه مع التطلع الى النافذة المغلقة) يا ناس .
فيه حاجات بتلعب ورا الشباك .

(سيد يحضر الشيشة الى المعلم شهده والقهوة الى
ناشد أفندى الذى يشرب بعض الماء ثم يسكب
بحرص نقطة منه في فنجان القهوة) .

ناشد أفندى : أريح نفسى ازاي يا معلم . اهو انت سيد العارفين
مين غيرى يكتب العرايض .

المعلم شهده : وأحد من زمالك دول . محمد أفندى . نخلة
أفندى . .

ناشد أفندى : (بسخريه) محمد أفندى . محمد أفندى القط .
الى يا دوب يكتب سطر ومخه ينهج في التانى .
والا يوسف أفندى نخله الى كتابته نكش فراخ ما
تعرف منها السنين من اللام . من النون . تصدق

بالرب يا معلم لولا اليد دى (يرفع يده اليمنى)
الصوابع دول ما كانت ولا عريضة تنكتب .
ما كانتش جمعية حضرات التنايلة موظفى المعاش
اتوجدت . ولا تهوة الملوك شافت خلقهم .
المعلم شهده : (يمسح رقبته فى استطلاع مشير الى النافذة المغلقة)
غريبة ا

ناشد أفندى : ولا غريبة ولا حاجة . دول كانوا موظفين بالاسم
فقط لا غير . لكن شغل ما فيش شغل . دا أنا
لما كنت فى الحكومة ريس قلم . كان عندى موظف
اقول لك ايه بس . بلاش كلام فى سيرة الناس .
أحسن حرام . حاكم أنا زى ما انت عارف راجل
فى حالى . ما حبش لسائى ينبش فى حال حد والّا
محتد .

المعلم شهده : ونعم الاخلاق يا ناشد أفندى . تصدق بالله . أنا
(ييخلق فى النافذة المغلقة) أنا زيك تمام .
(يظهر فى الحارة بائع متجول يدفع عربية يد محملة
بثمار الطماطم ينادى على بضاعته بصوت منغم
رخيم . ناشد أفندى يشرع فى ترتيب وتصليح
أوراقه . المعلم شهده يشرد مفكرا وهو يتابع جذب
أنفاس الشيشة) .

البائع المتجول : يا احبر من خدود الحبايب يا قوطه .
(تفتح فجأة النافذة المغلقة ويطل منها وجه سيدة
شابة تعصب راسها بمنديل فاقع اللون . ترين
جوانبه شوارب مختلفة الألوان . ويتدلى على
كتفها صغيرتان من الشعر الاسود الفاحم تضفيان
مزيدا من التاللق للصدر الناصع الزجاج) .
المعلم شهده : (بصوت هزته المفاجأة وحيات المسيجة تتحرك بين
أصابعه فى مزج والابتسامة تفرش وجهه) سبحان
الله سبحان الله . الله جميل يحب الجمال .
سبحان الله . . .

السيدة : (متعمدة تجاهل الجميع) يا عم يا بتاع القوطة .
ناشد أفندى : (رافعا راسه تدريجيا عن الأوراق) أما أنا النهاردة

ناوى اكتب حقة دين التماس .. للوزير .. للوزير
رأساً (ناشد افدى يلتفت الى المعلم شهده فيصطدم
بنظراته الوالهة فيتابعها حتى السيدة التي تطل من
النافذة . يهز رأسه مرات ثم ينشغل في الكتابة مرتلا
ما يكتبه بصوت اخف) .

ناشد افدى : يتشرف برفع هذا التماس الى .. الى عثبات
معاليكم ..

السيدة : (بضيق مصطنع وصوت مرتفع) يا عم يا بتاع
القوطة ..

المعلم شهده : سبحان الله .. سبحان الله ..
(البائع يتوقف عن السير ويركن عربته امام باب
البيت المواجه للمقهى تماما) .

البائع المتجول : نعم يا ست . صباحك نشطة ولبن باذن الله .
المعلم شهده : (لسيد) هات واحد شاي بالحليب ابو خير .
أشربه يا واد الهطه لهط . سبحان الله . سبحان
الله ..

السيدة : (للبائع دون ان تعي المعلم شهده التفتاتا) عندك
قوطة صابحة وكبيرة .

البائع المتجول : قوطة ! انا عندي تفاح . جواهر . بنت يومها
وحياة اللي خلقتك . وخلق القمر ونجوم السما
في يوم واحد .

السيدة : (تصدر ضحكة عالية متكسرة الى ثلاث نفحات
رقيقة) جواهر . وبكام بقى رطل الجواهر .

المعلم شهده : سبحان الله . سبحان الله ..
البائع المتجول : عاشان خاطر عيونك ووشك السمح . خمسة
تعريفة .

ناشد افدى : (مستمرا في الكتابة والترنيل) ولقد اضنا زهرة
شبابنا في خدمة الحكومة .. في خدمة الحكومة ..
في خدمة الحكومة (يتوقف مفكرا) .

السيدة : (متطلعة للبائع لحظات) خمسة تعريفة . أوعى
يا راجل تكون مصدق أنك بتبيع جواهر صحيح .
قال خمسة تعريفة قال .

البائع المتجول : طيب والى خلقتك احسن من الجواهر . دى يا توت
مصنى . دوتى واحدة بس (يرفع اليها احدى
الثمرات) .

السيدة : اسمع يا راجل . انا ما حبش الفصال ع الصبح
تجيب الرطل بقرش ؟

البائع المتجول : (محتدا) قرش ! الرطل كله بقرش . ليه . هو
انا كنت سارقها . والله لما اكون لاقىها فى الشارع
ما ابيعها بأقل من قرشين (البائع يهم بالسير
بالعربة) .

السيدة : تباع بتلاثة تعريفة ؟

البائع المتجول : (بعد تردد وهمهمه غير واضحة) عليه الموض .
عاوزه كام رطل ؟ (السيدة تختفى داخل المنزل
لحظة . ضجيج المقهى يرتفع . البائع ينادى على
بضاعته . المعلم شهدة يواصل جذب انفاس
الشيشة . والتطلع فى قلق الى نافذة السيدة .
ناشد افندى منكب على الكتابة والقرتيل . وبين
الحين والاخر يبسط يده اليمنى ويقبضها بقصد
اراحتها) .

ناشد افندى : (عاتدا الى الكتابة والقرتيل) فى خدمة الحكومة .
أطال الرب عمر الحكومة (يبتسم فى زهو) هه .
بقا نخله افندى يكتب جملة زى دى (بتفغيم) أطال
الرب عمر الحكومة . يا أخى دهده .. هيه ..
ونحن نطمع يا صاحب المعالى فى عطف .. لا .. لا
(يتوقف مفكرا ثم يعود لكتابه باسم) ونحن نطمع
يا صاحب المعالى العظيم فى عطفكم الكريم الذى
غمر العالمين . (السيدة تظهر فى النافذة مرة اخرى
وتدلى بسلة الى البائع) .

السيدة : سيد .. يا سيد ..

(المعلم شهدة ينهض فى اضطراب يثير الانتباه) .

المعلم شهده : يا سيد . واد يا سيد . كلم الست ام خليل يا ولد .
(سنيذ يهرول ناحية البائع تنفيذا لامر المعلم شهده .

أم خليل تتلفت في دلال الى المعلم شهده وكأنها
لم تلحظ وجوده من قبل . فتتفرج شفتاه في
سعادة) .

أم خليل : صباح الخير يا معلم . اسمع والنبي يا سيد .
المعلم شهده : صباح النور والهناء .
نشد افدى : (وهو يرفع بصره الى النافذة من خلال نظارته)

وإدام الرب عهدكم السعيد الى ابد الابدین .
أم خليل : سايقة عليك النبي يا سيد تنقى لي رطلين قشطة .

على الفرازة يا سيد (سيد ينهمك مع البائع في
اختيار ثمار الطماطم . يظهر في اقصى الحسارة
طفل صغير يرتدى مريضة مدرسية سوداء ويحمل
بعض الكتب بيده . يسير على مهل تارة ويحجل
تارة اخرى)

أم خليل : (صارخة عند رؤيتها الطفل) يوه . يا فتاح

يا عليم . ايد اللي جابك يا واد يا خليل دلوقت .
(الطفل يستمر في سيره دون مبالاة حتى يصل
الى طرف المقهى)

أم خليل : ما تطلق يا واد

خليل : اصل . اصل المدرسة . انا . انا جعان يا امه

أم خليل : (في حدة) هي البلاعة اللي جواك دي موش

حانتسد شوية ابدا . . يا واد ما تقول المدرسة

مالها . يوه يادى الخيبة

خليل : قا . قا . . قالوا لنا اطلعوا بره . وتعرفى مين

كمان يا امه

أم خليل : هيه ؟ . .

الواد جوده . والواد سنبل . وكمان اسماعين .

وكل اللي ما دفعوش المصاريف .

أم خليل : (بحنى) المصاريف ! يوه . يادى الخيبة .

مصاريف ايه يا ادلعدي ياست يا مدرسة .

همه كام يا واد

خليل : الم . . الما . المصاريف يعنى . اصل . اصل

اصل انا جعان يا امه

أم خليل : يا واد ما انت طافح الصبح شقة بفول مدمس .
يا واد انطق أحسن والله العظيم ثلاثه بالله العظيم
ما خللى ايديك تتلم على لقمة .

المعلم شهده : (ناهضا ومحتضنا الطفل) ماتصلى على النبی
وتهدى أخلاقك آمال (لعامل النصبه) روح يا واد
هات لخليل شقة بطعمية والا حلاوة . الى
يعجبه .

خليل : حلاوه ! (يذهب عامل النصبه من احدى منحنيات
الحارة لاحضار الساندوتشي)

البائع المتجول : (صائحا في ضيق) دى ماكائنش بيعه . ماتخلصونا
بقى .

أم خليل : خلصت روحك . راجل عديم الذوق صحيح .
يا راجل يا شايب . أنت موش شايف السواد
مطروود من المدرسة .

(البائع المتجول يحاول الرد على أم خليل بالسياب
ولكن المعلم شهده يمنعه . المعلم يعاود احتضان
خليل وتدليله)

أم خليل : آه يا طفس . يا واد قول . انطق . المصاريف
كام ؟ !

(خليل لا يجيب . ناشد افندى يظهر ضيقه ويكف
عن الكتابة) .

ناشد افندى : يا ستر . ده ولا المورستان . .

المعلم شهده : (لخليل في صوت حنون) يعنى تعرفت تقول
المصاريف كام . موش معقول تعرف . موش
معقول . .

خليل : (في تحد طفولى) أبوه أعرف . تعرفت كام . يعنى
تعرفت كام يعنى . قرش صاغ و . . وخمسة
جنيه . وتلاتين قرش كمان .

أم خليل : (بغضب فائر) بتقول كام . خ . . خ . . خمسة
جنيه . ليه ؟ هو أنا حاشترى المدرسة . والا
يعنى حاشترى ثلاث أربع دست مدرسين .

خمسة جنيه ! ده ولا المهر اللي دفعه لى ابوك
الله يرحمه . ولا قسط ماكينة الخياطة اللي
مربية شحك ولحك وسترانا . يوه يادى الخيبة
القوية .

(يدخل عامل التصبية بالساندوتش ويناوله للمعلم
الذى يناوله بدوره الى خليل)

المعلم شهده : ما تحمليش هم يا ام خليل . الفلوس موجودة
تحت امرك (يربت على موضع محفظة النقود
من سترته) اى فلوس .

الفلوس اللي تقضى كل مطلوبك ومطلوب خليل .

ام خليل : فلوس ايه وبتاع ايه يا معلم . هو احنا كنا مدينا
ايدينا وقلنا لك حسنة لله يا معلم . لا يا عומר .
انا بارى ابنى بعرقى وعفيتى . هم ! لاحوش .
شيل هيك بعيد عنا يا ادلعدى . احسن يغرقنا
.. حوش !

المعلم شهده : (فى ارتباك) هو حد قال حسنة يا ست ام خليل .
عيب . انا تصدى سلف . بس كده . سلف .
تصدقى بالله .

ام خليل : (مقاطعة) لا يا معام . احنا لابنسلف ولا بنسلف .
احنا بنشتغل وعاشين على قد القرش اللي
يخزل لنا .

(المعلم شهده يحاول الاعتذار بهمهمات مضطربة .
يستجذب بناشد افندى بيديه . ام خليل لا تهتم به
فيجلس خاتفا يجذب انفاس الشيشة بعصبية)

ام خليل : (للبائع وسيد) ما تعبوا القسوة فى القنص
(مبسلة) اما عجائب والله على الناس اللي
شابو ، ومايختشوش .

قال سلف قال . تعالى هنا ياواذ يا خليل مقبال
ما يجى سى بدوى افندى واخليه يكتب عرايظ
لاكبر شنبات فى البلد .

(خليل يغادر الحارة الى المنزل)

ناشد أفندى : (هامسا) بدوى أفندى يكتب عرايظ . عيى

يا ميني
أم خليل : (مستطردة) عريضة للناظر .. وعريضة لرئيسه ..
وعريضة لرئيس رئيسه أن شالله يكون فى
منايع سما .

المعلم شهده : شوف النسوان يا ناشد أفندى . أنا نيتى صافية
وسليمة . أعوذ بالله أقدم الورد يرمونى بشوكه .
(ناشد أفندى يهز رأسه روتينيا ويعود لتصفح
أوراقه والكتابة فيها . أم خليل تجذب السلة التى
امتلات بالطماطم) .

أم خليل : خمسة جنيه .. وتلاتين قرش . وقرش كمانى ..
ليه .. هى الناس بتلاقى القرش بالسسل
بتسخره . بتزرعه .

(تصل السلة الى حافة النافذة فتناولها أم خليل
بيديها وتغيب داخل المنزل . يتحرك خليل أيضا
وينفذ بصعوبة من الباب الى الداخل بسبب عربة
الطماطم التى تسده تماما . بعض النسوة يظهرن
فى الحارة بالملاءات السوداء كما تطل أخريات من
التوافذ والشرفات ويشتركن جميعا فى مناسومات
مع بائع الطماطم الذى يبدو حائرا بينهن . ومن
أن لآخر ينادى على بضاعته)

المعلم شهده : (لنفسه فجأة) بدوى أفندى . بدوى أفندى
(يرفع صوته) الراجل ده يا أخى لابد يكون مولود
فى ليلة القدر وأمه داعية له . لازم يكون كده .
ناشد أفندى : (يرسل نحنة خفيفة وهو مكب على الأوراق)

ميين
المعلم شهده : بدوى أفندى .. كل حاجة بدوى أفندى . إاكل
بدوى أفندى . الشرب بدوى أفندى . المدرسة
بدوى أفندى . ناقص تنزل ترقص له بقى فى الحارة
آه . آدى اللى ناقص . ترقص له فى الحارة .
(فى انفجار) الله يلعن اليوم اللى أجرت له فيه
لودة السطوح . ولف على الولية يا خويا ولا

العنكبوت (يحرك حبات السبحة) سبحان الله .
صحيح ولا العنكبوت .

ناشد أفندى : (ببطء وهو يضغط على الكلمات) عنكبوت . ده
تعبان ماتعرف . ديب ماتعرف . تعلب ماتعرف .
ده مصيبة . لفز . يا سلام . تعرف أنا لما كنت
في الحكومة ريس قلم الارشيف . تحت ايدي اربع
موظفين كان عندي موظف .

المعلم شهده : (مقاطعا) آه يا بدوى الكلب . ولعه للشبيشة
يا سيد .

سبحان الله . سبحان الله .
احدى النساء : (لبائع الطماطم) والنبى ما ادمع الا قرش واحد
في الرطل

البائع المتجول : يفتح الله

احدى النساء : (للبائع) اسمعنى بعت لام خليل بقرش .
ثانية : روحى انت اعلى خياطة وهو يبيع لك بقرش
ثالثة : خياطة افشر !

المعلم شهده : (غاضبا) . ابره تنغز في عينك منك لها يا بنت .
مالها الخياطة (النسوة يخفضن اصواتهن ويتغامزن
ناشد أفندى يهدى من روع المعلم شهده)

ناشد أفندى : يا معلم امسك روحك . الحكاية ريحتها فاحت على
الآخر وناقص لها رجلين وتمشى في الحسارة
كلتها .

المعلم شهده : وماله . هو انا لاسمح الله باخطف والا باسرق .
كله بالتمن وعلى يد المانون . تصدق بالله اكتب
لها نص البيت مهر . شوف بقى يعنى ايه . نص
البيت بحاله .

ناشد أفندى : يا راجل ده انت عندك عيلتين . في كل عيلة نص
دسته عيال .

المعلم شهده : وماله يا ناشد أفندى . فاضل لى كمان اتنين على
شرع الله وسنة رسوله . تصدق بالله . أنا نفسى
من زمان اعمر لى كده بيت فى السيدة زينب ببركة
ام العواجز الطاهرة . . مدد يا ست .

ناشد أفندى : تصدق بالرب يا معلم . أنا لا يمكن افكر فى الجواز
بعد الرحومة مرأتى . ولو حتى أدونى مية جنيه .
ورقة واحدة كده وُدسوها فى جيبى الجوانى ده .
وقالوا لى خد واتجوز يا ناشد أفندى .

المعلم شهده : يدوك ! مين دول اللى يدوك ، مية جنيه ، ورقة
واحدة لا . لا يا ناشد أفندى لكم دينكم ولى دينى .
أنا ياعم أجوز وأجوز وأدفع أنا الميت جنيه . آه
لولا بدوى الـ .. استغفر الله العظيم بقى .
دى جوازه زى اللحمة المشفية . من غير عضم .
جوازه من غير حماه يا ناشد أفندى . عارف يعنى
أيه من غير حما .

البائع المتجول : تمن القوطه ياسبت ياللى خدتى الرطلين . خيلنا
نتوكل .

ناشد أفندى : تصدق بالرب يا معلم . انت المحقوق .

المعلم شهده : أنا !
ناشد أفندى : أيوه انت . أنا موثى قلت لك ميت مرة ومرة .
ماتأجرش لحد قبل ما تعرف مصله وأصله وشغله .
يكون مين بدوى أفندى . ابن مين بدوى أفندى
بيشتغل ايه بدوى أفندى . محدوف علينا من أى
داهية حاجة غريبة ، دا أنا لما كنت فى الوزارة
ريس قلم .. كان عندى موظف ..

المعلم شهده : (مقاطعا) أهو قال لى أنا تاجر يا معلم (بتأكيد)
هو أصله تاجر .. بالظبط تاجر . لكن تاجر ايه .
تاجر فين . الله وحده هو العالم . هو القادر على
كل شئ (بصوت منخفض) يا أم خليل نظرة .
دا أنا طالب القرب فى الحلال .

ناشد أفندى : تاجر ! تاجر ايه ده الاجرب الصعلوك . اللى ..
اللى محسوب على البنى آدمين راجل . الغريبة
انه قارح .

المعلم شهده : (مقاطعا) صحيح قارح
ناشد أفندى : عمره ما يستحق . تصور أنه بيشتري الجورنال
كل يوم الصبح . وعامل نفسه فالج قدام النقابة ،

يقرا ويكتب في عرايظ . كا . . كانه موظف حكومة
(يقهقه بسخرية) وموش بعيد يقول لك مرة . .
انه ريس قلم مثلا . اصله يمكن فاكرا ان ريس
قلم دى بسيطة . طيب ده انا لما كنت ريس قلم ،
كان عندى موظف . .

المعلم شهده : (صاااا) يا واد ماتيجى تصلح الشيشة . لكن
تعرف تقول لى يا ناشد افندى ، اهو انت ياعم
ريس قلم قد الدنيا

ناشد افندى : (بحسرة) كنت . . كنت يا معلم . . ايام وفاتت
زى الاكسبريس . مابقى الا محطات قليلة . ونبلط
فى الخط

المعلم شهده : اكسبريس ايه . ومحطات ايه يا ناشد افندى .
يا زاجل انت كونت وفونت وفاصل دايم كده على
طول . فوق الراس ، وجوه المعين ، ريس قلم .
اكبر قلم واكبر دواية ، والحنة كلتها . .

(المعلم شهده يشيح بيده . يظهر بعض الضيق
على وجه ناشد افندى بسبب عبارات المعلم
شهده الاخيرة . سيد يحضر وعاء مملوء بجهرات
النار ويضعها فوق فوهة الشيشة . ويصطدم
بقدم ناشد افندى)

ناشد افندى : (بصوت خفيض) دواية ! (بصوت مرتفع) ياسيد
حاسب . حا تحرق البنطلون بالنار يا ولد .

المعلم شهده : بعيد . بعيد يا ناشد افندى . قول لى بقى . افندينى
فى سى بدوى افندى ، اعمل فيه ايه . بالاصول
(باستفسار) اقطع له الكونتراتو واعزله .

ناشد افندى : ماتقدرش . القانون بمنحك .
المعلم شهده : القانون . . قانون ايه ده بقى ؟

ناشد افندى : قانون ال . . على العموم المسألة موش محتاجة
كل ده مادام ناويين يهدموا كل بيوت الحقة لاجل
يفعلوا السكة الجديدة تدام السراية .

المعلم شهده : يهدموا ! طيب تصدق بالله . الى يهد بيتي انا
اهد حيلة وعافيته . هى سايبه . المهم خلينا فى

موضوعنا . قاتون ايه اللي يمنعنى من طردساكن
موش لادد على

ناشد أفندى : قاتون المساكن .

المعلم شهده : قاتون المساكن ! هى البيوت رخره عملوا لها

قنون . على فكرة ليلة امبارح سهرت فى فرج على
كيفك ، كان فيه واحد بيضرب على قاتون ، لكن
ايه ؟ ضرب يرقص الحجر يا ناشد أفندى (بعد
برهة) حلفت لو كان فيه قسمة لإجيبه فى ليلة
دخلتى على ام خليل (لحظة صمت) الله ! هو لما
واحد ساكن فى بيتك يشبك مع ساكنه من
السكان ، مثلا يعنى مثلا . ما تقدرش تطلعه .
قاتون ايه اللي يمنعك ؟ موش كفاية قاتون
الضرايب اللي بيلف الفلوس من غير ايها سبب .
وتبلع بلع فى السريات والخدم والحشم والفخفة
(يشهر الى القصر الملكى) .

ناشد أفندى : اصل يا معلم . يا الطاف الرب ! ياريتنا افكرنا
فى حاجة تستاهل .. عزبه . والا الف جنيه !

أهو حضرتته شرف . (يظهر فى فرجة باب المنزل
بدوى أفندى يرتدى جاكته سوداء وينظلون رمادى
باهت ، عصب راسه برباط أبيض وأمسك بيده
طربوشا لا يستطيع الخروج من الحارة بسبب
عربة الطماطم التى تسد الباب)

بدوى أفندى : يا فتاح يا عليم . مسدودة والحمد لله . يعنى
يا بنى آدم الدنيا كلها ضاقت ، والحارة خلاص
انزحمت عن آخرها مافيش غير الحقة دى تقف
فيها وتسد الباب على الخارج والداخل . ياتاس
ميزوا . فكروا . أحيوا المأسوف على عمره اللي
دفنوه فى روسكم (يشهر الى راسه) يا ناس
العقل . العقل . هو الفرق الوحيد بين البنى آدم
وذوات الاربع ..

بعج الطماطم : حيلك . حيلك . ايه هى الحكاية يا سيدنا الأفندى

مالنا احنا ومال الذوات . ما بلاش تقطيم على
الصبح

المعلم شهده : خليك ياواد في مطرحك ولا تسال . ده بيتي أنا
وأنا صاحب لك . آه . لغاية ماسكاني كلهم
يشتروا وينبسطوا (يصفق) هات واحد هنا على
الريحة كمان لناشد أفندى على حسابي .
بدوى أفندى : حسابك . بيتك قهوتك . سكانك . عبيدك . لكن
ماهيأش حارتك دي حارة الخلق كلتهم .

المعلم شهده : (ضاحكا بعصبية) أنا جر

بدوى أفندى : أنت حر جوه نفسك . ان شالله تطريقتها .
تفرتكها . تسدها . لكن بره نفسك . لا . فيه
الناس . والحارة بتاعة الناس . كل الناس
(**البائع الطماطم**) يابني آدم حس . واتعتسع
بعربيتك خلينى أخرج لشغلي .
(**أم خليل تظهر في النافذة من جديد**)

أم خليل : يوه . مالك ياسى بدوى أفندى . صباح الخير

بدوى أفندى : (وهو لا يزال على عتبة الباب) صباح النور .
ولا حاجة ده بتاع القوطة سادد الباب بعربيته .
والمعلم قاعد يهندس ويأمر . . و . .

بائع الطماطم : (**مقاطعا**) ماتدونا فلوسنا واحنا نسيبها لكم
جرى . دي بيعة ايه دي اللي تطير الدماغ .
(**ترمى الى البائع قطعة من النقود**) خد يادلمدى
وسد حلقك بقى . حقك على أنا ياسى بدوى
أفندى أنا اللي وقفته . . لا مؤاخذه أصل الواد
خليل . .

بدوى أفندى : (**مقاطعا**) حقك انت اللي فوق رأسى با ست أم
خليل وخالق الكون ما أعرف أنك انت اللي موقفاه
(**لنفسه**)

أتارى أبو سبحة فالصو محبوق قوى .

(**بائع الطماطم يفحص قطعة النقود بعناية** .
يجسها بين أسنانه ويرنّها على الأرض)

بائع الطباطم : لا يا سنت . الحقة بخمسة دى وشها ماسح (بدوى أفندى) شوف كده يا سيدنا الافندى

أم خليل : وشها ماسح . موش أحسن مايكون وشها ملغمط زى وشك . اهى فلوس حكومة يا ادلمدى روح دور بقى على الحكومة .

بدوى أفندى : (ناظرًا لقطعة النقود) تمشى برضه . تمشى .

بائع الطباطم : تمشى ازاي يا سيدنا الافندى . ياسست اعلمى معروف بدليها بغيرها .

أم خليل : من فين يا ادلمدى . وحياة صبحاك ماعندى غيرها . تأخذها والا تاخذ القوطة ؟

(بائع الطباطم يتردد لحظات ثم يضع قطعة النقود في جيبه . ويضع في سلة أم خليل الباقي منها . وينقع عربته مناديا على بضاعته الى خارج الحارة . المعلم شهده يتابع حديث بدوى أفندى وأم خليل باهتمام وقلق . يقوم ويقعد على مقعده لاشعوريا . ناشد أفندى يحاول تهدئته دون جدوى . بدوى أفندى يخرج الى الحارة بحيث يبين لعيني أم خليل التي يصيبها الانزعاج بسبب ضمادات رأسه)

أم خليل : يوه . الشر بره وبعيد يا سى بدوى أفندى . مالك يا خويا كفى الله الشر . ايه اللي حصل . يا عيني عليك . أجرئك نازل متأخر . حسدوك والنبي يا سى بدوى أفندى حسدوك .

المعلم شهده : شوف . شوف الولية ناقص ترمى له نفسها من الشباك

بدوى أفندى : الحمد لله اللي جت على قد كده . دى كانت راسى حانتقلم قطم .

ناشد أفندى : (بصوت خافت) عبر الشقى بقى .

أم خليل : بعيد الشر ياسى بدوى أفندى .
بدوى أفندى : وخالق الكون زى مايقول لك كده . امبارح كنت فى . فى . فى الشغل قاعد بأمانة الله على كرسى

جنب الباب . وبعدين رجعت قايم . قايم كده من
نفسى ، ومن غير سبب ، ورحت قاعد جوه ،
وكأنى وحياتك يا أم خليل على ميعاد مظلوط ،
يادوب قعدت وحطيت الجورنال جنبى ، ومديت
أيدى أطلع الطربوش . . وهوب والكلوب اللى فى
السقف يروح طابب فوق نافوخي عدوك ، الدم
ساح . و . . .

أم خليل : (مقاطعة) شغل ايه ده اللى يسبح دم البنى آدم
والنبي حسدوك ياسى بدوى أفندى ، ماتدهتش
على ليه ؟ كنت عملت لك حبسة بن على الجرح ،
كانت ناره بردت على طول

بدوى أفندى : تعيش (يتحسس رأسه)

المعلم شهده : (مغیظا) ناره بردت ا . . بقى ما أقدرش أعزله
يا نائيد أفندى . ؟

بدوى أفندى : (مستطردا) تعيش يا ست أم خليل . كلك
انسانية .

(بدوى أفندى يهم بالانصراف لكنه يتوقف على
عودة أم خليل للحديث)

أم خليل : تعيش أنت ياخويا وتسلم لشبابك ولاحبابك .
يوه ، ده أنا كنت حا اطلب منك حاجة . لكن
بقى . .

بدوى أفندى : لكن ايه ؟ أما مالكيش حق يا ست أم خليل ،
وخالق الكون لتأمرى باللى انت عايزاه . هو أنا
لى بركة الا انت .

أم خليل : أبدا . دا أنا كنت عايزاك تكتب للواد خليل
كام عريضة من كلامك الحلو ، لحسن طردوه من
من المدرسة لكن بقى تلاقى مالکش دماغ للكتابة
دلوقت .

بدوى أفندى : دماغ ا ده أنا ان ماكانش عندى استلف . ده أنا
علشان خاطرك أكتب مبيت عريضة . أكتب جرنال
بحاله (بعد هنيهة) أكتب كتاب .

أم خليل : طيب ومستنى ايه ؟
بدوى أفندى : (بصوت يبدأ خفيفا ثم يرتفع) مستنى ثمن
 الشربات . وأجرة الماذون . الليلة بعد ما آجى من
 الشغل تكون كل العرايض اللى أنت عايزاها
 جاهزة .

أم خليل : الهى ما يحرمنى منك أبدا ياسى بدوى أفندى .
 روح ربنا يجعل لك فى كل سكة سلامة (وهى
 تغلق النافذة) أسيبك بعافية بقى .

المعلم شهده : (ناهضا) الله يعافيك ياست أم خليل . ألف ألف
 عافية (لناشد أفندى) سامع المسخرة دى . بقى
 ما أقدرش اغزله ؟

(بدوى أفندى يتخذه الى المعلم شهده)

بدوى أفندى : يا راجل احترم السبحة اللى بتلعبها بصوابك
 وبلاش العافية دى .

المعلم شهده : أما غريبة على دى أشكال . ايه ؟ بارد العافية
 على واحدة من سكانى . عيب . كثر . ده النبى
 أمرنا برد التحية بأحسن والطف وأرق منها .
 ايه ؟ عايزنى أخالف أمره يعنى ؟ ومع واحدة من
 سكانى كمان . ده أنا أحب النبى (بعد هنية)
 وأحب احبى وأريح سكانى قوى . أنت ما تعرفينش
 كويس يا بدوى أفندى ، ده أنا موش سهل أبدا .
 أحب أريح على الآخر .

بدوى أفندى : طيب لما أنت كده . تحب تريح سكانك . شلت

البرميل ليه من تحت حنفية السطح ومليقه رمل ؟
المعلم شهده : اتفضل اسمع بجاحة سكان الايام دى يا ناشد

أفندى (مقلدا بدوى أفندى) شلت البرميل ليه من
 تحت حنفية السطح ومليقه رمل ؟ أنا حر يا أخى
 فى بيتى . ده ملكى . موش عاجبك اتفضل
 قرينا مرض اكتافك . عايز تفضى مية البيت فى
 البرميل كل يوم وأسيه لك . يا أخى اتوكل
 وسيننا فى حالنا .

بدوى أفندى : والميت قرش اللى يلعتهم اول امبارح ؟ !

المعلم شهده : الميت قرش ! ! اياك عايز تسكن مجانا . لوجه الله . اتفضل . اسمع يا ناشد افندى . اتفضل .

ناشد افندى : يا معلم روق . وهدى اعصابك .
المعلم شهده : اروق ازاي والعكارة زى مانت شايف ماله الحارة

**(صمت لحظات ، الجميع يتبادلون النظرات .
يدخل بائع الصحف منابيا)**

بدوى افندى : عكاره ! !

بائع الصحف : المصرى والاهرام . الاثنين عدد ممتاز .

بدوى افندى : عكاره ! الله يسامحك (لبائع الصحف) هات

يا بنى الاهرام ، هات . خلينا نشوف شغلنا .

يا لطيف الطف بدى صباحية (بدوى افندى يتحرك

نحو المقهى ويجلس منتحيا ناحية مقابلة لمكان

المعلم شهده وناشد افندى)

ناشد افندى : يا سلام على القنصره يا سلام . جرنال كل يوم

الصبح ؟ ليه ؟ لازمته ايه ؟ سياسى حضرته . والا

يعنى تاجر فى البورصة . والايمكن موظف حكومة .

ريس قلم مثلا بيتاجر فى ايه بس الاجرب ده .

تعرف يا معلم . .

(يتهامس مع المعلم شهده . سيد يلحظ دخول

بدوى افندى الى المقهى فيتبادل معه تحية

صامتة)

سيد : واحد شاى بالحليب والبقسماط لبدوى افندى

(يقترب منه) ايه العبارة ؟ سلامتك . والله

ما اعرف الا من كلامك دلوقت مع ام خليل .

تعرف لو بدرت شوية كنت لقيت السريس حنفى .

كان عايز يشوفك قبل مايروح المصنع . علشان

الحكاية اياها . ناشد افندى كان قاعد ولا عبره .

بدوى افندى : اعمل ايه يا سيد الرجل بتاعك ابو سبحة فالصو .

زحزح البرميل وملاه رمل . قهبت متأخر .

سيد : البرميل !

بدوى افندى : ابو يا اخى . البرميل اللى تحت الحنفية . صحبت فى ميمادى لقيت الشمس لسه ما جاتش على البرميل . قلت فى سرى ياواد انت لازم صحبت بدرى . نام لك شوية . وفين وفين لما الشمس فرشت على البرميل واقوم يا سيد يا خويا . الاقيه ملىان رمل وبعيد عن الحنفية مترين تلاته . عدوك قمت زى الماكينة . وبالكلم الراجل ابو عين زايغة على شبابيك الناس بقول لى بكل بحاجة أنا حر . ده بيتى . سكانى (سيد يقدم الشاى والبقسماط لبدوى افندى)

سيد : فكرتى يا اخى . ما تلحق تخش الدنيا باليامة (يشير الى نافذة ام خليل) احسن يا بطل تقع منك فى شبكة المعلم .

بدوى افندى : يامة ايه . وشبكة ايه . هو دخول الدنيا سهل ياسيد ده زى كل حاجة فى البلد دى . بالقرش . عندك قرش تدخل (يتحسسن رأسه) آه يا دماغى . ما عندكش تخرج وتطرده بالقديمة . وعمك ابو سبحة فالصو يدخل احسنها دنيا . ليه ؟ فى جيبه القرش . اها اجنا فى جيبنا الهوا . على الرصيف دايم . بره الدنيا . الدنيا اللى فيها شمس وراحة ولحمة وسرير بمرتبة وميه جوه البيت (بعد هنيهة) موثن السجن ده . آه من السجن يا سيد يا خويا .

سيد : السجن . السجن . يا سستار . انت موثن حا تنسى الايام السوداء دى ابدًا .

بدوى افندى : وانساها ازاي . اذا كانت لسه كابسه على نفسى . وهو انت تفتكر يعنى ان فيه فرق بين جوه السجن وبره السجن . ابدًا . هناك الحديد تشوفه فى الزنزانة . على الباب . حوالين ايدك ورجليك . وهنا موجود برضه

سيد : (مقاطعا) موجود ؟ !
بدوى أفندى :

طبعاً موجود . بس ايه ؟ لايس طاقيه الاخفا .
فما تشوفوش . بقى يعنى بضمك أما تقف أنت
وابنك عبده ازيه من حق . الكحة خفت (سيد
يزوم) هيه . أما تقفوا قدام دكانه الطوائى اللى
على ناصية الشارع العمومى . ويجرى لسان
المحروس على حقة بسبوسة والا هريسة .
وتحسس فى جيبك ملاقيش القرش . تحس
بايه ؟ أنك مبسوط . نبجح . حز والا متقيد فى
سجن (بعد هنيهة) طبعاً فى سجن . تقدر تمسك
ايدك وتأخذ حقة بسبوسة . أهو مافيش حديد
يا عم . اراز . اراز بس . . تقدر ؟ !

سيد :
بدوى أفندى :

أكسره . اكسر القزاز . يجرى ايه يعنى .
لا ولا حاجة . بسيطة خالص . يدخلوك الدنيا
أم حديد اللى من غير طاقيه الاخفا . فقط لا غير
(يرتشف جرعة من الشاى فتلسعه سخونتها)
أعوذ بالله . ده سخن بيغلى . ولا مية النار .
والله عايز يندلق فى عينين الكهنة أبو شعر
مسبب المحفورين تحت النضارة زى خنادق
الحرب . شوف الراجل ياخويا ببيرق فى ازاى .
والله ولا البومة اللى صوتت فى وشى يوم ماخدت
الخمس جنية من مكتب البوستة .

سيد : (ضاحكا) اسكت . ده حا يموت علشان يعرف

أنت بتاجر فى ايه . ده كل يوم عمال يحاورنى
ويداورنى ، هو والمعلم (يقلد نائس أفندى)
دكانته مين ؟ عنده سجل تجارى ؟ بيتاجر فى أى
مصلحة ؟

بدوى أفندى :

مصلحة تقطع لسانه اللى بقى أطول من عمره .
هو ماله ومالى بس . أبويا . أمى ؟ عمتى .
جوز خالتي . ستى راضعة على المرحوم جده
(بعد هنيهة) بيتاجر فى ايه ؟ فى الكفن اللى يدوب
فى عرق جنته . . فى السم الهارى اللى ينقله من

- رئيس قلم الدنيا لرئيس قلم الآخرة .
- سيد** : من حق . جيت سجائر ؟
- بدوى أفندي** : سجائر ! آه . وخالق الكون . كنت حاسناها .
- خد . (بدوى أفندي يخرج من جيبه مجموعة مختلفة من السجائر . سيد يحتويها براحة يده)
- سيد** : ياه . المحصول النوبة دى عال .. لاي نسترايك .
- كرافن . ملك مصر . بحارى . هما كام (يعد)
- جوز . جوزين تلا ..
- أحد الزبائن** : شيشة والنبي يا سيد
- المعلم شهده** : ما تلتلح يا واد يا سيد تشوف طلبات الزبائن
- اللى فيم مايدة
- سيد** : امال أنا باعمل ايه يا معام . شيشة حمى على
- المظبوط . انا باحاسب بدوى أفندي (تنبسط
- اسارير المعلم شهده سيد يستمر فى عملية عسد
- السجائر) ثلاث تجواز أربعة (يظهر الاستاذ
- سليم المحامى من جديد وينادى سيد فى عجلة)
- سيد .. سيد .
- الاستاذ سليم** : الله . الاستاذ سليم
- سيد** : هو الرئيس حنفى لسه مارجعش من المصنع ؟
- الاستاذ سليم** : لا لسه . ما فيش غير بدوى أفندي . قاعد هناك
- سيد** : أهو
- الاستاذ سليم** : بدوى ! بدوى مين ؟ (متذكرا) آه . بدوى أفندي .
- هيه . (يرسل نظرة فاحصة الى بدوى أفندي)
- بقى هو ده بدوى أفندي .
- سيد** : راجل سكره صحيح يا استاذ سليم . يعجبك
- قوى كلامنجى . ومكتبنجى عرايظ على الآخر .
- الاستاذ سليم** : (ضاحكا) مكتبنجى ! طيب اسمع يا سيد . لمايجى
- الرئيس حنفى قول له يفوت بنفسه على المكتب
- ضرورى . سلام عليكم . اوعى تنس يا سيد
- سيد** : اتسى ازاي يا استاذ سليم . مع السلامة .
- (ينصرف الاستاذ سليم . سيد يستأنف حديثه مع

بدوى افندى ويشرع فى عد السجائر من جديد فى وقت واحد)

سيد : جوز . جوزين . ثلاثة . ده الاستاذ محامى النقابة اربع تجواز خمسة . ستة . يا حظك يا اخي . والله انت راجل طيب يا بدوى افندى . واحدة كمان وكنت وقعت فى رقم النحاس . نيتك صافية .

بدوى افندى : (وهو يقبل راحة يده اليمنى وظهرها) نحمده . تعرف يا سيد . وخالق الكون كانوا حايبتوا ثلاثاشر .

قول لى ازاي ؟

سيد : ازاي ؟

بدوى افندى : اقول لك ازاي . شوف يا سيدى . الكلوب لما طب على نافوخي فى الصوان وقعت . وجساتا وقعتي فين يا حظ قول لى فين ؟

سيد : فين ؟

بدوى افندى : اقول لك فين . على ترابيزة السجائر . اتبحثروا على الارض . مديت ايدى والدم سايح على الآخر وحياتك يا سيد . وكبشت . فضلت واحدة تحت كرسي راجل تخين . رجله زى رجلين فيل تمام . قعدت احاور علشان اخدها . والناس تشد فى عاوزه تقومنى . وانا اتصلب ورجلين الفيل زى ماتكون اتزرعت فى الارض زرع . وما فيش فائدة يا سيد ابدا . . الله . الله . شوف ياخويا الراجل الروباكيا (يشير الى ناشد افندى) حيا باكلنى بعينيه ازاي .

(سيد بنظر الى ناشد افندى مبتسما . ويغادر)
بدوى افندى لاداء عمله . ناشد افندى يصصيه ارتباك نتيجة نظرات بدوى افندى المسلطة عليه ويرفع من صوته متعمدا وكأنه يستكمل حديثا بينه وبين المعلم شهده)

ناشد أفندى : آ . آ . ب . بقى الموظف اللى كان عندى فى
الارشيف ..

المعلم شهده : (مقاطعا) موظف ! موظف ايه ياناشد أفندى .
ما تخليك معايا امال أنا لابد أعزله . أرميه بره
البيت . ده بيتى . القانون ده مايمشيش على .
لا . ده أنا أدفع ديته على قد ماتكون . عشرة .
عشرين . الفلوس تقوت فى الحديد وتخليه عجيز
يا ناشد أفندى .

ناشد أفندى : بشويش . بشويش يا معلم . أحسن واخد باله
(المعلم شهده يرمى ببصره الى بدوى أفندى فى
حنق . ثم يرتد الى ناشد أفندى يحدثه همسا .
سيد يعود من جديد الى بدوى أفندى)

بدوى أفندى : (مستكملا حديثه السابق) شفت بقى القسمة
والنصيب يا سيد .
سعيد : انت والله بركة يا بدوى أفندى . أصلك تارك كل
حاجة لله . ومتوكل عليه .

بدوى أفندى : (فى حماس) وخالق الكون زى ما بتقول تمام
يا سيد أهو . أهو مثلا لما خرجت من السجن
وحدى . فرع ومقطوع من شجرة . لا اخ ولا أم
ولا صديق ولا قرش . ولا حتة أتلّم فيها . ربنا
مايورك ساعة زى دى يا سيد . ومشيت على
باب الله . حاجة كده طلعت فى راسى وقالت لى
سيب الشوارع العمومى يا بدوى وامشى فى
الحوارى . فى الضلمه . زى ماتقول كنت لسه
واخد عليها . وخايف من النور والناس . آه
وحياتك كده يا سيد . وامشى لك حزنان . وكاتم
غلبى وحالتى كلها بالبلا . وما أشعر بنفسى إلا
وأنا جوه ...

سعيد : جوه . جوه ايه ؟

بدوى أفندى : جوه صوان ميت . والناس حوالى بتواسى فى .
اللى يدس فى جيبى قرش . واللى حتة بخمسة .

واللى يقدم لى سيجارة . واللى . واللى .. وأنا
قال ايه نازل نهضة زى العيل الصغير اللى تاه من
أمه فى الزحمة .

سيد : حاجة غريبة صحيح . المقدر يا بدوى أفندى
بدوى أفندى : وخالق الكون زى مباحكى لك كده . باقول لك
حاجة الهية كده ما أعرف لها لغاية النهاردة عله
من سبب . هى اللى مشتتت حارة من جوه حارة .
تعدتني فى الصيوان . نزلت الدموع من عيني ..
حاوطتني بالناس .. ومن ومن لما فقت لنفسى .
واتلبت على عقلى . واهى بقت شغلانة . تجارة .
تجارة ربانية يا ابنى . لى لوحدى . لاشريك ولا
منافس . ولا ريس ولا ضرايب ولا ديالو .
تلقاى علشان كده موش عايز اتبطر عليها ابدأ .
قسمتى . اللى انكتب لى . وأما حكاية الرئيس
حنفى دى فصدقنى أنا قلبى موش مطاوعنى
عليها .

سيد : لا . انت بتزودها قوى يا بدوى أفندى .. اى
نعم القسمة والنصيب ما بنقولش حاجة . لكن
برضه الواحد يسعى علشان شغله والا تجارة
يعرق فيها بالحق والشرف . موش ! ...
بدوى أفندى : (مقاطعا فى احتداد) يعرق فيها ! ده أنا موش
بس باعرق لاجل لقمة الميش دى . لا . بدمع
كمان . بدمع بحق وشرف .. بدوب روحى
واعصاى فى دموع بحق وحقيق . فاهم يعنى
ايه بحق وحقيق . يعنى بتنز من قلبى . يعنى
الناس بتصدقها وتتأثر بها . وتترحم على المرحوم .
والرحمة على الاموات خير وبركة وثواب فى
الآخرة .

سيد : يا سيدى موش كده . بدمع . بتعرق . المسألة
أن الشغل ..
بدوى أفندى : (مقاطعا بنفس الاحتداد) الشغل ! شغلنى انا
حاجة تانية . جديدة . تجارة جديدة . مالهش

مثيل . ايه يعنى لما تتاجر فى قوطة .. فى خرفان .
 قول نابت . والا حتى لؤلؤ وذهب حر اربعة
 وعشرين قيراط . ولا حاجة (يمثل بيديه) يكام
 بكذا . موافق . لا . كثير . لا قليل . يفتح الله .
 أو عليه العوض وتبت الشفلة . بسيطة . فيها
 ايه ؟ ولا حاجة . تجارة عرق عادية . أما أنا
 فتجارتى وحيدة فى نوعها . فنية . مازة حدافة
 ومنهومية . تجارة قلب . احساس شعور
 (بعد هنية) ت . ت . ت . تجارة دموع (يهدأ قليلا
 ثم يقول بصوت ممطوط خالم) تجارة دموع .
 (بدوى أفندى يسكت تماما وكافته وفق الى
 اكتشاف سر طال غموضه)

يا عم أنت حمر . المهم أنا باقول لك ماتضيعش
 فرصة الرئيس حنفى . ناشد أفندى مهال يصبص
 لها ووسط المعلم . هيه . أمبا أروح أبيع لك
 السجاير للدخاخنى . يا أخى الراجل ده على قد
 مايسمن على قد ما ييخل ويشخر .
 (يسمع شخير بائع السجاير)

سيد

بدوى أفندى : (ساهما) يشخر يا بخته
 مالك يا بدوى أفندى . مالك . راسك بقرن
 عليك ؟

سيد

بدوى أفندى : (متنبها) لا . ولا حاجة . هيه . حاتروح
 للدخاخنى . طيب عال . اجدغن معاه . ماتخد
 لك كام سجارة تغفرهم . والله لانت واخد .
 خلاص خلعت بالله

ان ماكتش تخلف . طيب يا سيدى حاضر . بعد
 اذنك سجارة ملك مصر . وسجارة انجليزى من
 البخارى . احرق فيهم زى ما هم حارقين البلد
 وخاربينها . وكاتمين على نفسها . الله يكتم
 انفسهم جيبعا فى سافة واحدة وتكون مفترجة .
 دول دبحوا العالم امبارح فى ميدان الاسماعيلية

سيد

بدوى أفندى : وخالق الكون لتأخذ واحدة كمان . جرب الأمريكانى
اللاكى سترايك جرب . ده الأمريكانى زى
الانجليزى تمام .

سيد : لا كفاية . علشان نبيع للدخاى عشرة مرة
واحدة . على فكرة . الرئيس حنفى وعماله كانوا
ماشيين فى مظاهرة ميدان الاسماعيليه وكان
حايئقبض عليهم فيها .

(سيد يهم بالتوجه الى محل السجاير ولكنه يتوقف
أثر ظهور شخص طويل القامة يرتدى الملابس
البلديه وفوقها بالطوكاى . وعلى رأسه طربوش
طويل كالح اللون ويده عصا صغيرة . حركاته
تشى بتربية عسكرية تطل من عينيه نظرات حذرة
متحساسة . سيد يتنبه الى كثرة مروره بالحارة
مرار قبل ظهور بدوى أفندى . بدوى أفندى يشرع
فى تصفح الجريدة)

سيد : (هامساً لبدوى أفندى) يا اخى . الرجل الخشب
دهه . ثالث مرة يدخل القهوة ويخلق فى الموجودين
واحد واحد . وبروح طالع ثانى
(بدوى أفندى لا يعير سيد التفاتا ويظل يتصفح
الجريدة)

بدوى أفندى : (دون أن يرفع الجريدة عن عينيه) صحيح الدنيا
بقت على كف عفريت . العالم ياخويا اظلم عليه
شوية مجانين ملخبطين كيانه . هى آخرتها ايه ؟
الله اعلم ؟

سيد : الله . الله . ده الرجل الخشب جاى عليك
يا بدوى أفندى . الله . الله أنت تعرفه والا
ايه ؟

بدوى أفندى : (وهو على ذات الوضع) والخلق نازلة حش فى
بعضها . الكبير بياكل فى الصغير زى السمك
(يرفع رأسه عن الصحيفة) آه . ياما تفنى فى
أكلة سمك مشوى . وجنبه شميه بطاطس محمرة
نص نص . ورغيف مقدد وكام دة . .

(في هذه اللحظة يكون الرجل ذو الباطن الكاكي
قد وصل قبالة بدوى أفندى تماما ومد ذراعيه
اليه . المفاجأة تذهل بدوى أفندى وهو مستمر
في الحديث)

بدوى أفندى : يا خالق الكون ! عفيفى ! موش معقول .
الشاويش عفيفى ! وخالق الكون ما عرفتك
يا شاويش عفيفى . أهلا وسهلا (يتصافحان)
أهلا . . ده أنت اتغيرت خالص . سمعت شوية
وربيت شنبك . أهلا وسهلا . أهلا . (يتصافحان
من جديد) ماثاء الله . ماثاء الله الخاتم بيطل
من صباغك ، يخزى عين الحسود . أنت ورثت
والا ايه ؟

الشاويش عفيفى: أهلا وسهلا (يشتر للختام) ذهب اصلى وحياء
اولادى . بالوزن ! حاكم فى الصاغة بيوزنوا
الذهب فى ميزان ظبط . موش زى ميزان السجن .
فاكره يابدوى أفندى

بدوى أفندى : هو فيه حد ينسى ايام السجن يا عفيفى . تشرب
ايه بالذمة . يا سيد . واحد شاى على اصوله
للشاويش عفيفى (سيد يهز رأسه ويلقى بالتداء
على الطلب للنصبة ويفادر المقهى الى محل
السجائر . الشاويش عفيفى يكثر بدوى أفندى
وهو يلتفت يمنة ويسرة ويتحدث بصوت خافت)

الشاويش عفيفى: وطى حسك يا بدوى . وبلاش كلمة شاويش
دى
بدوى أفندى : (هامسا) ليه ؟ هو انت سببت السجن . تركت
الخدمة

الشاويش عفيفى: لا انتقلت حجة تانية . فى البوليس برضه . بس
ملكى بقى .

بدوى أفندى : سرى يعنى !
الشاويش عفيفى: عليك نور . دا انت بتفهمها وهى طابرة . ايه
اللى عرفك ؟

بدوى أفندى : آيه اللى عرفنى ؟ لبسك يا أختى . ودى عايزة حاجة وانتقلت من على كده ؟

(الشاويش عفيفى يلتفت يمنة ويسرة . ثم يهمس فى أذن بدوى أفندى بكلام غير مسبوع . تبسو على وجه هذا الأخير تعبيرات مختلفة يشوبها القلق والدهشة . المعلم شهدة يقرع المتصدة بقبضة يده)

المعلم شهدة : (وكأنه يواصل حديثا) كلام آيه اللى بتقوله ده يا ناشد أفندى ده أنت ريس قلم وكلك نظر . بقى أنا المعلم شهده ابن فرحات ابن عبد المطلب ابن شهده الكبير توى فى المقام . اسبال أهل الحقة . . بقى أنا ماقدرش على حقة تاجر صعلوك . ده أنا موش أعزله ويس . ده أنسا أعزله بالجملة . أعزله بالقطاعى . دراع ، ورا رجل ، ورا راس .

ناشد أفندى : تصدق بالرب . الموظف اللى كان عنسدى فى الارشيف . .

المعلم شهده : (مقاطعا) تصدق أنت بالله . كان عندى ساكن بيقل أدبه برضه على السكان . تعرف عملت له آيه ؟ علمته الادب . آه . ولما . . (يمر بائع فى جلبه شديدة وينادى على بضاعته « لحمه الرأس ») بصوت مرتفع . تضعيع فيه كلمات المعلم شهده . ويسمع من جديد الحديث الدائر بين بدوى أفندى والشاويش عفيفى)

بدوى أفندى : (يدهش) يا سلام !
الشاويش عفيفى : وحياة العيش والملح زى ماياقول لك كده . .
بالراس ! كبيرة صغيرة . . بخمسة جنيه . قدر بعقلك بقى خمسة جنيه يعنى آيه ؟ ؟ ؟

بدوى أفندى : خمسة جنيه !
(سيد يحضر الشاى للشاويش عفيفى ويشير الى بدوى أفندى بإشارات يفهم منها بدوى أفندى أنه باع السجاير للدخاخنى)

الشوايش عفيفي: وفيه بقا مواسم الروس. تطلب ثوى . ألفه
راس . الفين . ثلاثه . و انت وشطارتك . تطلع
لك باربعين خمسين جنيه . تكسى العيال وتدفع
مصاريفهم فى المدرسة . وتملا البيت عيش ولحمة
ورز . وتعيش ملك زماتك ومزاجك .. حبة سكر
يا اخينا احسن الشاى دلح ..

بدوى افندى : واذا ما لقيتش ؟
الشوايش عفيفي: ما لقيتش ! (يشرب جرعة من الشاى ، سيد
يحضر السكر وينهمك الشوايش عفيفي لحظات
فى تقليب السكر وتجربته . تبرز بجانب المقهى
سيدة متشحة بملاء سوداء تنادى على سيد)

السيدة : سيد . نادى لى المعلم . اعمل معروف
(سيد لا يجيب ويتجه رأسا للمعلم شهده)
سيد : حماك يا معلم . أم جماعة شبرا يا معلم
(المعلم شهده ينهض منزعجا ويجر حماته خارج
الحارة ويسمع صوتهما من خارج المسرح)
صوت الحماة : بقى يا راجل . تجيب لخرة بنتى أول امبارح ملاية
حرير

صوت المعلم شهده: ملاية حرير ! تصدقى بالله ..
(يتلشى صوت المعلم شهده وحماته . ينتهى
الشوايش عفيفي من تقليب السكر . يتجرعه فى
رضا . ويواصل حديثه)

الشوايش عفيفي: بتقول مالمقيتش ! ده انت على نياتك خالص
يا بدوى افندى . ده مافيش اكر من الروس دى
فى البلد . هو فيه حد يا راجل فى الزمن ده موش
قرمان من (يلتفت حوله) بسلامته ؟ والا بسلامتهم ؟
خلاص اهو ده المطلوب

بدوى افندى : المطلوب ؟
الشوايش عفيفي: ايوه المطلوب . انت مثلا . مثلا يعنى . رايك
ايه فى بسلامته ؟

بدوى افندى : زفت .
الشوايش عفيفي: وبسلامتهم ؟

بدوى أفندى : قملران مسيح .
الشاويش عفيفى : خلاص . تنفع راس نتقدم ويندفع عليها خمسة
اهيف .

بدوى أفندى : يا خالق الكون ! لكن ده ظلم .
الشاويش عفيفى : ظلم ! وهو لما مالاقيش أوكل عيالى موش ظلم
لما أبويا عمى علشان موش لاقى ولا تمن القطرة
ماكتش ظلم . لما . لما أنت خبت من عهدة الحكومة
كام جنيه سلف تسد بيهم جعورة صاحبة البيت
مسكرموك سنتين سجن ورفدوك من وظيفتك .
موش ظلم . الناس زى ما هى بظلمنى أنا كمان
حافظلمها . وأمسك فى زماره رقابيهما لغاية
ما أخلمها خلع . واحدة ورا الثانية (يرتشف
جرعة من الشاي) تقول لى ظلم ؟ الظلم ضد
الظلم .

بدوى أفندى : وحد الله فى قلبك يا شاويش عفيفى الظلم
مايداهوش الظلم . ده انت يا راجل بتصطاد
المظلومين . . المظلومين اللى زيك وزى وتقدمهم
لبسلامته وبسلامتهم . دول شبيحة . دول زى
مايكونوا . . والا بلاش باعم أحسن . .
الشاويش عفيفى : لا . لا . خد راحتك . احنا اخوان . مافيناش
من خوانه .

بدوى أفندى : اخوان ايه بقى يا شاويش عفيفى . وخالق الكون
انت زعلتنى قوى . بقى ياراجل تشتغل فى بيع
روس الناس . للم . . (يتردد ويشير الى القصر
الملكى) وللانجليز .

الشاويش عفيفى : اكل العيش يحكم يا بدوى أفندى الا ماقلناش
انت بتشتغل ايه دلوقت ؟

بدوى أفندى : (متردداً) أنا . أنا . . تاجر . بتاجر يعنى . .
ايوه تاجر .

الشاويش عفيفى : وبتاجر فى ايه كده بالحلا على النبى . يمكن
اشترى منك حاجة . أنفعك .

بدوى أفندى : (هائرا مرتبكا) لا دى . . تجارة بسيلة .

شوية حاجات صغيرة بسيطة . صغيرة قوى
ما تنفعكش . أبدا خالص . (مستفجدا بسيد) موئن
كده يا سيد ؟

سيد : (مضطربا) آه . حاجات بسيطة . ن . نضارات

شمس ونضارات قرآنية . و . و . .
بدوى أفندى : بالظبط . بالظبط . و . و . وقطرة للمعين كمان .

لكن قل لى . ايه اللى سائق الناحية دى ؟
الشاويش عفيفى : (بصوت خافت) كلام فى شرك . بجرى ورا كام
راس (يزغد بدوى أفندى) أصلى متوصى عليها
قوى

(نائند أفندى يكف عن الكتابة ويبدو كمن يبحث
عن ورقة بيضاء فلا يجد . يقوم تاركا كل شيء
ويختفى من الحارة وهو يسدد نظرات حادة الى
بدوى أفندى)

بدوى أفندى : (متلعثما) هـ . . هنا . .

سيد : فى . فى قهوة الملوك .

الشاويش عفيفى : لا . . لا . قهوة ايه . الله . مالكم انسرعتم
كده زى مايكون عضكم تعبان . أنتم موئن تعرفوا
المصنع اللى انفتح من خمسة أشهر الناحية دى .
سيد : هيه .

الشاويش عفيفى : أصحاب المصنع بيتقوا اولاد عم الحكومة لازم .
رئيس الحكومة . حاكم أنا بقى محسوب الناس
الأكابر اللى فى البلد . ياسلام يا بدوى أفندى على
أخلاق الناس دى . .

بدوى أفندى : مالها ؟ !
الشاويش عفيفى : أخلاق ملوكى صحيح . سكر نبات . تخدمهم .

يراعوا خاطرك بالمكفى . . صلوا بينا على النبى .

(يعود المعلم شهده فرجا . يتوجه الى النصبه

يفتش عليها لحظة ثم يعود الى مقعده)

بدوى أفندى : (وسيد . . فى وقت واحد) وعليه الصلاة
والسلام

الشاويش عفيفى : (مستطردا) امبارح اتصلوا بحضرة الضابط اللى

باشتغل معاه حاكم هو راخر ابن اكابر . والاكابر
مع الاكابر ؟

بدوى افندى : (باستحسان) بدوى افندى ده مخه كبير قوى .
الشاويش عفيفى : اخوان !

يفهمها وهى طائيرة ، ده كان فى السجن جن مصور .
ياخد كل مطلوبه بالحداقة (يضحك) نهايته . بقى
هم اتصلوا بمين ؟ بحضرة الضابط وقالوا له عمال
المصنع عاملين شوية نقابة ودوشة . وابصر ايه .
طالبين يزودوا الاجرة . ويقصروا وقت الشغل .
واشتركوا كمان فى مظاهرة ايمارج مع الطلبة
وعايزين همتك وشهامتك يا ابو خليل حاكم هو
اسمه ابراهيم . اليوزباشى ابراهيم . مين الراجل
بتاع ابو خليل اللى يوثق فيه ويبيض وشه ؟
عفف .

بدوى افندى : عفف !
الشاويش عفيفى : (يدق صدره بارتياح) محسوبك يعنى . وعفف

بقى يدوب فى زوارق العمال . تصور انهم بكل
بجاجة عايزين يشتغلوا تسع ساعات فى اليوم .
تسع ساعات بس تقولش اولاد السلطان . المهم
انى اعرف لك مين الزعما مين الرئيس . وده
بيقول ، وده بيعيد . واطلع بكام راس ويا بخت
مين نفع واستنفع (هنيهة) لكن . لكن قطرة العين
دى تكسب كثير يا بدوى افندى ؟

بدوى افندى : والله . اهى مستورة يا شاويش عفيفى (يعود
الى تصفح الجريدة مرتبكا)

الشاويش عفيفى : ماقلنا بلاش شاويش دى . اسمع . ان كان
حالك موش ماشى . احنا اصحاب . والاصحاب
احن من الاخوات . عندى لك شغلانة كويسة .
ترب ودك منى ..

(الشاويش عفيفى يكمل الحديث همسا فى اذن
بدوى افندى)

بدوى افندى : تعيش . تعيش يا عفيفى . خيلنا فى .. فى التجارة .

الاعمال الحرة احسن من شغل الحكومة . اسأل
مجرّب .. الله . شوف . شوف الحادثة دي . اما
راجل عبيط صحيح اللي انتحر ده . اقرا ..
حدث مساء امس ان كان (ينهمك كل من الشاويش
غشقي وبدوى افندى في القراءة . بيدو مقبلا الرئيس
حنفى رئيس نقابة العمال يتوجه الى محل
السجاير . يلححه سيد فيضطرب)

الرئيس حنفى : (لبائع السجاير) يا راجل اصحى امال . واديننا
سيجارتين يا راجل فوق . والله حا تصحى يوم
تلاقى اللي فى دكانتك كله طار (تسمع حشرجه
شخير بائع السجاير وهممته . ناشد افندى يعود
من الخارج حاملا ورقا ابيض فى يده)

المعلم شهده : كنت فين يا ناشد افندى ؟
ناشد افندى : الورق خلص . قمت اشتريت ورقتين . الاتماس
طلع كبير (ناشد افندى يعود للكتابة)

المعلم شهده : بغايدة ان شاء الله . اهو الرئيس حنفى بتاع
النقابة جاى اتا كلمته علشانك يا ناشد افندى
وحا اكله تاتى . بس لابد تشوف لى طريقة فى
بدوى . الله . ده بيتى ياتاس . سبحان الله .
سبحان الله ..

الرئيس حنفى : (وهو يتطلع الى سيجارتين بيده) لا . لا ياعم .
اتانا باحبش السجاير دي ابدأ بتقول ايه ؟ بفل .
واتا عايز الفل ليه ؟ هو اتا عايز اسد قرازة .
والا اشرب سيجارة . لا . لا

(تسمع هممة بائع السجاير . سيد يسيطز
عليه الارثباك ويذل مجهودا ضائعا لتنبية الرئيس
حنفى الى الخطر)

سيد : (للرئيس حنفى وبذات نغمة النداء على الطلبات)
وواحد مضبوط كمان وخليك عندك .

(الرئيس حنفى يستمر فى محادثته مع بائع السجاير
وغير ملق بالا الى مجهودات سيد)

الرئيس حنفى : باقول لك لا . واتا مالى ومال سجاير البشوات .

ايه بقرش ! برضه لا . يا راجل ادينى اتنين
هوليود . أنا ماخليش مزاجي يتقنزع على أبدا .
تعرف لو عودته النهاردة على السجائر أم فل .
بكره حايطاب أم اربعة واربعين . وبعده أم ستين
في سبعين . وليه ياعم كل ده . خرينا في الهليود .
يانقطع نفسه . يانقطع نفسنا (تسمع من جديد
همهمة بائع السجائر . وتبادل الايدي الاربع
للسجائر . الرئيس حنفي يضع سيجارة خلف اذنه
اليسرى ويغادر المحل في اتجاه المقهى وهو يشعل
السيجارة الاخرى)

الرئيس حنفي : (لبائع السجائر) نام لك بقى شوية . لأجل الملايكة
اللى كنت بتحام معاهم مايزعلوش منا .
(الرئيس حنفي يصل الى المقهى فيصافحه المعلم
شهادة بحرارة ويقدمه الى ناشد أفندى ويتحدث
الجميع باصوات غير مسموعة . وبين حين وآخر
يشير الرئيس حنفي الى بدوى أفندى)
بدوى أفندى : (مستهرا في قراءة الجريدة بصوت مرتفع) ..
وسرعان ما أفرغ في جوفه كمية من (هنيهة)
البقية على صفحة ..

الشاويش عفيفي :- (مكمل) صفحة ستة !
(بدوى أفندى ينشغل في تقليب صفحات الجريدة .
وسيد يحاول أن ينتهز فرصة انتبيه الرئيس حنفي
الى خطر الشاويش عفيفي)
الشاويش عفيفي : (مستطردا) تعرف صفحة ستة دى يا بدوى
أفندى .

أهو أنا انكبتت فيها الشهر اللى قبل اللى فات .
أنا والبوزباشى أبو خليل في ختة واحدة . هو
فوق . وأنا تحته بشوية . قاعد متسلطن على
سطر لوهدى . عفيفى أحمد عفيفى . أصلهم
نشروا كل اللى اترقوا . واسم محسوبك جه لزي
في اعلان صابون لوكس . مرسومة فيه حورية
زنى القبر .

بدوى أفندى : مالك واقف موش على بعضك يا سيد ؟ !
 (سيد يلتفت نظر بدوى أفندى صامتا الى وجود
 الرئيس حنفى فيصاب هو ايضا بالاضطراب .
 الرئيس يترك المعلم شهده ويتجه ناحية بدوى
 أفندى والشاويش عفيفى)
 الشاويش عفيفى : تعرف ان مرأتى عاينه الجنرال تحت مرتبة
 السرير لغاية دلوقت ، بس خزقت عين الحورية .
 عقول النسوان صغيرة زى ما انت عارف .
 الرئيس حنفى : السلام عليكم .
 بدوى أفندى : (فى وقت واحد) السلام عليكم ورحمة الله
 والشاويش عفيفى وبركاته .
 وسيد :

(الرئيس حنفى يسحب كرسيه ويجلس بجانب
 الشاويش عفيفى ، يزداد اضطراب بدوى أفندى
 وسيد)

الشاويش عفيفى : اهلا وسهلا . موش تعرفونا بالناس الطيبين
 (للرئيس حنفى) محسوبك عفيفى . صاحب بدوى
 أفندى الروح بالروح .
 الرئيس حنفى : يا الف مرحب . بدوى أفندى ده عزيز علينا قوى .
 واصحابه بيقوا اصحابنا على طول . ويزيدونا
 شرف وعلو مقام .

الشاويش عفيفى : الله يحفظك . وحضرتك تاجر برضه ؟
 الرئيس حنفى : تاجر ! لا انا ريس ..
 بدوى أفندى : (مقاطعا فى اضطراب) حاتشرب ايه يا ريس
 حنفى . شاي ؟ ! طبعا شاي . شاي صعيدى
 (يرسل ضحكات مقتضبة)

الشاويش عفيفى : وحضرتك ريس ايه بقى بالصلاة على النبى ؟
 الرئيس حنفى : يا سيدى واللله هم اللى عملونى ريس . اصل
 الحكاية انه ..
 سيد : (مقاطعا) الشاي بالنعناع يا ريس حنفى . موش
 كده

(مناديا) واحد شاي وتنعنه على الآخر .
 بدوى افندى : (محاولا تغيير نفة الحديث) تعرفوا أن الجو
 النهاردة حر .. حر تمام .
 الرئيس حنفى : حر ! بتقول الدنيا حر . يا بدوى افندى انت
 ساعات تطلع لنا بكلام وحاجات غريبة قوى .
 مين الحر ؟
 (للشاويش عفيفى) انت حاسس بحر يا .. يا ..
 بدوى افندى : عفيفى .. الشا ..
 الشاويش عفيفى : (مقاطعا فى سرعة) المعلم عفيفى . المعلم ..
 الرئيس حنفى : (مكمل حديثه) يا معلم عفيفى . حقه الدنيا حر ؟
 الشاويش عفيفى : ابدًا . الدنيا فل خالص . من حق احنا لسه
 ماتشرفناش
 الرئيس حنفى : حاقول لك بس هايز منك خدمة يا معلم عفيفى .
 مادام فيه صحوية كده بينك وبين بدوى افندى .
 اتوسبط لنا عنده .
 الشاويش عفيفى : يا سلام . الامر .
 (سيد يخضر الشاي ويضعه امام الرئيس
 حنفى)
 الرئيس حنفى : يا سيدى أنا عندي شغلانة كويسة لبدوى افندى .
 وهو راجل يستحقها وقدها وقودودها .
 الشاويش عفيفى : ادام داخله فى الكار بتاعه ومريحه . يبقى
 خلاص .
 الرئيس حنفى : (مسطرذا فى صوت خافت) تعرف ان ناشد
 افندى دهه بيجرى وراها . لكن أنا وزمايلى كلتهم
 هايزين بدوى افندى . وأدينا من اسبوع ..
 اسبوع ١٠ من عشرة أيام وحياتك واحنا نلح عليه .
 وهو ولا هنا :
 سيد : (بعضية) الشاي أبو لعناع اهو . اهو يا ريس
 حنفى اشربه قبل مايبرد .
 الرئيس حنفى : الله . جرى لك ايه يا سيد . ما أنا شايف الشاي
 قدامى يا جدع (للشاويش عفيفى) اهو زمايلى

جايين هنا دلوقتى . حاكم احنا بنيجي هنا في
قهوة الملوك لغاية ما نلاقى مكان . واصل الحكاية
كلها جديدة مابقلاهش كام شهر .

الشاويش عفيفى : مكان ايه يا ريس . حنفى . انا موش فهاهم
حاجتن . تخلق . . قصدك دكان يعنى ؟

الريس حنفى : دكان ! دكان ايه ؟ مكان متسع . اصل المكان مهم
جدا من غيره ما نعرفش نشغل ابدا . هو اللي
يجمعنا ويرستتنا (لبدوى افندى) انت من راى
والا لا . . يا بدوى افندى .

بدوى افندى : طبعا . طبعا . بس يعنى عايز اقول يعنى انه . .

(ام خليل تفتح النافذة وتطل براسها . بيدو خليل
في الحارة متجها نحو الدكاكين) .

ام خليل : هات السمن نباتى اصلى باواد . . والا ارجعك
بيه . . عدم المؤاخذه ياسى بدوى افندى . ياترى
أقدر اعرف الساعة كام ؟

بدوى افندى : (ناظرا لساعة الريس حنفى) الساعة . . الساعة
يا ستى حدائر (المعلم شهده ينهض وهو ممسكا
بساعته الذهبية)

المعلم شهده : حدائر وسبع نقايق بالضبط . موش كده ياتاشد
افندى . اصل ساعته ماشية على ساعة القصر
دقيقة بدقيقة .

(ناشد افندى يحرك راسه مؤيدا للمعلم شهده .
الشاويش عفيفى ينهض مودعا في عجلة)

الشاويش عفيفى : حدائر ! الوقت ده حرامى صحيح . ببسرق
البنى آدم . سلامو عليكم . اما الحق ارواح
المصنع .

الريس حنفى : (باستفسار) المصنع ! تعمل ايه فى المصنع يا معلم
عفيفى . ما تأخذنيش فى ده سؤال . حاكم انا . .
بدوى افندى : (مقاطعا فى حدة) انت ايه يا اخى ؟ ماتعطلش
الراجل من شعله (للشاويش عفيفى) مع
السلامة . مع السلامة

(الشاويش عفيفى يغادر المقهى محبياً . سيد
يهمس فى أذن الرئيس حنفى بكلمات فتبدو على
وجهه تعبيرات الجزع)

الرئيس حنفى : بوليس ! .. يانهار أغبر ومطين . دا أنا كنت
حا أندب حتة دين دبة .

(سيد يعود الى الهمس فى أذن الرئيس حنفى)

أم خليل : على فكرة ياسى بدوى افندى . ماتتعبش نفسك
علشان ورق العرايش أنا عندى شوية ورق من
النوبة اللى فاتت . بتقول الساعة كام ؟

بدوى افندى : حذاشر .

المعلم شهدة : شايف يا ناشد افندى سامع . بتكيدنى . دا أنا
لازم أطرده لها .. استنى (يسبح) سبحانه الله .
سبحان الله .

سيد : (مواصلا حديثه الذى بدأ همسا مع الرئيس
حنفى)

موش مصدقنى اسأل بدوى افندى .

بدوى افندى : (مؤيدا) بخمسة جنيه . الراس بخمسة جنيه

أم خليل : اسبىك بسافية بقا ياسى بدوى افندى . لاجل
الحق أخلص الهدوم السوداء .

بدوى افندى : (فى امتعاض) السوداء !

أم خليل : يقطعنى . بعد الشر عنك وعن الهدوم السوداء

ألف مرة . أصل الحكاية راجل عجوز . كان عمدة
قد الدنيا بيموت بقاله كام يوم .

بالقطاعى يعنى !

بدوى افندى : (ضاحكة) بالقطاعى ! الله يجازيك ياسى بدوى

أم خليل : افندى ضحككتنى . قصدى أهله مستغنيين

بعيد عنك وعن احبابك موته النهارده . بكره .

النهارده . بكره . حالته خطر بعيد عنك . نبتنه

طلبت منى أخيط لها فستانين سود لاجل تبقى

مستعدة . ناقصين على تشاطيب . مايزة أخطف

راجلى النهاردة على العمر اوديهم وانتهى (يظهر

خليل حائدا بالسمن) ما تهد ياواد شويه .. انت

ماشي على قشر بيض ! اطلع ورينى الى جبهته .
افوتك بعافية يا سى بدوى افندى . . ياوآد . .
(أم خليل تغيب من النافذة)

بدوى افندى : الله يعافيك (للرئيس حنفى) انت ايه يا أخى . .
كنت بالـع راديو . نازل كلام فى كلام فى كلام .
الرئيس حنفى : أعمل ايه ما هو قال لى انه صاحبك . يا ستار ده
راجل ناعم بشكل . تعبان . تعرف لو كان فضل
شوية كمان ؟ كان تشمقش مجلس الادارة كله .
حاكم الزملا جايين هنا دلوقت . بدوى افندى !
بدوى افندى : نعم .

الرئيس حنفى : يا بدوى افندى مد لنا ايدك بقى وقول يا معين .
عايزين واحد زيـك نور ووليان شهامة ورجولية
يمسك لنا السكرتارية . سكرتارية النقابة . تعرف
ان المعلم شهدده بقى له يومين يزن على ودانى
عاشان ناخذ ناشد افندى (هنيهة) أما ابليس
ابن ابليس صحيح . المعلم عفيفى ؟ !

سيد : شفت زغرته لبدوى افندى لما جه يقول لك
الشا . . . الشاويش عفيفى .

الرئيس حنفى : ماخدتش بالى والله يا سيد . خمسة جنيهه الراس!
ياما ارخص البنـى آدم فى البلد دى . ده راس
الخروف بقت بعشرة جنيهه .

(يتوافد بعض العمال على المقهى . يتبادلون مع
الحاضرين التحيات بالايدي والبسمات) .

الرئيس حنفى : بدوى . سيد . انا موسى عارف أقول لكم ايه على
المعروف ده . الزملا أهم جم أهم . . أما نقعد
مع بعض شوية أقول لهم على الحكاية ونمشى على
طول . . قبل ما يهوب الشاويش عفيفى ثانى
(يهم بالسـير ولكنه يتوقف وهو واضعا يده على
كتف بدوى افندى) . وحيـاة غلاوة الحبايب عندك
يا بدوى افندى لتفكر بجد معنا أنا تارك لك
يومين تلاته . وان شاء الله تكون قسمتنا مع
بعض (بفخر) تعرف المنشور اللـى كتبناه سوا ؟ !

اللجنة وافقت عليه كله . بالحرف .
(الرئيس حنفى يتجه الى زملائه فيجلسون حول
المتاضد مجتمعين وهم منصتين لحدث غير مسموع
وان بدت آثار خطورته وأهميته على وجوه العمال
وحركاتهم ونظراتهم) .

سيد : (وهو يخرج من جيبه قطعا نقدية) خليك انت
نايم كده مبتلط في الخط لفاية ما المعلم يلف
منك ام خليل . ونائد افندى يلطش شغلانة
النقابة . اتفضل أدى تلاته تعريفة . وتلاته
تعريفة تمن الشاى . يبقوا تلاته صاغ . كل اللي
خر من ايد الدخاخنى . خليك كده نازل بيع في
اعصابك ، واياك ودموع عينيك لغاية ما تدوب
حقة بحة .

بدوى أفندى : سيد ! رجعنا للاسطوانة من تانى . هو انا ناقصك
يا سيد . صباحية ايه دى المقتدلة . نقابة ايه
يا ابن الحلال انت موش شايف تعابين الحكومة
اللى مسرحينهم ورا روس الجدعان . عايزنى
أخس في الحديد تانى . كفاية سنتين . السنة
بعشرة . (ينشر الصحيفة أمامه في عصبية)
لاياعم . خلينا في تجارتنا . لا ريس ولا شريك ولا
حكومة ولا عهدة ولا عفيفى الدمة بسىجارة
بلقمة .. بقرش . أهى ماشية . وريك بيعدلها .
وانا راضى بقليلى (بجد صارم) يا سيد أجدانا
قالوا في الامثال القناعة كنز لا يفنى .

سيد : طبعا لا تفنى . لكن ماهياش كنز . دى بلوه .
دى .. دى خنوعية . (هنيهة) استغفر الله .
خليت الواحد كفر يا شيخ . استغفر الله . استغفر
الله . بسى يعنى القناعة دى (لحظة تردد) والا
بلاش ..

احد الرواد : حسابك يا سيد
سيد : حاضر . جاى ..

بدوى أفندى : أبوه بلاش كبر . وروح شوق أكل عيشك روح
(ينظر الى ساعة سيد وهي في يده) يا خبر !
الساعة قربت على حداثر ونص ولسه ماعرفتش
حامل ايه النهاردة . (بدوى أفندى يقلب
صفحات الجريدة ويستقر على أحداها . سيد
يفاديه قانطا . بدوى أفندى يحدث نفسه وهو
يطالع الجريدة)

بدوى أفندى : أبوه يا سيدى . وما سيدك الا أنا . عندك
عندك . ايه الكلمة دى ؟ يا خالق الكون . حروفا
الجرنال بقت نمم . كل حاجة اتخفست . الرغيف
صغر والقرش بقى يادوب يجيب يصلة . والناس
والناس عقولها طارت منها . . الدخاخنى ده
نصاب . عشر سجائر بتلات قروش ؟ ! ده أنا دى
ساح فيهم (يشير الى رأسه) نهايته . ايه (يقرأ
في صوت رتيب) لبت نداء ربها أمس سليفة المجد
والشرف وربة الجود والكرم حرم المرحوم (يتوقف
عن القراءة) المرحوم كمان ! الله وانا مالى ومال
وجع القلب ده . اشتغل مع النسوان ؟ ! والله
أهو ده اللى كان ناقصك يا بدوى .
(بدوى أفندى يحرك رأسه فجأة فتقع عيناه على
عيون المعلم شهده وناشد أفندى ، مبهلة
فيسه)

بدوى أفندى : يا مغيث ! بقى دى عيون بنى آدمين . أما حكاية .
مالهم متصلين كده . طيب . اتصلب لهم أنت
كيان . . . هه

(بدوى أفندى يسدد نظرات طويلة الى المعلم
شهده وناشد أفندى قيصطربان وتجفل عيونهما
مرات . ناشد أفندى يحاول انقاذ الموقف بقول
شئ للمعلم شهده بصوت عال)

ناشد أفندى : ونعرف بقى الالتماس الجشيد اللى كتبه ده .

حالمضيه انا ومحمد أفندى القط . ويطرف على طول للوزير . الوزير راسا .

بدوى أفندى : (متقاداً لصوت ناشد أفندى وهو يشمرع في قراءة الصحيفة من جديد) الوزير راسا ! ياسلام . من جناب ناشد أفندى الكهنة أبو شعمر مسبب صاحب المعلم شهده أبو سبعة فالصو للوزير . للوزير راسا . يا . . يا خالق الكون . ده تباب صعر . لا حول الله . .

(يدق في الجريدة) شوف بيضحك في الصورة ازاي ولا واخذ خوانه وييجي الموت ويروح خاطفك ياسى . . عمر . . عمر النقيب المدرس بمدرسة شبرا الابتدائية (متاوها) دنيا !

مسيد : مالها الدنيا يا أخ ؟

بدوى أفندى : غداره . شوف عمك ناشد أفندى خلل فيها قد ايه ؟ شوف بسلامته وبسلامتهم والشاويش عفيشى مبرطعين فيها ازاي يمين وشمال وشوف الزهرة دى اللى انقلعت قبل اوانها (يشير الى الصحيفة في أسى) وتقول لى مالها الدنيا . صحيح مالها ؟ !

مسيد : لا حول الله . ده بتاع اثنين وعشرين سنة بالكثير . لكن قل لى مكتوب حاجة في الجرنال عن خدم بيوت الحنة لاجل السنة الجديدة لسراية بسلامته (يشير الى القصر)

بدوى أفندى : وانت صعبان عليك ايه يا اخى . مايهدوا ان شالله بيوت العالم كلها . حد شريكه . البلد وملكه .

مسيد : صعبان على القهوة اللى متاويانا .

بدوى أفندى : يا أخى . ربك يعدلها . اخربها حرمة

مسيد : وتكون قديمة ! لكن ياترى هو منجوز با بدوى أفندى .

بدوى أفندى : مين ؟

مسيد : الشاب اللى صورته في الجرنال ده .

بدوى أفندى : أه . ! موئى باين فى النعى يا سيد (بعد برهة)

مؤكد لا . تعرف ليه ؟ ما فيش والد فلان وفلان .
موجود ابن المرحوم على النقيب بس . (يشير
الى موضع من الجريدة) دهه اللى تلاقيه متجوز
عشرة بالقليل . . عمدة ياعم شوف متصابى ازاي
ومربى شنبات يبنوا عليها عمارة

سيد : تعرف ان الشنب بيدى قيمة للراجل منا . لكن
عمدة ايه ده ؟

بدوى أفندى : ده يا سيدى عمدة بلد فى الغربية . . الشيخ حامد

الملا (قارنا بهل) روعت الغربية أمس بوفاة رجل
البر والتقوى ، صاحب الجود والكرم ، عميد
عائلة الملا . . يعنى رجلهم الكبير . . ده تلاقيه
سايب صفايح ذهب .

سيد : (فى سخريه) طيب ماتلق تروح وتكبش .

بدوى أفندى : ياسى سيد بلاش نقورة . اسمع . الشغلانة دى .

أنا عمري ما حاطت بطر عليها أبدا . حاروح ياخويا
حاروح . بس لسه بافكر اشتغل مع مين . ماهى
موئى سهلة زى ما أنت فاكرك . مع الشاب ، والا
مع العمدة ؟ ! الحقيقة العمدة باين عليه غنى
قوى . لكن . . حاجة تجنن صحيح . .

سيد : (مقاطعا) ماتشوف لك شريك وتشتغلوا مع

الأتنين .

بدوى أفندى : (غاضبا) سيد ! فال الله ولا فالك . شريك !

أنا اشتغل مع شريك . أنا اعرف حد بالشغلانة
اللى اتحدفت على من باب السما علشان يشفطها
منى . انت بتهزر والا ايه . لا يا سيد بلاش هزار
فى المسألة دى . كله كوم وتجارة الدموع دى كوم .
أنا بس صاحبها فى الدنيا دى كلها أوعى لسانك
يفلت منك هنا والا هنا . أهل معروف يا سيد
(هنيهة) شريك ! . لا ياعم أنا أضحي بواحد .
بناقص واحد . بس مين يا بدوى . . مين يا بدوى .
الشاب والا العمدة . مين . مين يا بدوى . . (سيد

يفادر بدوى أفندى تلبية لقدام احد رواد المقهى .
بدوى أفندى مستهرا في الحديث الى ذاته)
: حاضر . جاى .

بدوى أفندى : مين يا بدوى ؟ الشاب .. بس العمدة أغنى .
أيوه أغنى . لكن دكه شباب . وحياته غالية على
جماعته أكثر من العمدة . يصدقوا كل حكاية
بسرعة وأيديهم أحن . حاجة تحير . يعنى كان
لازم يموتوا الاثنين في يوم واحد استغفر الله .
الواحد كفر . أيوه . (هنيهة) أحسن شيء أن
الواحد يستخير الله .
(بدوى أفندى يخرج من جيبه قرشا)

بدوى أفندى : (مستطردا) الملك للشباب . لا لا . الملك للعمدة .
والكتابة للشباب .. هه .
(بدوى أفندى يدير القرش على المنضدة ثم يكتمه
براحة يده ويرفعها عنه ببطء فيبدو عليه شيء من
عدم الرضا) .

بدوى أفندى : (مستطردا) أعوذ بالله . الملك . العمدة .
(يرتفع صوت الرئيس حنفى محدثا زملاءه وهم
شارعين في مغادرة المقهى) .

الرئيس حنفى : (وهو يتحدث حتى يتلاشى صوته) يا زملاء .
النقابة موش بس هي اللي في خطر . دي البلد
كلها في خطر من هنا ورايح لأبد نشغل كلنا يد
واحدة .. يا الله بينا يا أخوانا .

بدوى أفندى : (ساهما) الملك مع العمدة . لا . الاستخارة دي
ماتنفعش . اتلخبطت .. أيوه ! نعملها مع الراجل
المهكع اللي جاى . يتقتل من هناك دهه .. اذا
جه القهوة وقعد ناحيتي أروح للشباب . واذا ..
قعد ناحية أبو شعر مسبب وأبو سبحة لادسو
أروح للعمدة . وتبقى حكايته تتدبر أيوه . هسه
هسه ...

(يظهر في الحارة رجل عجوز يتكىء على عصا
وينجحه نحو المقهى . يتريث قليلا مستظلمعا للرواد
ثم يتردد في سيره . وأخيرا يتجه نحو ناشد أفندى
والمعلم شهده . بدوى أفندى يتتبع قلقا خطوات
الرجل العجوز) .

ناشد أفندى : (قائما مرحبا بالقادم) أهلا . أهلا . محمد افندى .
تصدق بالرب الالتماس طلع مزهزه جدا . حايعجيك
خالص . اتفضل . يا معلم . . محمد افندى القط
ريس قلم العقود . زميلي . تصدق بالرب يا معلم
كان بيمر بين ايديه مية . . ميتين كونتراتو في
اليوم بالآف الجنيهات .

بدوى أفندى : يا خالق الكون ! العمدة . العمدة . .
(بدوى افندى ينهض مفسادرا المقهى عبوسا
غاضبا) . (المعلم شهده يقدم كرسيه لمحمد افندى
القط ويساعده على الجلوس عليه)

المعلم شهده : ائعم وأكرم يا محمد افندى . نورت القهوة (هامسا
لناشد أفندى) ما تسأله لنا عن كونتراتو بدوى
افندى انا لازم أعزله . . تصدق بالله . .

ستار

الفصل الثاني



الزمان — مساء ذات اليوم

المكان — سرادق للمزاء بجند شوارع القاهرة . غير مسقوف .
تصفيه الكهرباء في المصدر منه المقابل للجمهور أصطفت كراس
مذهبة يحتلها رجال تتقلهم الاناقة والوقار . في حين يشغل الكراس
المختلجان المنتشرة ببقية السرادق رجال اقل منزلة . لسيخ مقرئ
يتربع مقعدا عاليا وسط الكراسى المذهبة . في الجانب الايمن من
السرادق باب يقطعه المعزون داخليين اليه وخارجيين منه . أما الجزء
الخالي من الشارع فهو الرصيف الذي ينتصب على قفته — في بقية
المسرح — عمود نور .

الاقال الحديثة تحيط بالسرادق من كل جانب . يتميز بهذا المنزل
المواجه للجمهور . أغلب غرفة مضادة . تتسع به غرفة ذات شرفة
مطلّة على السرادق . بين فيها من وقت لآخر نساء حزينات متشحات
بالملايس السوداء .

السرادق في حركة دائمة . بين حين وآخر تدور على الحاضرين
المقهوة والسجاير تتمايل رؤوس المعزين مع ترتيل المقرئ لآيات
القرآن والسنتهم تشبك في احابيث هامسة) .

المقرئ : (مواصلا لترتيله) .. « ولو بسط الله الرزق

لعباده لبغوا في الارض . ولكن ينزل بقدر مايشاء .

انه بعباده خبير بصير » .

أصوات : الله . الله .

أحد المعزين : حكمته .

المقرئ : « وهو الذي ينزل الغيث من بعد ما قنطلوا . وينثر

رحمته ، وهو الولي الحميد » .

أحد المعزين : جل جلاله .

المقرئ : صدق الله العظيم .

أصوات المقريء : أحسنت يا سيدنا الشيخ . أحسنت .
 (وهو يحيى المعزين بيده) الله يكرمك . الله يخليك .

(يتحرك بعض المعزين فى الانصراف . وهم يشدون على يد ابن المتوفى الواقف على باب السراى .
 تسمع رويدا رويدا همهمات حزينة صادرة من النساء اللاتى يشغلن الغرفة المضاعة بالمنزل الواقع بصدر المسرح يرددن كلمات بكائية وراء « معددة ») .

صوت المعددة : لأروح الجوامع واسالك يا خطيب .
أصوات النساء : يا خطيب
صوت المعددة : انهو بنات تجعد بلا أخ شجيج .
أصوات النساء : أخ شجيج .
صوت المعددة : لأروح للجوامع وأسأل العلما .
أصوات النساء : العلما .
صوت المعددة : انهو بنات تجعد بلا شججا .
أصوات النساء : بلا شججا .

(يسمع فجأة فى خارج السراى نافذة تفتح بشدة . سيدة تصرخ . صوت محرك سيارة يرتفع فى جلبة ثم تتحرك فتخف جلبتها شيئا فشيئا)

صوت : (صراخ سيدة) ابنى . . ابنى .
 (السراى يصيبه الهرج . ويسرع بعض المعزين الى الخارج مستظلمين الامر) .

المعزى رقم ١ : هو المرحوم تارك أم عايشة . والا ايه لا
المعزى رقم ٢ : أم ادى تبقى لازم عايشة محنطة من أيام قدماء المصريين .

(يعود المعزون الذين كانوا قد خرجوا للاستطلاع يقول احدهم وقد لمح فى عيون الجالسين تسأولا) .

أحسنت المعزين : ده البوليس قابض على طالب عنده منشورات ضد الانجليز . (يظهر التأثير على وجوه المعزين)

المعزى رقم ٣ :- والله لما يقبضوا على كل الطلبة في البلد . ماعدا لهم عيش هنا .. هم ودلائلهم .

(فترة سكون وهمس بين المعزين . يدخل الى السرايق الاستاذ سليم المحامى يشد على يد ابن المتوفى ثم يتوجه الى مقدمة السرايق حيث يجلس وسط بعض المعزين بعد ان يتبادلوا اياهم تحيات تفصح عن سابق معرفة بينه وبينهم) .

المعزى ١ : دايم متاخر يا استاذ سليم .
آخر ٢ : بقى تبقى محامى المرحوم وماتمشيش في جنازته ؟ !

الاستاذ سليم : مرحوم ايه يا سعادة البيه . ده لهف من الدنيا على الاقل ثلاثين سنة زيادة عن عمره .

المعزى ٣ : يا راجل . لكل اجل كتاب .

الاستاذ سليم : (متندا) ايوه صحيح . لكل اجل كتاب . النهاردة بطوله ، والله يا اخوان قضيته جنب زميل .. محامى برضه .. مسكين ابنه طالب في الجامعة بتاع تسعناشر عشرين سنة . انتقل في مظاهرة امبارح .

المعزى ١ : بتاعة ميدان الاسماعلية . ياسلام دى البلد كانت مشعللة نار . عمال وطلبة . واللى بطرابيش . واللى بعمم . واللى حافي . اولاد صغرين . والله اولاد بتوع عشرة واتناشر سنة . مالحقوش بيتسموا للدنيا .. كان الرصاص يفجر الدم من جنتهم وهم يهتفون الجلاء .. الجلاء ..

المعزى ٢ : ما هو علشان كده ياسيدى الحكومة والانجليز نازلين انتقام واعتقال وسجن في الناس .

المعزى ٣ : دول بيقولوا انهم موش عارفين يمسكوا لجنة الطلبة والعمال الللى عملت المظاهرة (بحماس) دول عيال جدعان صحيح .

المعزى ١ : ده انا سمعت ان الحكومة منعت اهالى الشهداء من تشييع جنازتهم . خايفين لتقلب مظاهرات .

الاستاذ سليم : والله بهما عملوا . الشعب مفتوح خالص .
ووهيه بقى ستة على ستة . والبلد زى ماتكون
قاعدة على بركان . بكرة ينفجر ويطيح بالانجليز
وحكومة الانجليز . و . . (يلتفت حوله قبل أن
يستطرد) وبسلامته كمان . لكن . لكن ايه ده
كله . أنوار وكراسى مذهبه وصوائى قد القصر .
طيب والله تلاقى المرحوم ماعمل الزينة دى كلها
يوم فرحه .

المعزى ٢ : يا راجل . ارحم الاموات . هو لسانك ده
مايرحمش حى ولا ميت .

الاستاذ سليم : ميت ا طيب احلف لك بابه انه لو كان يعرف
ان ابنه (يشير الى الشخص الواقف بجانب
المرادق يتلقى المعزاء) حايعزق الفلوس دى
على روحه كان حرن وباماتش .
(علامات استنكار مشوية بالسخرية والضحك
المكتوم)

المعزى ٢ : لا . ده انت يظهر كنت زينا . ماعندكش فكرة
صحيحة عن المرحوم .

الاستاذ سليم : فكرة صحيحة ! انتم بتتكلموا عن أنهى مرحوم .
موش العمدة ؟ !

المعزى ١ : يا استاذ سليم . هو انت فاكركنا فى المحبة .
حاتلف بعقولنا . طبعاً العمدة .

الاستاذ سليم : امال فكرة صحيحة ايه . طيب والله العظيم لو
كان فيه طريقة انه يعرف مطرح ماراح بالصيوان
النور ده وال . . . المصاريف دى كلها كان
يستأذن من عزرائيل ساعتين . يلطش أولاده
قلبين ويلم فلوسه ويأخذها معاه الآخرة .
المعزى ٢ : أعوذ بالله .

الاستاذ سليم : (مواصلاً الحديث) بقى الراجل اللى كانت جبته
تفضل على جسمه بالسنتين لفاية ماندوب حته
حته . وهو رايع جاى من البنك يخزن فلوس

ويشتري أرض . الراجل الى لما طلبوا منه في
البلد نص فدان علشان المدرسة الجديدة ...

المعزى ١ : (مقاطعا) الله يرحمه مات عن ريعية فدان
بالقتيل .

الاستاذ سليم : (مستطردا) كل اللى طلبوه نص فدان وحياتك .
راح متنازل من العمودية . وطفش من البلد
بحالها (بعد توقف برهة) طيب والله العظيم
أولاده ما عملوا الزيتة دى الا علشان يفرجوا
من أنفسهم بعد العيشة الضنك اللى كان
دافنهم فيها .

المعزى ٣ : لا . انت بتظلم الراجل .

الاستاذ سليم : اظلمه !

المعزى ٢ : احنا برضه كنا ظالمينه زيك . وحاسبينه بخيل .
اليه ماتخرش من ايده .

الاستاذ سليم : بخيل ! ده البخل اللى كان رينا حايتلى به الشعب
المصرى كله جمعه وصبه فى الشيخ حامد الملا
(بعد تردد) الله يرحمه بقى .

المعزى ١ : (محتجا) لا . لا . اسمعنى بس يا استاذسليم .
اصل المسألة (يتوقف المعزى عن الحديث بسبب
مرور خادم السراى بالقهوة على الاستاذ سليم
الذى يمتنع بداءة ولكنه بعد برهة يغير رايه .
ويتناول فنجان القهوة بحماس وعصبية يدهشان
الخادم والمعزى . وما ان يتحرك الخادم بعيدا
حتى يطلق الاستاذ سليم فى حديث من يؤيد
موقفا اتخذه) .

الاستاذ سليم : عندا فيه ! والله انا مابحب قهوة المياتم . لكن
أهو عندا فى المرحوم . تصوروا انه مكاكش
يرضى يتقابل المستأجرين فى بيته علشان
ما يضطرش يقدم لهم قهوة او شاي . فكان
دائما ايدا يقابلهم على قهوة الحطة ...

المعزى ١ : (مقاطعا) طيب ماهو برضه فى القهوة مضطرب انه ...

الاستاذ سليم : (مستطردا) فى يوم ياسيدى كنت مسافر اترافع فى قضية فى طنطا وحصل تأخير فى ميعاد قياس القطر . فقلت اروح اتعد على قهوة المحطة أشرب لى فنجان قهوة . وكنت فعلا مصدع ومتقريف . وفى حاجة لفنجان قهوة على الريحه مضطرب دماغى . فلقيت الشيخ الملا قاعد بيرم فى شنابه . والحاجة الوحيدة لاجل الحق — اللى كان المرحوم ما يخلص عليها ابدأ مسألة تبريم شنباته . كان يصرف عليها ولا عشرة جنيه فى الشهر ، زيت وكريم وحلاقة . هه . المهم . نادى على الشيخ الملا وقال لى ابن حلال . عاوزك فى حكاية مهمة . وسقف جه الجرسون وطلب لى واحد قهوة ...

المعزى ٢ : (مقاطعا) طيب امال ايه بقى !

الاستاذ سليم : (مستطردا) حلك على توية قعد يستشترى فى اشكال له مع المستاجرين . مجانا طبعاً . وجه واحنا قاعدين تلاته مستاجرين . سقف برضه وطلب لهم قهوة . ونستى يا افندم ان القهوة تيجى . ابدأ ، وكاننا قاعدين فى صحراء . والجرسون رايح جاى يجيب قهوة هنا وقهوة هناك ولا كاننا احنا موجودين . وجه ميعاد القطر قمت من غير ماتيجى القهوة .

المعزى ٢ : طيب وذنّب المرحوم ايه فى الحكاية دى ؟ !

الاستاذ سليم : (فى سخرية) عرفت ياسيدى بعدين انه متفق مع الجارسون يديله قرشين بقشيش على اساس انه مهما طلب منه قهوة لضيوف تحل عليه يقول حاضر ويصهين على الطلب وما يجيوش . (يتبادل المعزون نظرات باسمة ويدخل خلال ذلك الى السراق شخص غريب الهيئة يرتدى

سروالا واسعا ويده مسبحة طويلة . وفوق
رأسه عمامة خضراء كبيرة يبين منها خصلات
من الشعر الاحمر) .

ذوالعمامة الخضراء: (في تساؤل عام) هل هذا مأتم المرحوم الشيخ
حامد ؟

أصوات متفرقة : أيوه . هو .

(ذو العمامة الخضراء يرسل نظرات في أرجاء
المرادق صامتا ثم يختار مكانا يتجه اليه في سكون
ووقار . وهو يحرك مسبحته ويجلس في هدوء ،
ثم يرفع رأسه الى السماء برهة) .

ذوالعمامة الخضراء: (في صوت منغم) يسارحيم أرحم عبادك
الصالحين .

(يعود ذو العمامة الى وضعه فيطرق برأسه
الى الارض وحيات مسبحته تتحرك بين أصابعه
في صمت . يهرع اليه ابن المتوفى وبعض المعزين
يستفسرون عن شخصيته . ذو العمامة لا يتحرك
ولا يجيب ، ويظل على صمته التام فيتبدد الجميع
من حوله ذاهلين) .

المعزى ٣ : يكون مين ده ؟


الاستاذ سليم : هايكون مين يعنى ؟! عفريت بخل المرحوم ؟!

المعزى ١ : يا راجل حرام عليك . انا كنت عايز اقول لك

(يحاول الاستاذ سليم مقاطعته ولكنه يصر على
مواصلة حديثه) يا أخى اسمعنى امال . هسوا
مافيش طريقة أبدا تخلص المحامى يسبع وما
يتكلمش . ياسيدى احنا كنا برضه زيك فاكربين
المرحوم بخيل لغاية ماشفنا النهاردة الراجل
اللى اسمه .. اسمه ..

المعزى ٢ : بدوى أفندى ..

المعزى ١ : تمام . بدوى أفندى . ده يكى على النعش زى
الاطفال تمام .



الاستاذ سليم : ويكون مين بدوى أفندى ده ياسيدى (وكان الاسم يثير ذاكرته) بدوى !

المعزى ١ : راجل غلبان عنده ثلاث عيال (متلفتا حوله)

هو راح غين ؟ كان قاعد هنا من شوية . أهو ابن المرحوم جاي الناحية دى . أما نسأله .
(يتجه ابن المرحوم ناحية الاستاذ سليم ، وهو بيدى بيديه حركات الشكر للمعزين . يستوقفه أحدهم) .

المعزى ١ : هو بدوى أفندى راح غين ؟
ابن المرحوم : بدوى أفندى ، ده راجل مسكين صحيح . هو دلوقت جوه فى البيت بيستريح وبياكل لقمة .

مسكين . شنفت كان عامل فى روحه ايه . والله ولا واحد منا . تصور اننا ماكناش نعرف عنه حاجه أبدا قبل النهارده .

الاستاذ سليم : (بدهشة مصطنعة) ياسلام .
(ابن المرحوم يميل ناحية الاستاذ سليم ويشعر فى حديث يخفت شيئا فشيئا) .

ابن المرحوم : أصل بدوى أفندى ده ياسيدى كان ..
(صوت ابن المرحوم لا يسمع ، وعلامات الانفعال بالحديث تبدو على وجوه السامعين . تخرج من بيت المتوفى المضاء سيدة فى ملأة سوداء الى الشارع . وتسرع فى ذات الوقت الى الشرفة فتاة شابة بملابس سوداء تنادى على السيدة فى حرص) .

الشابة : يا أم خليل . يا أم خليل ..
(أم خليل تقف عند عمود النور ، وهى تفصح عن وجهها) .

أم خليل : نعم ياستى سميرة .
سميرة : تعالى والنهى خمس دقائق بس . أحسن نسيت أقولك على فستان تخيليه لى بسرعة .. تعالى .
(أم خليل تعود الى المنزل من جديد . وقرب

الباب تفاجيء بدوى افندى خارجا منه . وجهه
متنفخ وعيناه محمرتان . أم خليل تشهق وتخبط
صدرها براحة يدها) .

أم خليل

: بسم الله الرحمن الرحيم . سى بدوى افندى !
ايه اللى جالك هنا (بدوى افندى يصعق للمفاجأة
ولا يعرف ماذا يفعل . يلتفت يمنة ويسرة ثم
يجنب أم خليل بعيدا عن المنزل والسرادق ويقف
معهما بجانب عمود التور فيكشف الضوء عن حالة
وجهه) .

أم خليل

: يا ندامتى . الشر بره وبعيد ياسى بدوى افندى .
مالك كنى الشر . مالك وشك منفوخ كده زى
القربة . وعينيك .. عينيك زى الدم . من ايه
ده يا سى بدوى افندى . مش كفاية اللى حصل
لراسك فى الشغل امبارح . ماتقول لى من ايه
ده ؟

: بدوى افندى (بضيق وحيرة) من .. من المرحوم .
أم خليل : المرحوم ! العمدة .. انت تعرفه ؟

: بدوى افندى : ياخالق الكون (بعد تردد) ده كان صديقى الروح
بالروح . أصله كان .. قصدى يعنى .. أصله
كان من زباينى . الله يرحمه .

أم خليل

: (بفرح) يا سلام ياسى بدوى افندى . شوفة
الدنيا محندقة قد ايه وبتلمنا على بعض دايما ..
المرحوم زبونك وبننه زبونتى أنا (تزقد بدوى
افندى) ماهى دى اللى كانت مكلفانى بالفساتين
السود وقعدت تتنقور على . تعرف انى خلصتهم
على الميعاد مظلوط . يادوب جبتهم من هنا
وروح المرحوم راحت طالعة على طول .
(بدوى افندى يزوم متأثرا)

أم خليل

: يا سلام ياسى بدوى افندى على طيبة قلبك .
لازم كنت بتعززه قوى ياخويا .
: مين ؟ !

بدوى افندى

- أم خليل** : المرحوم ! أتاريك يا ضنأى سايب شغللك واخوانك
(في لهفة كمن تذكرت شيئاً هاماً) أسكت على
اللى جرى فى الحقة النهاردة . أسكت ياسى بدوى
افندى (فى ولولة) يا اختى . يا اختى ..
- بدوى أفندى** : خير ان شاء الله .
أم خليل : موئش الحكومة جات فتشت قهوة الملوك وطلبتها
فوق دماغ المعلم شهده . وراح لونه مخطوف
زى الليمونة . ولساته انحاش فى حلقه . اياك
ينحاش على طول . وبقي ياسى بدوى أفندى زى
وليه من غير راجل .
- بدوى أفندى** : يا خالق الكون . ليه ؟
أم خليل : قال بيقولوا ياخويا بيضوروا على حاجات
ومحتاجات وأبصر ايه عرايظ .
- بدوى أفندى** : (منزعاً) عرايظ . عرايظ ايه يا أم خليل ؟!
أم خليل : عرايظ ضد الحكومة .. بتاعة عمال النقابة .
وقبضوا على ثوية منهم .. وماحناش عارنين
ان كان الرئيس حنفى منهم والا لا .
- بدوى أفندى** : يا خالق الكون . الرئيس حنفى ! (ساهما) كله
من الشاويش عفيفى .
(أم خليل لاتسمع جيداً عبارة بدوى أفندى
الآخيرة)
- أم خليل** : بتقول ايه يا خويا . هه . (ضاحكة) وفى الآخر
جرجروا المعلم شهدة من شنباته للقسم . وعدوك
.. الحقة اتملت بنى آدمين جتتهم عاملة زى
الدوايب ياخويا . وعينهم .. عينهم بتبرق فى
وش الناس زى عنين أم قويق (مستعيزة)
يا اختى . اللهم احفظنا .
- بدوى أفندى** : وامتى حصل ده كله ؟ !
أم خليل : على العصر (متفكرة) وعلى فكرة .. سيد
القهوجى كان عمال يدور عليك . هه (تتحرك الى
داخل المنزل) أسيبك بعافية بقى أحسن عايزنى

جوه (من داخل المنزل) أومى تنسى اللبلة تكتب
العرايظ للواد خليل ياسى بدوى أفندى . أنا
حافظل صاحبة لغاية ماتيجى .

بدوى أفندى : (ساهما) والله لحق الشاويش عفيفى يلم روس
النقابة بسرعة !

(بدوى أفندى يتكىء على عمود النور وهو
يحدث نفسه . ذو العمامة الخضراء يرفع رأسه
داخل السرادق فجأة الى اعلى صارخا)

ذوالعمامة الخضراء: يارحيم ارحم عبادك الصالحين .

(ذو العمامة الخضراء يعود الى جلسسته الساكنة
من جديد وينظر الناس بعضهم الى بعض
مستفسرين . ابن المرحوم ينهض من جلسسته مع
الاستاذ سليم واصدقائه وكأنه يختم حديثه) .

ابن المرحوم : يمكن يكون خلص اكل دلوقت . اما اروح اتادى
ليه ..

(ابن المرحوم ينشغل بعض الوقت فى مصافحة
بعض المعزين ثم يغادر السرادق ويهم بالدخول
الى المنزل فيلمح بدوى أفندى متكئا على عمود
النور فيذهب اليه بقية المعزين داخل السرادق
يستأنفون الحديث) .

الاستاذ سليم : (محركا رأسه فى استفكار) والله ما اصدق

الا لما اشوف بدوى أفندى ده بمعنى . بدوى !

موش عارف الاسم ده لازق فى دماغى ليه .

ياه . دا انت صعب خالص يا استاذ سليم .

المعزى ١

الاستاذ سليم : باقول لك لا يمكن اصدق . بقى الشيخ الملا

يصرف على عيلة بتلات عيال فى المدارس ! والله

ما يجيله قلب يصرف على عيلة

لا .. تعرف احسن حاجة ايه ؟

المعزى ٢

الاستاذ سليم :

ايه ؟

نقراهن . تلاته جنيه تلاته جنيه ياعم .

المعزى ٣

الاستاذ سليم : (ضاحكا) ايه قصدك يعنى . كل عيله جنيهه

(باصرار) موافق يا سيدى .. ثلاثه جنيه لثلاثه جنييه .

(ابن المرحوم يصطحب بدوى افندى الى داخل السراى حتى يصل به الى فريق المعزين الجالسين مع الاستاذ سليم ويقدمه اليهم) .
ابن المرحوم : حضرته بدوى افندى (بعد تردد) صديق المرحوم والدى .

بدوى افندى : (وهو يهم بالجلوس) صديق ! دم الله يرحمه كان ولى نعمتى . انا واولادى الثلاثه .

(تفرق الدموع من عينى بدوى افندى . ابن المرحوم يشرع فى مغادرة المكان) .

ابن المرحوم : استغفر الله يا بدوى افندى . استغفر الله عن انكم .

أصوات : اتفضل . اتفضل .

الاستاذ سليم : (لبدوى افندى) وحضرتك بقا تعرف المرحوم من زمان ؟

(بدوى افندى يحس بخبرته كأنه امام لجنة امتحان . يهز رأسه ويتنهد كي يكسب وقتا يرتب فيه اجابة مضمونة) .

بدوى افندى : أعرفه ! أعرفه زى نفسى اللى ساكنة جسمى تمام والمعرفة يا حضرة ماهياش بعدد الايام والسنين . المعرفة هى معرفة الروح للروح والقلب للقلب . الله يرحمه كان قلبه كبير . كبير قوى .

أصوات : الله يرحمه .

بدوى افندى : (مستطردا) يمكن ماكان بيان عليه . لكن

عطاياه دايما مستوره .. من تحت لتحت

(يسكت لحظات ثم يتابع ، وهو يراقب انفعالات

المعزين لحيثه) رحمتك يارب . امبارح بالليل

زارنى المرحوم . .

الاستاذ سليم : فى البيت ؟

بدوى افندى : (بترديد اعمى) فى البيت . .

الاستاذ سليم : بتقول بقى حضرتك ان المرحوم زارك في البيت . .
 بدوى افندى : في البيت . انا قلت في البيت . . .
 الاستاذ سليم : امال عين يعنى ؟
 بدوى افندى : في المنام . في المنام . امبارخ تصور يابيه . .
 امبارخ بس .
 المعزى ١ : (بتأثر) يا سلام .

بدوى افندى : (مستطردا) وبعد ما سلم على مرة واثنين
 وتلاثة . دس في جيبى عشرة اثناشر ريال فضة
 بتطلع على الآخر .
 وقال يا بدوى افندى اوعى تنسى تمر على قبل
 ما اسافر قلت له مسافر عين يا عمدة ؟ قال لى :
 ازور احباب الله يا بدوى . اضلتهم نادونى (تغلب
 الدموع على بدوى افندى فيختنق صوته ويشهق
 شهقة اليمه يتأثر لها الجميع . يحاولون مواساته .
 يعود الى استئناف الحديث في شكل مناجاة
 حزينة) .

بدوى افندى : وادبنى هو مريت يا عمدة لفتك سبقتنى
 وسافرت . وتركتنى لوحدى مع اولادى من غير
 حبيب ولا معين .

المعزى ٢ : (مواسيا) اجهد امال يا بدوى افندى .

المعزى ٣ : امر الله يا بدوى افندى . لك رب .

بدوى افندى : اى نعم امر الله . لكن مين غيره يكسى العيال
 وياكلهم ويدفع لهم مصاريف المدارس . الف
 رحمة تنزل على روحك يا عمدة .
 (تبدا علامات التأثر على وجه الاستاذ
 سليم)

الاستاذ سليم : ما هو البركة بقى في اولاده . وخصوصا محدث
 بيه .

(يصل ابن المتوفى « محدث بك » في هذه اللحظة

الى السرايق ويشارك المعزين الجلوس) . .

بدوى افندى : ربنا يبارك في اعمارهم . الله يرحمك يا عمدة .

كنت دائما تكلمنى عن ابنك مدحت بيه . حاكم أنا
ماكنتش شفت مدحت بيه أبدا . أصلى عمرى
مازرتة الله يرضه فى البيت . كنا دائما نتقابل
بره (بعد تردد) فى . فى الجامع . على
القهوة ...

المعزى ٢ : (للأستاذ سليم) شفت ! زى ما انت بتقول

تمام . كان يحب يقابل ضيوفه على قهوة
المحطة . موش فى البيت .

بدوى أفندى : تمام . قهوة المحطة . ياما تعدنا . وياما رحنا .

وياما جينا (يربت على كتف مدحت بك) وياما

اتكلما منك يا مدحت بيه . كان يعزك قوى .

(يغلب التائر على مدحت بك فيقوم وينتحي

ناحية يختلى فيها بنفسه) .

الأستاذ سليم : (وهو يدق النظر طويلا فى بدوى أفندى) انت

شكلك موش غريب على . أنا شفتك قبل كده .

أنا متأكد إنى شفتك . لكن فين ؟

(بدوى أفندى يضطرب ولا يجد منقذا له سوى

أن يقوم فى أثر مدحت بك ويجلس بجانبه بحجة

مواساته)

المعزى ١ : لازم مع المرحوم فى قهوة المحطة . حايكون فين

يعنى

الأستاذ سليم : (بتردد) جاي .

المعزى ٢ : (للأستاذ سليم) هه . ايه رايك بقى يا عم ؟

المعزى ٣ : موش برضه كنت ظالم المرحوم والا ايه ؟ ايدك

على الرهان

الأستاذ سليم : والله أنا مختار . . بقى المرحوم الشيخ الملا

يصرف على ثلاث عيال فى المدارس . حاجة

تجنن صحيح .

المعزى ١ : يعنى يتكذب الراجل برضه . (مشيرا الى بدوى

أفندى) شوف حالته يا شيخ .

الأستاذ سليم : وأنا ماكدبش نفسى يا ناس . أنا أعرف الشيخ

الملا كويس . كويس قوى . الله يرحمه مات وهو واكل على مؤخر أتعاب قضية كسبتها له من أربع سنين .

المعزى ٣ : طيب واية رأيك فى اللى قال لك على طبيعته و .. قهوة المحطة و ..

الاستاذ سليم : (مقاطعا) ايوه صحيح . حكاية غريبة (بعد هنيهة صمت) حد عارف بقى . يمكن كان بخيل فى حاجات . وكريم فى حاجات تانية . ماهى لابد هى كده . والا ايه اللى زنى بدوى افندى على تمويت نفسه عليه بالشكل ده (هنيهة) طيب لما هو بالحالة دى سى بدوى افندى يروح يخلف ثلاث عيال مرة واحدة !

المعزى ٣ : تعرف بقى . انا عندى فكره . الرهان اللى عليك على جنبه من عندى (يخرج من جيبه جنيها) وتبرع بيهم لبدوى افندى رحمة ونور على الشيخ الملا . وتكثيرا عن ظلمنا له .

الاستاذ سليم : (بعد تردد) وهو كذلك . بس انا حادفج جنبه واحد فقط ومعاه كارت بعنوانى لاجل اذا تعذر فى حاجة يعرف ييجى لى . (يقوم الاستاذ سليم من مكانه ويجلس بجانب بدوى افندى ويتهامس معه ثم يدس النقود والكارت فى جيبه)

المعزى ٢ : شهم طول عمرك يا استاذ سليم .
المعزى ١ : ده ياما اترافع عن ناس مظلومين من غير أتعاب خالص

(بدوى افندى يحس بحركة دس النقود فى جيبه . يصطنع الامتناع لحظات ثم تسكن مقاومته تحت ضغط المعزين . وما أن يفارقه الاستاذ سليم حتى يقوم بدوى افندى بأخراج النقود وعدها بخلسة ثم يعيد وضعها بجيبه الداخلى وهو يحدث نفسه) .

بنوى أفندى : اتنين جنبه فى حكاية واحدة ! يا هانت كريم

يارب . بقى شس أحسن من شسغلانة الرئيس
حنفى فى النقابة بستة جنبه عمى فى الشهر ،
ووراهم الشاويش عفيفى كمان . ياخالق الكون
وايه ده كمان ؟ كارت (يقرأ) سليم بكر المحامى
لدى الاستئناف العالى شارع ... (يمزغ بقية
العبارات وهو يعيد الكارت الى جيبه) الهى
ماتحوجنا لمحامى أبدا .

(يبدأ بعض المعزين فى الانصراف . يتوجهون
الى مدحت بك ويشدون على يده . يقوم
بمصاحبتهم حتى باب السراى . يقف به مودعا
ومستقبلا المعزين . يظهر بالشارع الرئيس
حنفى وهو يسير بحذر شديد . يتجه نحو
السراى ويحدث مدحت بك) .

الرئيس حنفى : من فضلك .. موش ده ميتم المرحوم الشيخ
الملا ... العمة ..

مدحت بك : (يهم بمصافحته وكأنه أحد المعزين) أيوه ..
اتفضل .. شكر الله ...

الرئيس حنفى : (مقاطعا) طيب والله تعمل فى معروف وتشوف
لى اذا كان الأستاذ سليم المحامى موجود
والا لا .

مدحت بك : موجود . اتفضل .

الرئيس حنفى : لامعلش . أصلى عايز الأستاذ فى حكاية
مستعجلة . ومش لايق لنى اكلمه جوه . ولو
فيها رزالة شوية تقدر تنادى له ؟

مدحت بك : (مناديا) يا استاذ سليم . اتفضل هنا . فيه
واحد عاوزك .

(ينفض الأستاذ سليم الى باب السراى .
فيأجأ بالرئيس حنفى) .

الأستاذ سليم : مين ؟ : الرئيس حنفى ! ايه اللى جابك هنا .
الرئيس حنفى : رحى لك المكتب قالوا لى انك هنا بتعزى ..

جت لك على طول . عرفت يا أستاذ بالي
حصل ؟ ! نازلين قبض في الزملا من الصبح .
والتهاردة سرحوا علينا في القهوة والمصنع يجي
دسنة مخبرين .. وهو قدرنا نفلت منهم .

الاستاذ سليم : طبيب والمنشورات ؟
السريس حنفي : اديتها لسيد القهوجي يخبئها عند صاحبنا اللي
قلت لك عليه .. جدع مؤتمن .

الاستاذ سليم : وانت اح تروح مين ؟
السريس حنفي : عند الدكتور ميلاد . بس جيت اقول لك علشان
تكون عارف حا اشتغل من هناك .. سلام
عليكم بقي

الاستاذ سليم : مع السلامة . ابقوا ادونا اخباركم اول بأول .
(السريس حنفي يخفي في حذر . الاستاذ سليم
يعود الى داخل السرايق وقد بدأ عليه التفكير
العميق - ام خليل تخرج من البيت وتتجه لمغادرة
المكان . تتوقف عند السرايق لحظات . تختلس
النظر لداخله من خلال فتحة فيه وتحديث
نفسها) .

ام خليل : هو مين ؟ مين ؟ .. اهو ! .. يا اختي عليه .
النبى حارسه وصاينه سي بدوي افندي . قاعد
في الصوان زايته . امل . تاجر قد الدنيا ..
يعرف الناس الاكابر .
(ام خليل تعاود سيرها حتى تختفي . وفجأة
يرتفع صوت صاحب العمارة الخضراء) .

ذوالعمامة الخضراء: يارحيم ارحم عبادك الصالحين .
(صاحب العمارة الخضراء يسقط على الارض
متشنجا في صراخ وشفتاه تتمتمسان دون
ما توقف) .

ذوالعمامة الخضراء: يارحيم . يارحيم . يارحيم .
(يهرول الجميع عدا بدوي افندي ناحية الرجل
ذي العمامة الخضراء يحاوطونه . يحاولون

اسعافه . الرجل يظل مستمرا في هلوته ،
بدوى افدى يقوم ويراقب حركاته بدقة يداخله
نوع غريب من الخوف يبدو على مظهره)

المعزى ٣ : يا محدث بيه . خدوه جوه البيت . فوقوه
بشوية كواونيا

(الجميع يوافقون على هذا الاقتراح . يتطوع
البعض لحمله داخل البيت . يتبادل المعزون
التعليقات . وبدوى افدى صامت . كله آذان .
تنقابه حالة قلق غامض)

المعزى ١ : أما راجل غريب صحيح .

المعزى ٢ : ده من اول مادخل . وهو كمشان فى نفسه
زى القنفذ يسبح ويقول يارحيم ارحم عبادك
الصالحين .

المعزى ١ : حد شافه قبل كده ؟

المعزى ٣ : ابدأ دى اول مرة .

المعزى ١ : له فى خلقه شئون .

(يعود الى السراى بعض المعزين الذى ساعدوا
فى نقل صاحب العمامة الخضراء فتسائلهم بعض
الاصوات)

أصوات : ايه الحكاية ؟

احد المعزين القادمين : حالة تشنج عصبى بسيط . بدأ يفوق .

المعزى ١ : عرفتم مين هو ؟

احد المعزين القادمين : ده راجل على باب الله . من محاسيب
الرحوم . كان بيحرف عليه هو وعيلته .

أصوات : لا حول ولا قوة الا بالله .

الاستاذ سليم : (ناهضا) لا . عيلة تانية ! اسمعوا يا جماعة .

يظهر انى صحيح ظامت الرحوم . وطولت
لساتى عليه قوى موش قادر اقعد فى معزته بعد
كده . ضميرى بيوبخنى الله يرحمه ويغفر لنا
جميعا . عيلتين !

(الاستاذ سليم يخرج مصطحبا بعض المعزين .

بدوى أفندى يختلى بنفسه وهو في حالة عصبية واضحة .

بدوى أفندى : (يحدث نفسه بصوت مسجوع) من محاسيب
الرحوم ! كان يبصر عليه هو وعيلته ! والله
عال . يعنى تاجر دموع تانى !
(بدوى أفندى يقوم من مكانه وقد ازداد اضطرابه
وحديثه الى ذات نفسه) .

المعزى ١ : (مشيراً الى بدوى أفندى) شوف بدوى أفندى ،
حالته اتغيرت على طول .

المعزى ٢ : ده من حزنه بيكلم روحه . لا حول الله .
بدوى أفندى : (مستطرداً الحديث الى نفسه) يابختك الاسود

يا بدوى طلع لك عفريت من تحت طقاطيق
الارض . خطف الشفلانة اللى كنت مخبئها عن
كل الناس . خلاص راحت عليك . انتهيت
يا بدوى . . حاتعمل ايه ؟ قسمتك كده ! كانت
صباحية ايه دى المدغمة بوش أبو سبحة
قالصو على وش روباكية الدولة أبو شمس
مسبب .

(مدحت بك « ابن المتوفى » يدخل الى السرايق ،
ساندا ذى العمامة الخضراء . يجلسه في مقعد
بمقدمة السرايق . يذهب هو الى ركن يجالس
فيه بعض المعزين ويتبادل معهم الحديث في
مهمات غير واضحة . بدوى أفندى يسلط
نظراته الفاضية الى صاحب العمامة الخضراء
الذى يعود الى جلسته الهادئة يحرك مسبحته
ثم يرفع رأسه هاتفا)

نو العمامة الخضراء : يا رحيم ارحم عبادك الصالحين .
(تتقابل عيون بدوى أفندى وصاحب العمامة
الخضراء مدة غير قصيرة . ينتقل بدوى أفندى
الى المقعد المقابل لذى العمامة الخضراء . بدوى
أفندى يشرع في التحديث اليه اكثر من مرة ولكنه
يعدل ثم يتشجع اخيراً) .

بدوى أفندى : (ساخرا) بقى انت من محاسيب المرحوم . .
 هيه ؟
 (صاحب العمامة الخضراء لا يجيب . يزداد
 توتر بدوى أفندى)
 جوى أفندى : (فى حق) ما ترد على . ده انا عمري ماشفتك
 عند المرحوم .
 ذوالعمامة الخضراء : (فى هدوء مثير) ولا انا !
 بدوى أفندى : (فى حق) لازم بقى كنت انا باشوفه فى حته .
 وانت بتشوفه فى حته تانيه .
 ذوالعمامة الخضراء : (بذات الهدوء وبلغة عربية فصحي) كنت
 اراه فى البيت .
 بدوى أفندى : فى البيت ! يا ضلالى . والله لا فضحك .
 ذوالعمامة الخضراء : اسمع ! انا كنت قاعد ومراقب كل حركاتك
 وسامع كل كلامك . اسكت احسن لى واحسن لك :
 وخلى كل واحد ياخذ رزقه ونصيبه .
 (بدوى أفندى يهم بالهوض . تتلاقى نظراته مع
 نظرات صاحب العمامة الخضراء طويلا دون
 حراك . مدحت بك « ابن المتوفى » يفاجئهم على
 هذا الوضع) .
 مدحت بك : الله ! انت تعرف بدوى أفندى يا عم موسى ؟
 (بدوى أفندى وعم موسى يظلان على حالهما .
 يشوب الاضطراب ايديهما ونظراتهما . يسرع
 ذوالعمامة الخضراء الى الحديث والحركة) .
 ذوالعمامة الخضراء : الله يرحمه . هو الذى عرفنا ببعض .
 بدوى أفندى : (فى استسلام وبعد تردد) الله يرحمه !
 (تظل عيون بدوى أفندى وصاحب العمامة
 الخضراء معلقة بعضها ببعض) .

((ستار))

الفصل الثالث

الفصل الثالث



« المنظر الاول »

الزمان - صباح اليوم التالي من عام ١٩٤٦ .
المكان - نفس مكان الفصل الاول . الحارة الشعبية ومقهى
الملوك نلاحظ على الجدران بعض العبارات المعادية للاستعمار
والحكومة . وأخرى تهنئ الكفاح والشعب ، واللجنة الوطنية
للطلبة والعمال . الصبي ينظم المقاعد والمقاعد . المقهى خال تماما
من الزوار . المعلم شهده يدخل وهو يحرك حبات مسبخته .

المعلم شهده : يا فتاح يا عليم . اللهم اجعلها صباحية . .
(يقضم حديثه وهو يلتفت حوله) أعوذ بالله .
احنا امتى ياواد (ينظر الى ساعته) الساعة
داخلة على تسعة أ ياتهار زى بعضه . وملها
منفضة كده زى قرافة الاموات الفقرا . فين
سيد يا واد ؟ هو حضرته لسه ما شرفش ؟
الله ! هو فين يا واد .
(صبي المقهى حائر . تسمر في مكانه لا يعرف
ماذا يصنع . شفتاه تتحركان دون ان تصدر
منهما كلمة واحدة) .

المعلم شهده : ما تنطق يا واد . سيد فين ؟
(بيدو سيد خارجا من المنزل المواجه)
سعيد : أنا أهو يا معلم . صباح الخير .
المعلم شهده : (ساخرا) أهلا . أهلا وسهلا . شرفت .
أتست . هات قهوة سادة تعدل مزاج المعلم

سنيد ياواد (ضارخا) بقى جناب حضرتك بتلفه
منى ماهية علشان تتنظط فى البيت مع ابو قردان
بتاعك شئ بدوى . وسلايب لى القهوة تنش
الذبان . موش كفاية المصايب بقاعة امبارح .
: اصل ..

سيد

المعلم شهده : (مقاطعا) اصل ايه وفصل ايه ؟!

سيد : اصل كنت باوصل امانة الرئيس حنفى لبدوى
افندى وبعدين ..

المعلم شهده : (مقاطعا) الرئيس حنفى ؟ الله هم موش قبضوا

عليه مع العمال ليلة امبارح ياواد ؟
: لا يا معلم .. ده هرب .

سيد

المعلم شهده : وطى صوتك . الحارة بقى فى كل شق منها ومن
من ودان بسلامته .

سيد : (فى صوت خفيض) دول نكتوا عليه الارض .
موش عارفين له طريق ايدا . فأت على نص
الليل فى البيت وادانى رابطسة ورق لبدوى
افندى .

المعلم شهده : عرايظ برضه . مائشاش دعوة ياواد . كفاية اللي

حصل امبارح بقى انا المعلم شهده راجل لى
احترامى ومقامى يجرجرونى على القسم زى
الحرامية (بعد برهة) لكن شفت العيال اللي
ماسكينهم . عيال جدعان ! زى الورد . الواحد
بمقام مية .

سيد : وانا باطلع ربطة الورق . حسبت بى ام خليل .
نايت على وقالت لى

(يدخل أحد الزبائن الى المقهى فى عجل) .

الزيون : واحد شأى بسرعة ياسيد احسن مستعجل .

سيد : (مناديا) واحد شأى ظبط عندك . مستعجل .

(يبدأ توافد بعض الزبائن . المعلم شهده يجلس
على المقعد المخصص له) .

المعلم شهده : ياالله ياواد روح شـوفا شـفك . وهات لى
الشيشة والقهوة .. يا كريم ! (سيد ينشط فى
احابة طلبات الزبائن . عم موسى يظهر فى الحارة
بملابسه العادية . يبدو كمن يبحث عن شيء .
يطيل النظر الى المقهى ورواده بطريقة تثير انتباه
المعلم شهده وشكه) .

عم موسى : هل هذه قهوة الملوك ؟
المعلم شهده : (بارتياح) هى ياحضرة .. لازم خدمة ؟
عم موسى : اشكرك .

(عم موسى يدخل الى المقهى . وينتقى مكانا فى
مواجهة المعلم شهده . ويصفق مناديا) .
عم موسى : واحد بنسون .

(ناشد أفندى يبدو قادما . المعلم شهده يهتف
له ويقدم له مقعدا يجلس عليه فى تأن كالمعتاد)
المعلم شهده : أهلا . أهلا . أهلا . أشرقت الاتوار يا ناشد
أفندى (ينظر الى ساعته) تصدق بالله ..
الساعة تسعة بالدقيقة . انت كنت تمين ياتاشد
أفندى امبارح العصر . كنا عايزينك قوى .

ناشد أفندى : اسكت يا معلم . انا كنت جاي ضرورى .
ومدى ميعاد لمحمد أفندى ويوسف أفندى . نخله
وبقية الاخوان علشان نمضى الالتباس الجديد
ونبعثه لمعالى الوزير .

المعلم شهده : (مقاطعا) كانوا منتظرينك . ماجيتش ليه
يا ناشد أفندى ؟ دى حصلت حنة حكاية .

ناشد أفندى : (مستطردا) باقول لك كنت جاي . واتا ماشى
لقيت السكك كلها مزروعة ناس من كل شكل .
فكرتنى بالشوارع أيام سنة تسعناشر . ماأنا
أصلى اشتريت فيها مع الموظفين . تصدق بالرب
يا معلم . كلنا .. كل الموظفين أضرينا فى وقت
واحد . هيه ا فنين أيام زمان . المهم تعدت أدوز
على سكة ناضية ما لقيتش ايدا . كلها انسدت

بالخلق وفجأة يا معلم واسمع لك هبسة وخبط ورقع والناس يتقول الانجليز . البوليس . نزلوا ضرب في الشعب . أقولك الحق . أنا راجس عجزت خلاص . خدت بعضى ورحت راجع مروح على طول . هو فيه للبنى آدم الا عمر واحد يا معلم . ذبا بالك بقى فى اللى ماعدش له الا ربع عمر .

المعلم شهده : تعرف .. تعرف بقى يا ناشد أفندى . الهيبة والخبط والرقع اللى بتقول عليهم دول . وصلوا لغاية هنا . اكركبوا فوق نافوخى أنا .
ناشد أفندى : كلام ايه ده يا معلم ؟! فى قهوة الملوك . ايه المناسبة ؟ ومحمد أفندى ونخله أفندى كانوا قاعدين ؟

المعلم شهده : نخله مين وشجرة مين يا ناشد أفندى ده اللى حصل هنا امبارح عمره ما جرى أبدا . تصدق بالله (بعد تردد) جرجرونى على القسم (بعد تردد) اقول لك ايه بس . جرجرونى من . من قفايا ، هيه .. أدبنى مثلك بقى . من قفايا !

ناشد أفندى : (منزعجا) كلام ايه ده ! رحى القسم !
المعلم شهده : رحى القسم ! دول بهلوني بهدلة يا ناشد أفندى . ربنا ما يوريك .. تقولش قاتل لى قتيل .

ناشد أفندى : وايه المناسبة ؟ رخصة القهوة انتهت والا ايه ؟

المعلم شهده : رخصة ايه يا ناشد أفندى . الانجليز يا ناشد أفندى .

ناشد أفندى : الانجليز ؟

المعلم شهده : أيوه الانجليز . الانجليز والحكومة يا ناشد أفندى . الدوشة بتساعة امبارح اللى بتقول عليها .

ناشد أفندي : طيب وايه اللى حشرك انت فيها !
المعلم شهده : ما هي دي المصيبة . قسمتي يا ناشد أفندي .
امبارح بعد العصر بشوية كنت قاعد هنا . في
مطرحي دهه في امان الله . باشد لي نفسين
سيئة . وشوية وام خليل راحت خارجه من
البيت وواقنة على العتبة (يتوقف كمن تذكر
شيئا فجأة) الله . ام خليل !

ناشد أفندي : مالها كمان ام خليل ؟
المعلم شهده : (مناديا لسيد) واد يا سيد . اسمع (سيد
يحضر اليه) انت ياواد ماقتليش لسا حسنت
بك ام خليل وانت طالع للمدعوق بدوي أفندي
تودي له . هه . (يشير بيديه اشارات ذات
معنى له صلة بربطة الاوراق) ونادت عليك .
كائنات عايزه ايه ؟

سيد : ام خليل اآه . كائنات عايزاني اشفوف بدوي
أفندي كتب العرايظ لمدرسة الواد خليل والا لا ؟
المعلم شهده : هيه ؟

سيد : ما كتبهمش .
المعلم شهده : طبعا ما كتبهمش . هو ده صنف يعمل في حياته
خير ابدا . ده مانيش وراه غير النكد والتعب .
شوف هنا يضيع مستقبل الواد ازاي . تصدق
بالله يا ناشد أفندي . انا باحب الواد خليل ده
كأنه ولد من اولادي . ده من عمر سببكسه
أبني .

ناشد أفندي : المهم وبعدين ؟

المعلم شهده : اسمع يانا ناشد أفندي . انا لابد اعزل سي قطران
ده . واد يا سيد . ابقى روح قول لام خليل
المعلم خلاص طلب من ناشد أفندي انه يكتب لها
العرايظ . واتعابك عندي انا يا ناشد أفندي .
هات القهوه لناشد أفندي ياواد .
سيد : حاضر .

(سيد يمضى لتلبية مطالب الرواد . المعلم شهده

يشرع في استئناف حديثه مع ناشد أفندى) .

المعلم شهده : أهو زى ما باقول لك كده يا ناشد أفندى . ام خليل كانت خارجة من البيت . وقفت على العتبة حسيت زى اللى عايزه حاجة . قمت ناديت سيد وقلت له روح شوفها عايزه ايه . حاكم انا احب اريح سكانى زى ما انت عارف . وكلنا كنا قاعدين فى القهوة . العمال وأفندية المعاش بتوعك وبقية الزباين . ويادوب الواد سيد بيخطى الحاره ، الا وحنة دين كبسة من البوليس على القهوة . تصدق بالله ...

ناشد أفندى : (مقاطعا فى انزعاج) كبسة !

المعلم شهده : كبسه ياناشد أفندى ! والدنيا ظاظت والحرارة

اقلبت . وراحوا نازلين قبض على العمال . وخدوني انا معاهم . تصدق بالله كان فيه ناس فى الحنة فرحانة فى (يزغد ناشد أفندى) لكن تعرف .. ام خليل شفت لونها انخطف وانطريت تعرف انها بنت حلال صحيح . كلام فى شرك . (يقرب فمه من اذن ناشد أفندى ويهمس . صوت عم موسى يرتفع مناديا سيد) .

: عن اذن حضرتك ؟

عم موسى

: نعم .

سيد

: هو موش فيه واحد بيقتد هنا اسمه بدوى أفندى ؟

عم موسى

: (بارتياح) ماله !

سيد

: اصله أعطاني ميعاد أقبله هنا . وأهو انا قاعد

عم موسى

انتظره ما جاش وساتأخر عن أشغالى ومصالحى

: (كمن تذكر شيئا) آه . هو حضرتك عم موسى ؟

سيد

: اى نعم .

عم موسى

: أهلا وسهلا . ده بدوى أفندى موصينى أقول

سيد

لك انه جاي لك حالا . موش تقول لى من الصبح

يا عم موسى . تحب شاي والا قهوة بقى ؟

هم موسى : أشكرك ، شربت ياتسون كفاية .
 سيد : لا والله ما يصح أبدا .
 عم موسى : صحيح شربت . أشكرك .
 سيد : على الطلاق بالتلاته ما يمكن أبدا .
 عم موسى : يبقى واحد شاي بالنعناع لأجل اليمين .
 سيد : (وهو يفادر عم موسى) وكم ان واحد شاي
 بالنعناع ووضبه .

(صوت المعلم شهده يرتفع وهو لا يزال يواصل
 حديثه لنائيد أفندي) .

المعلم شهده : بأقول لك أولاد .. أولاد راضعين لبن أمهم
 وشاربين جدعنة أبوهم . اللي عامل ، واللى
 طالب ، واللى ماتعرف له صنعة . قلب الواحد
 منهم على لسانه عدل . تصدق بالله . الواحد
 منهم ما يتحكم الا فى حبة العرق بتاعة بكرة .
 لكن ايه ؟ واقفين قدام المأمور والظباط والهيصة
 كلها زى السبوعه .

نائيد أفندي : طيب وانت دخلك ايه فى الحكاية ؟
 المعلم شهده : جاي لك . قال ايه يا سيدى . القهوة بقت
 (يحاول أن يتذكر) بقت ايه ؟ اللهم صلى على
 النبى . كانت على لسانى . سبحان الله . آه .
 بقت و .. وكر . تمام .. وكر .

نائيد أفندي : (بانزعاج) وكر !

المعلم شهده : أى وحياتك وكر .

نائيد أفندي : (بانزعاج أشد) وكر !

المعلم شهده : ما تتخضض كده ينائيد أفندي . دى عبارة
 بسيطة . أنا برضه كنت فاكّر المسألة كبيرة .
 لكن لما سألت عرفت ان وكر يعنى قهقهة
 للعمال . عمال نقابة الرئيس حنفى . أما قرية
 على أمخاخ الحكومة . طيب وهى التهوة معبولة
 لايه يا خلق . هوش للقعدة . والا يعنى للوقت

(يضحك ضحكا عاليا) كويسة دى ١٨ (يلتفت
فتقع عيناه على عم موسى) شايف الكتف اللي
قاعد هناك ده يا ناشد أفندى ؟

ناشد أفندى : ماله !
المعلم شهده : اقطع دراعى لو ماكانش ودين حكومة (بعدهنيه)
مخبر .

(سيد يحضر القهوة لناشد أفندى ولكن هذا
الآخر يهم ناهضا فى ارتباك) .

ناشد أفندى : تصدق بالرب يا معلم . انا راسى حا تنفجر
من الصداع (يرنو بطرف عين الى عم موسى)
انا مش قادر أقعد . أبدا . خالص (ناشد أفندى
يتحرك مغادرا 'المقهى' وفى أثره المعلم شهده) .

المعلم شهده : وعرايظ الواد خليل يا ناشد أفندى ؟ مستقبل
الواد !

ناشد أفندى : عندك بدوى أفندى . صداع يا معلم . صداع
مفاجيء .

(يختفيان ولكن أصواتهما تسمعان) .

صوت المعلم شهده : الله .. الله .. وشفلانة النقابة اللي
كلبنا الرئيس حنفى عليها !

صوت ناشد أفندى : الرب يفنينا . انا ماليش علاقة بالرئيس
حنفى ولا بالنقابة يا معلم . ماليش اى علاقة
خالص .. بالرة ناهم بالرة .

سيد : الله . الراجل ماله قام مسروع كده . يالله !

المركب اللي تودى أحسن من اللي تجيب .
(تفتح نافذة أم خليل وتطل منها) .

أم خليل : عملت ايه مع بدوى أفندى يا سيد ؟
سيد : اهو نازل اهو .

(يظهر بدوى أفندى بباب البيت ، ويخطو فى
الحارة الى المقهى) .

أم خليل : صباح الخير يا سى بدوى أفندى . اياك يكون

قهرك على المرحوم خفا . ده انت يا سنأى كنت
مقطع قلبك عليه حقت .

(عم موسى يتنحج بشكل يلفت نظر بدوى أفندى)

بدوى أفندى : (لعم موسى) عدم المؤاخذه فى التأخير ياعم موسى
عم موسى : عفوا . عفوا يا أخى .

بدوى أفندى : (لام خليل) الحمد لله يا ست أم خليل . على
فكره العرايظ حاتكون جاهزة على الضهر ان
شاء الله .

(يسمع صوت بائع الصحف ينادى قبل أن يذف
الى الحارة) .

بائع الصحف : الاهرام ، والمصرى . اقرا حوادث ميدان
الاسماعيلية . الاهرام . والمصرى . أهرامك
يا بدوى أفندى .

(بدوى أفندى يتناول الجريدة ويتجه مرحبا بعم
موسى) .

أم خليل : (وهى تغامر التافذة) روح ربنا يقويك على كل
من يعاديك .

(بدوى أفندى يكتفى بشكرها بحركة من يده .
ويصل الى مكان جلوس عم موسى) .

بدوى أفندى : أهلا نورت حارتنا .
عم موسى : نور الله قدرك ومقدارك .

بدوى أفندى : يا أخويا ايه الملائظ الجميلة دى . انت لابد كنت
فى الأزهر .

عم موسى : (بعد تردد) تقريبا .
بدوى أفندى : تقريبا ! ده باين قوى . تعالى يا سيد شوف عم

موسى يشرب ايه ؟
عم موسى : اشكرك كثيرا . شربت .

بدوى أفندى : واللله لازم تشرب حاجة . علشان ببقى شاربين
النعمة مع بعض ده حتى يبقى فال كويس .

عم موسى : يبقى قرفة لاجل اليمين .
وعندك قرفة مع شاي بالحليب والبقسماط لبدوى
سعيد أفندى .

عم موسى : الفاتحة يا أخ ان الله يعمر بيننا . ويفتح قلوبنا
لبعضها . و .. ويخط خرة في طريقنا . انه
على كل شيء قدير .
(يندمج الاثنان وايديهما متشابكة في تلاوة فاتحة
الكتاب .. سيد يقترب من بدوى أفندى قائلا) :
سيد : معاك سجائر ؟

(بدوى أفندى يسلم السجائر لسيد وهو مستهزئ
في قراءة الفاتحة . سيد يتوجه الى محل بائع
السجائر) .

صوت بائع السجائر : الا قل لى يا سيد . ايه اللى حصل ليلة
امبارح ؟
سيد : انت ما كنتش هنا والا ايه ؟

صوت بائع السجائر : (يدها تظهر ان فقط وهى تعد السجائر) لا .
أصلى كنت .. دول ستاشر لسيجارة يا سيد ..
مخلوط .

صوت بائع السجائر : ما تقول لى يا سيد . حصل ايه ؟ أصلى
كنت غفلان شوية .

سيد : يا نهار زى بعضه . يقى يا راجل ما حسييتش
بالزيطه والرقع والضرب ا ده البوليس نزل قبض
على عمال المصنع والمعلم .

صوت بائع السجائر : يا خبر أغبر . عمال المصنع ! دول زيلينى .
زيلينى ..

سيد : (وهو يغادر المحل) زيلينك ! طيب نام بقى
وشخر ودخن مع الملايكة وبيع لهم سجائر عقبال
ما يفرجوا عنهم .

بدوى أفندى : (وهو يتناول من سيد ثمن السجائر) سيد ده
أحسن من أخ يا عم موسى . راجل من ضمن
راجل . بش عنده شوية أفكار كانت حا تودينا
سكة اللى يروح ما يرجع . نهايته .

عم موسى : اتعم واكرم يا أخ سيد .

سيد : الاله يحفظك . ربنا يوفق ويعمر بيناتكو ويفتح
السكة في وشكم دايما ان شاء الله

بدوى أفندى : عم موسى ده راجل طيب . وفنى في شغله .
مرتب على الآخر . بذمتك ياسيد أنا موش كنت
باطلب دايما من الله انه يرزقنى بشريك ابن
حلال نشتغل باخلاص مع بعض . والواحد منا
يربح اخوه .

سيد : الحمد لله . اهو استجاب .
عم موسى : الحمد لله ! وهو خير ربنا كثير قوى .
بدوى أفندى : الف حمد وشكر ، حق يا سيد لو كنت سمعت
كلامك واشتغلت مع الرئيس حنفى .. يا رب
استرها ..

سيد : الا من حق . عملت ايه بريطة الرئيس حنفى
الى جبتها لك ؟

بدوى أفندى : فكرتنى . ريطة ايه ؟ دى شوية منشورات من
اللى كنت كتبها للنقابة فى الاسبوع اللى قبل
اللى فات فاكرك ! لما ما عجبتهمش كتابة ناشد
أفندى وقالوا عنها دى بتنوم اللى يقرأها ..
وعاملة زى طلبات الاسترحام .

سيد : هيه !
بدوى أفندى : وأنا مالى ومال المنشورات يا عم . اسمع أنا
حا اطلع أجيبها لك فى جرنال وتوديتها للرئيس
حنفى أحسن تجيب لى مصيبة وانت عارف ان
الشاويش عفيفى عارفنى . (ينهض جالسا عم
موسى) .

بدوى أفندى : تعال معايا يا عم موسى اتفرج على الاوضة .
ومادام ما عندكش سكن اليومين دول أسكن
معايا . ما احنا خلاص شركة . والشركة
شركة فى كل حاجة . الاصول كده .

(بدوى أفندى وعم موسى يختفيان داخل البيت
ويظهر فى نفس الوقت المعلم شهده ضاريا كفا
بكف) .

- المسلم شهده** : أما راجل عجوز وخفيف صحيح . الله . واد
يا سيد . وذن الحكومة راح فين ؟ .
- سيد** : وذن الحكومة ! وذن الحكومة مين يامعلم ؟
- المعلم شهده** : وذن الحكومة ياواد . اللي كان قاعد هننا
متقنعر يبخلق يمين وشمال وخوف ناشد أفندي
وجاب له صداغ وخلاه يهج من القهوة .
- (سيد لا يحير جوابا)** :
- المعلم شهده** : أما أنك واد عديم المفهومية والحداقة صحيح .
يا واد وذن الحكومة ! البوليس السرى ابوشعر
أحمر اللي كان قاعد الناحية دى، يا واد .
- سيد** : أبو شعر أحمر ! (يضحك) آه .. لفهوميتهك
يا معلم . ده ولا وذن ولا رجل ولا عين . ده
عم موسى شريك بدوى أفندي .
- المعلم شهده** : شريكه ! شريكه فى آيه ؟
سيد : شريكه فى التجارة .
- المعلم شهده** : والله عال . حضرته بقاله شريك ! والله كبير
الفار الاجرب وبقاله شريك وشركه .
- سيد** : آمال ! ده ربنا فاتحه عليه قوى اليومين دول .
- المعلم شهده** : طيب ياأخى ما يفارقنا هو وشريكه . سبحانك
يارب . حكمتك . تعطى الحلق للى بلا ودان .
انجر هات لى شيشه . (يشرع سيد فى التحرك
فيمستوقفه المعلم شهده) .
- المعلم شهده** : (بصوت خفيض) اسمع يا واد . قرب على ..
قرب كبان . أم خليل صحيت والا لسه ؟
- سيد** : صحيت وصبحت على بدوى أفندي .
- المعلم شهده** : طيب وبتاع القوطه فات ؟
- سيد** : لا يا معلم . يلزمك قوطه ارواح اشتريها لك ؟
- المعلم شهده** : لا . أنا عايز أشتري من الراجل بتاع امبارح .
قوطله كبيرة ورخصه . ده قابلنى دلوقت وقال لى
جاي . روح شوف شغلك وهات لى الشيشه .
(لنفسه) صبحت عليه ! سيدى يا سيدى ..

آدم ربنا اداه ما يفارقنا ويسبب سكانا في امانة
الله . هو الواحد حايلاقيها منين والا منين .
بدوى افندى من ناحية . والبوليس من ناحية .
والضرايب من ناحية . وحماتي من .. من كل
ناحية . بقى دى ميشة .. ؟

(يسمع صوت بائع الطماطم يقترب شيئا فشيئا
ثم يدخل الى الحارة .. يتلفت الى المعلم شهده
يتبادلان غمزات تأكيدا لاتفاق سابق ، والمعلم
شهده بشير الى ناغزة ام خليل) :

بائع الطماطم

: يا قوطه ياللى حمارك يكسف حب الرمان .

ياست ياللى خدنى القوطه امبارح . ياست

: (هامسا الى بائع الطماطم) ست ام خليل .

: يا ست ام خليل . ياست ام خليل .

المعلم شهده

بائع الطماطم

(مسيد يحمل الشيشة الى المعلم . يتوجه

بالحديث الى بائع الطماطم وهو يضع الشيشة

امام المعلم) .

مسيد

: مالك يا راجل عمال تزعق من الصبح .

: (ناهرا) ماتسييه يا اخى يشوف رزقه . خليك

في شفاك انت .

المعلم شهده

(تبدو احدى سيدات الحى على عتبة دارها)

: يا عم يا بتاع القوطه . تعالى .

(يتوجه اليها بائع الطماطم وتبدأ بينهما مساومة

غير مسبوقة . سيد منهما في وضع جمرات

الفاير على فوهة شيشة المعلم شهده) .

السيدة

: الايزاد حالته ايه النهارده ؟

: نص نص يا معلم . ما فيش عمال خالص عقوا

يم القهوة .

المعلم شهده

مسيد

: البركة في بوليس الحكومة يا سيدى . تصدق

بالله الحكومة دى عاملة زى ما تكون هنا .

: حيا !

المعلم شهده

مسيد

: حيا .. انصور بقى ان الشعب ده كله راجل

انصور كده يعنى ، ومتجوز .

المعلم شهده

مسيد
المعلم شهده
: متجوز ! متجوز مين ؟
: يا بنى آدم بأقول لك أتصور . بلاش دى ..
أتصور أن الشعب كلته كان اتنين .. اتنين فقط
لا غير . راجل سبع كبير وغندوره حليوه
ومتقططه . متجوزين بعض . تعرف الحكومة
تبقى ايه ؟

مسيد
المعلم شهده
: أيه ؟
: حماته . حماة الراجل . أم حرمته . بوليس
الاقسام هو لسانها الكرابيجى البوليس السرى
هو مقالها وعكنة حياة الخلق . والضرايب
شفاطة الجيوب . والرخص ومفتش الصحة
والبلدية دى الحكومة حماه بصحيح .

مسيد
المعلم شهده
: طبيب والانجليز يا معلم ؟
: الانجليز (بعد تفكير) دول ييقوا .. تعرف دول
ييقوا ايه ؟ حموات الحكومة نفسها . باستار
أسترها ! قوم شوف شغلك قوم بلاش تهلويس
(محرضا) يا واد يا بتاع القوطية . الله !
ويعدين ..

بائع الطماطم
أم خليل
: (مستأنفا) يا ست يالى خدنى القوطه امبارح .
يا ست يا أم .. يا ست يا أم خليل ..
: (من داخل النافذة) مين . مسين اللى بينده
(تظهر فى النافذة) مالك ياراجل عمال تصرخ
على الصبح . هو الشرا بالزور .

بائع الطماطم
أم خليل
بائع الطماطم
أم خليل
: هو حد قال لك اشترى . الحطة بخمسة اللى
اديتها لى امبارح ..
: مالها يا ادلعدى ؟
: موش ماشيه
: ماشيه ولا مكسده . أنا مالى ! روح قول
للحكومة . أهى غلوسها . على وشها صورة
الملك . موش صورتنى يا ادلعدى . اهو قصره
قدامك اهو . اتجدعز كده وروح قول له .

بائع الطماطم : دى موش بتاعة الحكومة . دى برانى . مزيفة .
أم خليل : مزيفة ! لم لسانك يا بتاع القوطه يا مفعص ..

بائع الطماطم : مزيفة ايه يالى مزيفينك على الرجاله راجل .
الم لسانى ازاي . عايزه تلهى القوطه اونطه .
بفلوس مزيفة ..

أم خليل : اسمع يا راجل يا مفعوص يا منحوس . يا للى
العشرة منك بقرش . انا صحيح واحده سنت .
لكن نمتى احسن من ميت راجل .

(بدوى افندى وعم موسى يظهران على عتبة
المنزل في طريقهما الى المقهى) .

بدوى افندى : يا خالق الكون ايه اللى حصل . مالك يا أم خليل؟
أم خليل : (وهى تتصنع الضعف والبكاء) الحتنى يا سنى

بدوى افندى : الراجل بتاع القوطه نازل فى سبب
من الصبح (يصدر عنها نسيج) هو اكمنى وليه
ماليش حد استفد عليه . ماليش راجل يدافع
عنى ..

المعلم شهده : (ناهضاً) مالكىش راجل ازاي يا أم خليل .
جرى لك ايه يا واد يا بتاع القوطه . هو احنا
موش مالىين عينك والا ايه ؟

بائع الطماطم : (بلهجة المعاتب) الله .. الله .. يا معلم .
بدوى افندى : الله لما ياخذ أجلك . معلم ايه وبتاع ايه ا غارة
ايه دى اللى أنت عامله على الصبح ؟

المعلم شهده : (غاضباً) معلم ايه يا سى بدوى ! المعلم شهده
معلمك وصاحب البيت اللى متاويك كل ليلة .
بدل ما ياخدوك تحرى . ما انتاش قد المعلم
يا سى بدوى .

(عم موسى وسيد يتدخلان للتهدة) .
بدوى افندى : اما عجائب والله على دى الخلق . هى المسالة
خناقة لله . هو حد كلمه يا جدعان . حد طلب
منه حاجة . ؟

(بائع الطماطم يسارع الى جر عريقته هاربا من الحارة) .

بائع الطماطم : وأنا كان مالى ومال الشورة المهيبه دى (بصوت

خفيض للمعلم) ما قلت لك يا معلم بلاش .
أم خليل : روق دمك يا سى . بوى أفندى . سييب اللى يهاتى
بعض فى لسائه .

المعلم شهده : كده برضه يا ست أم خليل . بقى دى جزاة اللى
يحامى لك .

أم خليل : (ضاحكة فى سخرية وهى تختفى من النافذة)
يحامى لى !

(عم موسى يجذب بدوى أفندى الى داخل
المقهى .. حماة المعلم شهده تظهر خلال تلك
الحديث) .

حماة المعلم : تحامى لمن يا معلم يا عايق على الصبح . قاعد
تحامى لنسوان العالم وسايب مراتك مقهورة
طول الليل . وابنك سمبكسه مجبر ما عارف
يتحرك يا كبدى !

المعلم شهده : (محاولا اسكاتها) يا واية قولى يا فتاح يا عليم .
قولى يا صباح النور . هو انت لساتك ما يغلطش
بكلمة خير أبدا !

حماة المعلم : وتيجى كلمة الخير مزين . وانت حابس الخير
عن بنتى هو امبارح كان ايه فى الايام لا موش
ليلة السبت ! والا انا كمان غلطانه فى حساب
الايام ؟!

(المعلم شهده يجز حماته مرتبكا خارج الحارة) .
المعلم شهده : يا وليه استمهلنى شوية . أيوة ليلة السبت .
تعرفى ايه اللى حصل بقى فى ليلة السبت دى .
ليلة سودة . البوليس ...

(المعلم شهده ودماته يختفيان تماما من الحارة
وينقطع صوتهما تدريجيا فى حين يرتفع صوت
بدوى أفندى) .

- بدوى أفندى : باه ده بنى آدم ! ده بنى عزرائيل . أعوذ بالله .
عم موسى : أتركه . أتركه لله .
بدوى أفندى : منه لله ابو سبحة فالصو ودقن غيره .. منه لله . أهو كل يوم نكد من الصنف ده . ياخر الواحد عن شغله . تتصور انه شال البرميل وملاه رمل . الله ! هى الساعة بقت كام . الساعة كام يا سيد ؟
(سيد يشير اليه باصابعه دلالة على ان الساعة قد بلغت الحادية عشرة) .
بدوى أفندى : يا خالق الكون . حذاشر ! اتأخرنا يا موسى . يالله نشوف شغلنا (يفرد أمامه جانباً من الجريدة) بقى حضرته معلمى . معلمى أنا !
عم موسى : يابدوى أفندى لا تعكر دمك . هيا .. هيا بنا على الحاتوتى .
بدوى أفندى : الحاتوتى !
عم موسى : أى نعم . الحاج عمر الحاتوتى . على بعد فركت كعب من هنا .. حاتوتى درجة أولى وحياتك . انت بتعمل مع أى حاتوتى ؟
بدوى أفندى : ولا حاتوتى .
عم موسى : ولا حاتوتى ! امال كيف تتعرف على زباينك ؟
بدوى أفندى : من الجرنال .
عم موسى : (دهشاً) من الجرنال ! والله فكرة . وعلى هذا توفر ممولة الحاتوتى . ياسلام . لكن ياخسارة .
بدوى أفندى : خسارة ايه قى ؟
عم موسى : (بعد تردد واستحياء) حاكم أنا . لاتؤاخنى . لا أعرف القراءة .
بدوى أفندى : (صارخاً) لا تعرف القراءة ! يا خالق الكون . يا راجل قل كلام غير كده . دا انت لسلاتك ولا لسان شيخ الجامع . نحوى وفصيح على الآخر .
عم موسى : اصل الحكاية كلها انى اشتغلت صبى مآذون سبع سنين . قبل ما رينا يهدينى لهذه الشغلة

والمأذون ما كان يتكلم طول السبع سنين إلا
بالنحوى . لسأتى لقط من لسانه .

(بدوى أفندى يصمت تماما من وقع المفاجأة .
يتبادل وعم موسى نظرات صامتة ثم فجأة انفجران
بالضحك - يسمع شخير بائع السجائر .
التساوئش عفيفى يدخل الى الحارة ويقف بجانب
دكان بائع السجائر يراقب بدوى أفندى دون أن
يراه هذا الأخير . بدوى أفندى وعم موسى
منهمكان فى حديث غير مسموع) .

التساوئش عفيفى: يا اخينا . ياسيدنا . ماتصحى امال (الشخير
ينقطع) ادمنى علبة سجائر معدن ممتاز .

عم موسى : (مستكملا حديثه) وهو كذلك . هذه أحسن
فكرة . أنا اروح للحائوتى وانت تنقى لك زيون
من الجوزنال . وبعد ذلك نبقى نرتب الامور
كلها (ينهض) السلام عليكم . على فكرة اذا كنت
تعبان اليوم خذ اجازة وأنا اعرف اسد .

بدوى أفندى : اجازة ايه يا موسى . بقى نستفتح الشركة
باجازة .
عم موسى : أنت وكيفك . السلام عليكم .

(عم موسى يغادر المقهى والحارة . بدوى
أفندى يعهد الى تصفح الجريدة وهو يحدث
نفسه) .

بدوى أفندى : اهى ده آخر حاجة كان الواحد يتصورها (مقلدا
عم موسى) لا اعرف القراءة . (يتوقف قليلا
وهو يهمهم قارئاً) يا خراب بيتك يا معلم شهده .
دى خلاص البلدية مائشيه جد فى هدم البيوت
لاجل السراية (هنيهة) ما يهدوا اللى يهدوه .
واحنا مالنا .. نبقى ندور على اوضه تانية ..
هيه .. ياترى زباين النهارده شكلهم ايه ؟ .
(بدوى أفندى يرفع بصره عن الجريدة فيفاجئ
بالتساوئش عفيفى امامه) .



بدوى أفندى : الله .. الله الشاويش عفيفى . أهلا أهلا ..
بعينا الكبير .

الشاويش عفيفى: ومالك مضطرب كده قدام عمك الكبير (يجلس)
هو حد يضطرب قدام عمه الكبير إلا إذا كان
هابل عاملة ..

بدوى أفندى : عمله ! عملة آيه يا شاويش عفيفى ؟
الشاويش عفيفى: عملة آيه ! والله ما كان العشم يابدوى أفندى .
تخون أخوك عفيف وتقتصر رقبتك أمام رؤسائه
دى رقبتى من البهدلة بقت قد السمسمه .
بدوى أفندى : آيه كلام الالغاز ده يا شاويش عفيفى ؟
(لحظة صمت) .

الشاويش عفيفى: يا حدق ! (لسيد) هات واحد قهوة يا ابنى
نعدل به الدماغ . بقى الرأس أكبر رأس مطلوبة
تبقى قدامى . بتكلمنى . تحت أيدى . ونهر بها
منى . ماكانش العشم والله يابدوى أفندى أنك
تحرم أولادى من خمسة جنيه . وتحرمنى أنا
صديقك . أخوك .. من ترقية وعلاوة ..

بدوى أفندى : أنا ؟ ..

(لحظة صمت)

الشاويش عفيفى: لا والله . حدق ! هو برضه لسه معلم والا
ريس .. ؟

بدوى أفندى : هو مين ؟

(يسمع شخير بائع السجائر)

الشاويش عفيفى: حنفى ! المعلم حنفى ! السريس حنفى ! ريس
النقابة يا حدق . يا قول لك أنت حدق . لهوجت
الكلام امبارح ووزعتنى وهربت . هربت بقى على
مين ؟ دلوقت تقول لى ما أعرفش . ما تخونش
عمك الكبير مرة ثانية يا بدوى .

بدوى أفندى : م .. م .. فعلا ما أعرفش .
(سيد يحضر القهوة الى الشاويش عفيفى

ويقف من بعيد مراقبا مجرى الحديث الذى بينه وبين بدوى أفندى) .

الشاويش عفيفى: لا .. حديق ! بقى ما تعرفش ؟ مسيرها برضه .
تتكشف وتبان .

بدوى أفندى : اسمع يا شاويش عفيفى . أنا ماليش دعوة بالحاجات دى كلها . أنا راجل غلبان وفى حالى وباجرى ورا لقمة العيش .. هه .. السلام عليكم ..

(بدوى أفندى ينهض قائما فى عجلة وارتيباك . يتناول الجريدة من فوق المنضدة بسرعة فتتساقط منها المنشورات الى الأرض فيسارع الشاويش عفيفى الى تلقتها وتصفحها) .

الشاويش عفيفى: يا نهارك الاغبر . منشورات ! لا والله غلبان صحيح وفى حالك .. منشورات .. والله وقعت يا بدوى أفندى وعوضت لى الراس الى هربتها منى .. وكمان بتوزع منشورات النقابة (يمسك بخناق بدوى أفندى) والله وقعتك بتحز فى قلب عمك الكبير . لكن أعمل آيه . أنت اللى بسدات الفدر . وقعت متلبس زى تجار الحشيش تمام . (تموج المقهى بالحركة الصاخبة . بدوى أفندى يضطرب لدرجة كبيرة . المعلم شهده يدخل المقهى فى الوقت الذى يتلفظ فيه الشاويش عفيفى بعبارة « تجار الحشيش ») .

المعلم شهده : (صارخا) حشيش ! بقى حضرته طلع بيتاجر فى الحشيش . (أم خليل تطل من النافذة تستجلى الخبر) .

أم خليل : كفى الله الشر ! آيه الحكاية ؟

المعلم شهده : (فى هدوء متصنع) ولا حاجة .. بدوى أفندى طلع تاجر حشيش .

الشاويش عفيفى: أسخم من الحشيش ..
أم خليل : حشيش !

(أم خليل تولول صارخة وتغادر منزلها الى الحارة حيث بدوى أفندى) .

أم خليل : يا مصيتى .. يادهوتى .. حشيش ..! أهو ده اللى كان ناقص .

سيد : حشيش ايه يا أم خليل .. دى منشورات النقابة ..

احدروادالمقهى : (يزند لا شعوريا) حشيش فى منشورات .

المعلم شهده : انت فين يا ناشد أفندى . كنت عمال بتسالنى على تجارة بدوى أفندى .. أهو .. بدوى أفندى طلع تاجر حشيش .

أم خليل : (صارخة فى المعلم شهده) حشيش يحشوا به لسانك تلايقك انت اللى مبلغ عنه .

المعلم شهده : الله يسامحك . تصدقى بالله . انت صعبانه على ..

أم خليل : ولا يكون عندك فكر ياسى بدوى أفندى . والله لاجر لك اكبر بريند فى الابوكاتية بجرى عليك . (الشاويش عفيفى يقود بدوى أفندى الى خارج الحارة) .

بدوى أفندى : فكرتبنى (يبحث فى جيوبه ثم يخرج كارتا) خدى الكارت ده .. صاحبه أبو كاتو .. الاستاذ سليم بكر المحامى .. قابلنى امبارح فى ميتم العمدة .. روحى له . اوعى تنسى . العنوان مكتوب على الكارت يا أم خليل . (الشاويش عفيفى وبدوى أفندى يختفيان عن المسرح وخلفهما سيد وأم خليل تولول . الضجة تملأ الحارة والمقهى .. المعلم شهده منبسط الاسارير . بائع السجائر يمد ذراعيه سائلا المارة بصوت متئائب . وكلمة حشيش تتداول بين اهل الحارة) .

صوتبائعالسجائر: حشيش .. حشيش ايه اللى مسكوه .

أحدروا إلى المقهى : حشيش منشورات .
صوت بائع السجائر : (بدهشة) منشورات ! غريبة ! عمرى ما سمعت
على الماركة دى ..

(سكتار)

المشهد الثانى

الزمان — بعد خمسة عشر يوما . قبل الظهر .

المكان — نفس المكان السابق .

(أم خليل تطل من نافذة بيتها)
: (تحدث نفسها) يا أخواتى الواحد ما بقاش
طابق هدمه خلاص . خمستاشر يرم وأنت غايب
من نن عيني يا سى بدوى أفندى . خمستاشر
يوم .. هو سيد راح فین بس ؟
(سيد يدخل لا هنا إلى المقهى) .

أم خليل
سيد
: سيد ! كنت فین من الصبح ؟
: كنت باثووف نأشد أفندى ما بجيش القهوة ليه .
المعلم عاوره بقاله يومين . طلع روحى (مقلدا
صوت نأشد أفندى) عايزنى ليه ؟ القهوة فيها
ودان ؟ حصل كبسه جديدة ؟

أم خليل
سيد
: قطيعه تقطع المعلم ونأشد أفندى فى ساعة
واحدة . فيه أخبار يا سيد عن الحكم ؟
: لسه . أهو أحنأ مستنظرين . ان شاء الله

خير . المعلم راح المحكمة مع عمال النقابة .
 ماهو لما قبضوا على الرئيس حنفى خطوه مع
 بدوى افندى فى قضية واحدة . عم موسى هناك
 كمان . تعرفى وانا جاى قابلت مين ؟ .. العمال !
 واخذين الزيكه معاهم . حالفين ليزفوا الرئيس
 وزمايلهم لو طلوعوا افراج .
 : على الله يا سيد ياما نفسى كده الزيكه تدق
 فرايحى النهارده . ربك قادر يفرج كربة كل
 مظلوم (وهى تختفى من النافذة) يا رب عدلها
 بقى .

ام خليل

(سيد يستحضر سلما ويضعه امام المقهى .
 عم موسى يظهر وقد اثقل التعب حركات سيره .
 يجلس على مقعد بالمقهى يتحسس قدميه
 برفق) .

(هاتفنا من فوق درجة السلم الاولى)
 عم موسى ! خير ان شاء الله (يهبط الى الارض)
 : خير . خير . بس الحقنى بكوب ماء سأتع .
 احسن ريقى نشف (سيد يسرع باحضار كوب
 ماء) .

سيد

عم موسى

: الكالو تابعنى جدا يا سيد . زيون امبارح مشيت
 وراه ولا عشرين كيلو . يظهر انه كان غاوى فسح
 الله يرحمه ومشوار النهارده بتاع بدوى افندى
 جاء واكمل . اما حقة دين كالو .

عم موسى

: كالو ايه يا عم موسى ! الحكم .. الحكم ؟
 : ماهو صدر .. الحكم صير .

سيد

عم موسى

سيد

عم موسى

سيد

عم موسى

سيد

عم موسى

: بالافراج .
 : عن بدوى افندى ؟
 : من بدوى افندى . انما الكالو ...
 : (مقاطعا) والرئيس حنفى .
 : والرئيس حنفى . وكل المقبوض عليهم .

: (مهلاً وغير ملق بالآلى طلبات رواد المقهى)
طبيب ومستشفى ايه من الصبح يا عم موسى ؟ ياست
أم خليل .. يا سب أم خليل (أم خليل تطل من
النافذة) .

سيد

: جرى ايه يا سيد . خير ان شاء الله .
الحكم يا ست أم خليل . الحكم . افرجوا عن
بدوى افندى .

أم خليل
سيد

: خرجوه ؟

أم خليل

(أم خليل تطلق الزغاريد . وتختفى من النافذة)

: ايوه خرجوه . يا نهار زى بعضه يا اولاد .
خرجوهم !

سيد

: خرجوهم ايه يا سيد . هو حد لاقيهم .
حد لاقيهم ! ده افراج . زماهم جايين وبالمزيكه
كان .

عم موسى
سيد

: هم مين دول ؟
سبحان الله . جرى لك ايه يا عم موسى بدوى
افندى والرئيس حنفى وكل الجدعان .. موش
يتقول افراج .

عم موسى
سيد

: انت راجل طيب قوى . وعلى نيائك يا سيد .
هو لاجل الحكم صدر بالافراج يبقى خلاص .
اهو الحكم صدر من هنا وهم اختفوا من هنا .
فصوص ملح ودابت .

عم موسى

: اختفوا ! كلام ايه ده يا عم موسى .

سيد

: حلمك على . يا سيدى عساكر السجن دخلوا
بيهم المحكمة . شوية وجاء القاضى . شاب شهم
وبشنب مربع شرب القهوة فى غرفة المدولة .
وبعد قليل فتح الجلسة قضية بدوى افندى
والرئيس حنفى كانت نمرة تسعة . تصور ان رول
المحكمة كان نيا واحد وعشرين قضية . كل قضية
فيها تسع .. عشر متهمين بالقليل . كلهم شباب
يا سيد . الواحد منهم بالف راجل !

عم موسى

- سيد
عم موسى : (مقاطعا) هيه .. الهم يا عم موسى . هيه ..
- سيد : القاضي بعد السؤال ومراقبة الاستاذ سليم نطق بالحكم .
- سيد : (مقاطعا بعصبية) هيه . عملوا ايه بيهم بعد الحكم ؟
- عم موسى : خدوهم العساكر . على فنين يا جماعة ؟ على النيابة . حصلونا على النيابة . حاضر . رحنا النيابة . النيابة قالت لنا روحوا القسم . رحنا القسم . القسم قال لنا روحوا المحافظة . المحافظة قالت روحوا السجن . رحنا السجن السجن قال ...
- سيد : (مقاطعا) يا نهار زى بعضه . وبعدين ؟
- عم موسى : ولا قبلين . وعنها ورقعنا شوية مشاوير تيجي بتاع خمس ست جنازات والله يا سيد . والكالو اخذ ينقح على رجلى . تعبت . خدت بعضى وجئت على هنا يمكن .. (هنيهة) . تعرف ياسيد لو بدوى افندى يخرج النهارده ؟
- سيد : يخرج ! .. طبعا يخرج .
- عم موسى : يا سلام ! ده احنا كنا نشغل الليلة مع زيون سقع صحيح . باشا . باشا رسمى يا سيد . تعرف ! بالبيت نصفى احنا الاثنين على خمسة جنيهات حنة واحدة .
- سيد : حاجه غريبة . يكونوش قبضوا عليهم تانى .. ؟ !
- ام خليل : (ام خليل تهبط الى الحارة فى أبهى زينتها . ترتدى الملاءة السوداء وتطلق الزغاريد) .
- سيد : يا لله يا سيد نروح نجيب بدوى افندى . احنا فى ديك النهار .
- سيد : (متلعثما) آه يالله . يالله بس ..
- ام خليل : مالك يا سيد . بتبسبس ليه ؟
- سيد : بس . تصدى . ماتقول لها يا عم موسى اصل الحكاية يا ست ام خليل ان الحكيم صدر
- عم موسى : سيد

معللا بالانفراج . لكن التنفيذ بصراحة لم يتم
لان ...

: (مقاطعة) لم يتم ! يطلع ايه النبى حارسه ده
الى لم يتم .

ام خليل

: عم موسى قصده يعنى ان بدوى افندى والجدةعان

سيد

تاهوا . تاهوا بين البوليس والنيابة والمحكمة و..

: تاهوا ! ياندامتى ! دول رجاله . كل راجل له

ام خليل

اسم وجسم . يتوهوا ازاي ؟! يا ترى توهوك
مين يا سى بدوى افندى .

(ام خليل تصرخ مولولة فتثير انتباه عم موسى .
يحاول تهدئتها) .

: جرى لك ايه يا سيد . من الذى قال انهم
تاهوا ؟ يا ست ام خليل اطمئنى لا تاهوا ولا
حاجة .

عم موسى

: امال ايه بقى ؟

سيد

: اصل الحكاية وما فيها ان الانفراج مشروط
بكفالة . ندفع الكفالة يخرج بدوى افندى على
طول . هو دلوقت فى السجن . وانا جيت هنا
علشان نشوف نقدر ندفع والا ...

عم موسى

: (مقاطعة) وتطلع كام الكفالة دى ؟

ام خليل

: عشرة جنيه !

عم موسى

: عشرة جنيه !

ام خليل

: ورقة بمادنه !

سيد

: آه ياتى . لو كانوا ستة جنيه . كنت جريت
دفعتهم على طول . هم الى حيلتى وديلتى فى
الدنيا .

ام خليل

: طيب عال . فرجت . معك ستة جنيه . وانا

عم موسى

معى لبدوى افندى تلاته جنيه وستين قرش

نصيبه فى . فى الشركة . حاله عن الخمستاشر

يوم الى غابهم واشتغلت فيهم وحدى . النصف .

النصف تمام . الحق كده .

- أم خليل : والنبي شرك الحق طول عمرك يا عم موسى .
يبتقوا كام ؟ تسعة . . تسعة جنيه وستين قرش .
فاضل يا سيدى . .
- سيد : (مقاطعا) ولا فاضل ولا حاجة . أدى الكماله .
أربعين قرش أهيه .
- أم خليل : ابن أصل يا سيد . هات . ويالله بينا نشترى
سى بدوى أفندى بالششرة جنيهه العمى . فداه
الكفالة . وأم الكفالة وأبو إلى خلفوا أم الكفالة
(تغرد فرحة) .
- سيد : مابلش هيصة أمال . ويالله بقى إنت ومم موسى
على السجن . يادوب تلحقوا تدفعوا الكفالة .
أحسن موسى قادر أسيب القهوة .
- عم موسى : (وهو ينهض متناقلا) الكالو . .
أم خليل : كاروا ! لا وحياءة إلى سوانى وليه . ما يخطى
الحنة إلا فى عربية حنطور . كاروا ! كاروا ايه
يا عم موسى . ده تاجر قد الدنيا .
- (يسمع شخير بائع السجائر . عم موسى وأم
خليل يغادران الحارة . سيد يتسلق درجات
المسلم ويشرع فى نزع لافتة المقهى) .
- ناشد أفندى : (ناشد أفندى يفد إلى الحارة فى نفس الوقت) .
سيد . . يا سيد . الراجل بتاع السجائر لسه
برضه بيشفخ : ايه الحكاية ؟ مالك متشعلق
كده ؟ أمال مين المعلم ؟ هو لسه مارجعش من
الغدا والا ايه ؟
- سيد : (من فوق المسلم) لا . المعلم خطف رجله فى
مأمورية وجاى حالا . شهوة سكر شوية برضه ؟
- ناشد أفندى : لا . خليها ساده . أعمل ايه فى السكر . هد
جتنى هو وجمعية التناقلة بتوع المعاش . تصدق
بالرب يا سيد . .
- سيد : (مناديا) واحد سادة مستعجل مخصوص .
(سيد ينتهى من نزع اللافتة ويبدأ فى انزالها
ويتركها فى جانب من المقهى) .

ناشد أفندى : يا الطاف الرب انت منزل الياقطة ليه ؟ ماتقول
لى ايه الحكاية ؟

سيد : أوامر المعلم . باينه عايز يغير الاسم .
ناشد أفندى : يغير الاسم ؟ اسم القهوة . ومناسبتة ايه ؟
طيب ويخليه ايه بقى بائن الرب ؟

سيد : انا عارف . كنت سامعه مرة بيتقول قهوة العمال
ومرة تانية ...

ناشد أفندى : (مقاطعا) العمال ! بقى من الملوك للعمال
خبط لرق . . من الملوك للصناعية . تصدق
بالرب . المعلم بتاعك طلعت فى مخه تخاريق
ولا تخاريف سى صاحبك بدوى أفندى .

سيد : موش افرجوا : نه هو والرئيس حنفى بكفالة .
وكل الجماعة . دول صحيح طلعا جدمان تمام .
المعلم نفسه بيتقول كده .

ناشد أفندى : جدمان ! هو دخول السجن بيتقى جدمانه ؟ هيه .
ألهم . قل لى المعلم حاشرف امتى بائن الرب .
أحسن أنا ورايا التماس للوزير لازم أخلصه على
العصرية . هو من حق عايزنى ليه ؟

سيد : الله أعلم يا ناشد أفندى أهو زمانه جاى . ويقول
لك بنفسه . أصله راح مع عمال النقابة بجيبوا
الجدمان بالمزيكه .

ناشد أفندى : بالمزيكه ! الراجل ده جرى لعقله ايه ؟ هو موش
عارف انه بالاعمال دى بيتحدى حكومة صاحب
الجلالة هو يعنى فاكتر نفسه قد الحكومة .

سيد : حكومة صاحب الجلالة ! هى يعنى كانت حكومة
رينا . ماهى اللى بدت وهانت المعلم . الله الله
على الجد . بقى البوليس يجرجره مرتين . .
فى المرة الاولانية يطلعوه ساعتين وياخدوه
تعرى . وفى المرة الثانية يحبسوه يوم ونص من
غير ليها سبب .

ناشد أفندى : من غير ايها سبب ! موش ممكن : دى حاجات

رسمية . ميري . انت ما تعرفش الميري . لازم
يبقى لها سبب . أيها سبب .

: قال ايه فاتح القهوة قعدة للعمال ! والصول
يضره على قفاه قدام كل رجالة الحنة في حوش
القسم . وموش عايزه يتنفس يا ناشد أفندي .
أهو ماشى مع الرئيس حنفى والنقابة . هم اللى
بهدلوا الصول علشانه آخر بهدلة .. موش تقول
لى صاحب الجلالة .

ناشد أفندي : أقول لك أيه بس . انت والمعلم بتاعك . انتم

ماتعرفوش الحكومة دى زى أنا . دى قوية
قوى . ورأسها ناشفة قوى . اسألنى أنا .
خمس وأربعين سنة خدمة . السنة سنة .
تصدق بالرب . أنا لما كنت ريس قلم الارشيف ..
(يدخل عامل الى المقهى ويتجه الى سيد) .

: (باستفهام) الاسطى سيد ؟

: نعم . أى خدمة . مجسوبك سيد .
أنا من عند الخطاط . المعلم شهده فات علينا
علشان نجى ناخذ الياطة ونكتب عليها الاسم
الجديد .

: اتفضل آهى متلحة جنب الباب .. بالله يا عم
الفعا وخلصنا منها (العامل يرفع اللافتة) .

: ما تقعد شوية نجيب لك واحد شأى ..
ولا كازوزه ؟!

: تشكر يا أسطى سيد . لازم أروح بالياطة على
طول لحسن المعلم عايزها تخلص بسرعة .

: وعلى كده امتى حاجتنا الياطة الجديدة لحسن
القهوة من غير يافطة مالهش طعم ولا روح .

: باذن الله على المغرب .. سلام عليكم .
(العامل يرفع اللافتة تماما ويذهب بها) .

: مع السلامة .. بس اتوصوا بيها وخلوها كده
منورة وملعلة على الآخر ..

سيد

العمال

سيد

العمال

سيد

سيد

العمال

سيد

العمال

سيد

ناشد أفندي : (وهو يراقب نسيب وعلاجات الضيق بادية على وجهه) مملعة ! بكرة تطلع فوق دماغكم باذن الرب . هي الحنينا جرى لها ايه بس ! ! لسه ويا ما حاشوف .

(يسمع عزف موسيقى شرقية تصاحبه ضجة بشرية وزغاريد نسائية . تقترب الضجة شيئا فشيئا . ناشد أفندي ينصت متسمعا . بسيد يجرى الى احد منافذ الحارة مستظلا) .

سبيد : يا نهار زي بعضه ! المزيكة بتدق . أهم وصلوا . بدوى أفندي هناك ايه والرئيس حنفى الله . . الله . . المعلم بقاعنا قايد الزفة . الله . مالهم وقفوا . آه . العمال بتخبي .
(ناشد أفندي يتنها للكتابة) .

ناشد أفندي : هيه لعب عيال . اما نخلصي شغلنا (يقرأ من ورقة امامه قراءة غير واضحة ثم يشرع في الكتابة) وهذا هو الالتماس الحادى عشر . نرفعه اليكم بكل اجلال واحترام وخشوع يا معالى الوزير . (مستطردا) ياه ! أم خليل وشها نور . ونازلها

سبيد : زغاريد مسكين عم موسى . . التعب باين عليه قوى . التيت . التيت . . التيت (يرقص على أنغام الموسيقى التي تأخذ في الابتعاد شيئا فشيئا) الله ! هم رايعين على فين ؟ آه . ناحية المصنع . المعلم ماشى معاهم زي الابد . وأدى بدوى أفندي جاي مع عم موسى وأم خليل .

ناشد أفندي : (يستمر في الكتابة) ونحن نلتبس من معاليكم ان تظفروا بعين العطف والرحمة .

(بدوى أفندي يظهر في الحارة مع أم خليل وعم موسى) .

سبيد : بدوى أفندي !
سبيد : سيد . . أبو السبيد !
(سيد وبدوى أفندي يتعاقبان طويلا . عم موسى

يسرع بالجلوس على مقعد متحسسا قدمه في ألم واضح . ناشد أفندي يكف عن الكتابة . ويتطلع الى بدوى أفندي يسمع واضحا شخير بائع السجائر) .

بعض رواد المقهى : حمد الله على السلامة يا بدوى أفندي .
آخرون : مبروك .

بدوى أفندي : الله يبارك فيكم يا جدعان . ناشد أفندي !
سلامات . أراي الصحة ؟!

ناشد أفندي : (مأخوذاً لمبادرة بدوى أفندي بتحيته)
نحمد الرب . ا . . ازيك انت . باذن الرب تكون دي آخر مرة .

بدوى أفندي : آخر والا أول . السجن اليومين دول شرف .
والله سلامات يا أبو السيد . سلامات .
(بدوى أفندي وسيد يتعانقان مرة أخرى) .

ناشد أفندي : (متاففا بصوت خفيض) شرف ! السجن شرف !
(يعود للكتابة) .

(أم خليل تتطلع الى مداخل الحسرة بانتباه ثم تصرخ) .

أم خليل : الله . . بسم الله الرحمن الرحيم . موثس هو
ده الأستاذ سليم اللي جاي هناك ده ياسى بدوى
أفندي آه . . والنبي هو . أهلا وسهلا . .
(الأستاذ سليم يدخل الى الحارة) .

بدوى أفندي : كرسى للأستاذ يا سيد . اتفضل . اتفضل .
سيد : كرسى ! كراسى القهوة كلها . خطوة عزيزة
يا استاذنا .

(سيد يقدم كرسيا للأستاذ سليم)
الأستاذ سليم : هه . . مبسوطه بقى يا ست أم خليل . أهو بدوى
أفندي رجع تانى . ماكتيش مصدقة .

أم خليل : البركة فيك يا استاذ . رديت للحته نورها اللي
كان مطفى .
بدوى أفندي : أم خليل !!

ام خليل : اسبيكم بعافيه . احسن الشغل بعيد عنكم
متكوم على فوق .

اصوات : مع السلامه .
الاستاذ سليم : امال فين الرئيس حنفي ؟
بدوى افندى : وصل لغاية المصنع علشان يقول للعمال على
اجتماع الليلة . وجاى .

الاستاذ سليم : هيه .. واث استقرت وناوى زى ما قلت فى
السجن والا ...

بدوى افندى : (مقاطعا) الا ايه يا استاذ ؟ طبعا ناوى . فمرك
شفت واحد اعمى يفتح ويرجع يطلب العمى
تاتى ؟

الاستاذ سليم : يمكن نور كلويات الميامن يزغلل عينيك تاتى ..
ويمكن ...

بدوى افندى : (مقاطعا) يمكن ! شوف يا استاذ سليم .
الخمسة وتلاتين سنه اللي ضاعوا من عمرى
كوم . والخمستاشر يوم بتوع السجن ده كوم
تاتى .

عم موسى : يا سلام !
بدوى افندى : وحياد معزتك عندى زى ما بقول كده يا عم
موسى . طيب اقول لك حاجه . مثلا يعنى مثلا .
عمرك شفت واحد يدخل السجن ويخرج مبسوط
منه ؟ !

عم موسى : مافيش غير المجانين .
بدوى افندى : يبقى المجانين وانا . انا دخلت السجن نفسى
مسدودة من الدنيا واللى فيها . وخرجت من
السجن النوبه دى والدنيا .. اقول لك ايه بس
(هنيهة) الدنيا حلوه فى عينى وبتضحك فى وشى
كمان والناس . الناس كلهم بقوا بنى آمين .
شوف انا كنت باكره ابو سبحة فالصو وروبابكية
الدولة قد ايه ؟ صدقنى لما اقول لك السجن
واهل السجن وجدعان السجن بخروا الكره

من قلبی . ماعدش له اثر .. دول طلوعوا غلابه

زینا . ده لازم کان سحر موش سجن ، اللى عمل فيك

العمایل دی ..

یا خالق الكون یا سید ! احنا كنا عشرين .

عشرين زمیل . موش كده یا استاذ . عشرين

فی زنانه واحده . من كل مله وشفله . اللى

مسلم .. واللى مسیحی واللى .. واللى دكتور

واللى محامی واللى عامل واللى طالب . واللى

زى حالاتی لا شغله ولا مشغله .

:(محتجا) لا شغله ولا مشغله ازای ؟

:(لا ! العفو ؟ . تاجر . تاجر قد الدنيا زى ما أم

خلیل فاهمه . احنا حاضحك على بعض یا عم

موسى .

بدوى أفندی !

:(ماتخافش . الاستاذ سلیم مابقاش غریب . ده

خلاص عرف البیر وغطاه .. تعرف تجارتنا دی .

أقول لك ایه بس ؟ هى والسرقه واحد .

:(محتدا) سرقة ؟

:(بانفعال شديد) وحياء راسی وراسك سرقة ..

الحرامی من دول يهد ايده يسرق الخزنه ..

المحفظه .. الفسيل .. واحنا بنسرق قلوب

الناس وطبيعتها بدموع مزيفه .. زى الفلوس

الرصاص .. برانى ..

:(مأخوذاً) برانى ؟

:(طبعاً برانى .. الدموع الحقيقية یا موسى ،

صبرها ما تخرج من العين بس . دی بتنزل من

القلب . أنا .. أنا عن نفسى مش تاجر دموع .

أنا .. أنا حرامى .. كنت باسرق نفسى وعمرى

وعفنى و ... والناس الطيبين . أسكت ..

أسكت یا موسى . دی مش شغله . الشغل

سید

بدوى أفندی

عم موسى

بدوى أفندی

عم موسى

بدوى أفندی

عم موسى

بدوى أفندی

عم موسى

بدوى أفندی

عرق وانتاج . موش كده يا استاذ ؟ .. الشغل
حاجه تاتيه .

عم موسى : تانيه والا تالتة . احنا لقينا شغل تاتى
وبما اشتغلناش ؟

الاستاذ سليم : امسك ! اهي دى المسألة .

عم موسى : مسألة ! مسألة ايه يا استاذ . انا موش فاهم

حاجه ابدا من كلامكم . انتم زى اللي بيتكلمون
باللاوندى . تقول لى مسألة . مسألة ايه ؟

الاستاذ سليم : مسألة الشغل . لازم كل واحد منا . انا وانت

وبدوى أفندى وسيد وناشد أفندى وأم خليل .

وكل البنى آدمين اللي زينا يبقى لهم الحق فى

الشغل . الحق فى راحة الحق فى ...

بدوى أفندى : (مقاطعا فى جماس) فى جوازہ . الحق فى جوازہ .

الحق فى بيت . الحق فى قمعه على القهوه . الحق

فى شيشه .

ومن الذى يعطيك هاذہ الحق ؟

(بدوى أفندى لا تسعفه الاجابة فيضطرب .

يرسل نظرات نجدة الى الاستاذ سليم) .

الاستاذ سليم : الحق مالوش رجلين يجيلك لغاية الباب ،

يخبط . تقول له مين . يقول لك انا الحق .

تقوم تفتح له وتأخذه بالحضن . لا . الحق لازم

تأخذه اخذ .

عم موسى : اخذه ! اخذه ازاي ؟ أخطفه يعنى ؟ بقى هاذہ

كلام يا ناس . الدنيا قسم ونصيب يا استاذ .

والمكتوب للبنى آدم هو اللي يجرى له . فلان

ملك (يشير الى القصر) فلان غفير . فلان وزير .

فلان شحات . المعلم شهده صاحب قهوه . سيد

صبى قهوه . جناب حضرتك أبوكاتو . وانا وبدوى

أفندى على باب الكريم . ارادة الله . ملكه واحنا

عبيده يتصرف على هواه .

الاستاذ سليم : ودخله ايه فى الموضوع ده ؟

بدوى أفندى : أيوه صحيح . ربنا دخله آيه فى الموضوع ده !
عم موسى : استغفر الله فى قلبك . وباعدن معاك يا بدوى

أفندى . ربنا هو اللي كتب عليك الفقر والستر .
وكتب على غيرك الغنى يا أخى .

بدوى أفندى : يا خالق الكون . يا ناس ماتعدتوش حاجه من
دى ده كله تزوير فى تزوير . كله وحياتكم علشان
مانفتحش بقنا . علشان نفضل كده متربطين من
غير رباط . تعرفوا ليه ؟

عم موسى وسيد : (فى وقت واحد) ليه ؟

(بدوى أفندى يتبادل النظرات مع الاسناذ سليم
الذى يشجعه على مرأصلة الحديث) .

بدوى أفندى : أقول لكم ليه . الحكايه انه . لا . لابد أحكى لكم
من الاول . شوفوا . . الشعب فى كل بلد .

أيها بلد . هو صاحب كل شىء . نزل حاجه .
والحكومه زى ما تقولوا وكيله عنه . والوكيل

لازم يسمع كلام الإسيبل . فإذا لم يسمع . .
(تتراعى الى الاسماع جلبه المعلم شهده ثم

دخلوه مع بعض العمال . يضع صوت بدوى
أفندى فى الجلبه فلا يسمع) .

المعلم شهده : اتفضلوا . اتفضلوا . اعملوا قعده . اعملوها
وقفه . القهوة قبنونكم . ويا عوازل فلنلوا .

اتفضلوا . الرئيس حنفى جاي على طول . كراسي
هنا يا سيد (يلحظ ناشد أفندى) ناشد أفندى !

مرحب . تصدق بالله . انت نورت القهوة . كنت
مين يا راجل من زمان ؟

ناشد أفندى : (وهو يصفاح المعلم شهده) الدنيا ! الدنيا !
مشاغل وهموم .

المعلم شهده : كلك حكم يا ناشد أفندى . حقه الدنيا صحيح

لمشاغل وهموم . لكن الجدع بقى هو اللي
ما يظايطى لها . تصدق بالله . هات الشيشه

وقهوه لناشد أفندى يا سيد . . أنا اليوم ونص

اللى تعندتهم فى التخشييه ، الناس الاكابر كلها ؟
 الدكاتره والحامين والتلاميذ وعمال النقبه
 شالونى فوق راسهم شيل . ده كان فيهم واحد
 اسمه الدكتور . . الدكتور ميلاد . يا سلام
 يا ناشد افندى . شاب زى الورد . عليه شجونه
 سبع ودماغ يتوزن بالذهب الحر . ولسان
 منقوع بالسكر .

ناشد افندى : الدكتور ميلاد ! ابن مين ؟

المعلم شهده : انا عارف يا ناشد افندى . ابن ناس وبس .
 تصدق بالله عايز الحكومه تداوى وتعلم وتلاقى
 شغل لكل واحد . كبير وصغير . هات الشيئه .
 هات يا سيد . الله . . هى اليسافطه خدها
 الخطاط ؟ من حق يا ناشد افندى ايه رايت ؟
 طلع فى دماغى انى اغير اسم القهوه (المعلم
 شهده وناشد افندى يتاملان مكان اللافتة المنزوعة
 قليلا ويخفت صوتهما حتى لا يكاد يسمع .
 الاستاذ سليم ينهض للانصراف) .

الاستاذ سليم : (متطلعا الى ساعته) استاذن انا احسن ورايا
 ميعاد فى المكتب . على العموم يا بدوى افندى انا
 منتظركم فى الاجتماع .

بدوى افندى : (وسيد . وعم موسى . فى وقت واحد) مع
 السلامه .

بدوى افندى : الاستاذ سليم ده محامى يملأ الدماغ بصحيح .
 عليه لسان يكهرب الجلسه من اول كلمه .
 هيه . . احنا بنقول فى ايه ؟

سيد : فى كلام زمايل السجن . الدكتور ميلاد . .

بدوى افندى : آه فاساله ماهياش مخلوقه كده . ولا بد تفضل
 كده لا . لازم تدور على حقتك . لكن تدور عليه
 ازاي ؟

عم موسى : ازاي هاذه هو المهم ؟

بدوى أفندى : تمام ! هو ده المهم . أنت لوحدهك . وأنا لوحدى .
وهو لوحده . صفر . ولاحد غينا يوصل لحاجه .
تروح فين يا صعلوك بين الملوك والانجليز
وأصحاب الارض ومال قارون ؟ هم فى ايدهم
القوة والمال والسلطة وكل شىء . مايفش
بنى آدم لوحده يقدر يقف قدامهم . لكن بنى آدم .
مع بنى آدم . مع بنى آدم . كل الشعب لو اتحد .
لو اتكتل يقدر يقف ويأخذ حقه .
سيد : (مقاطعا) على رأى المثل . الكثره تغلب
الشجاعه .

بدوى أفندى : عليك نور . وادبنى عقلك بقى . لما يكونوا
كتره وشجاعه وحق مع بعض ويصبحوا يوم
يلاقوا العمال والمحامين والفلاحين والدكاتره
والكتاسين والطلبة والقهوجية و .. وكل البنى
آدمين يد واحدة .

سيد : والله كلام معقول . دول يسلطوا على طول .
عم موسى : يسلطوا ؟ دول ينفسوا على طول . دول يضربوا
على طول . ياعم خيلنا فى حالنا . قوم استريح
شويه يا بدوى أفندى . لاجل نبدا الشغل تانى .
أحسن النهارده لاجل بختك الحلو واقعين مع
زبون لكن ايه ؟ باشا رسمى .

بدوى أفندى : باشا رسمى ! ياعم موسى أنت يظهر موث
فاهمنى كويس .

عم موسى : أقول لك الحق . كلامك ده كله لم يدخل دماغى
أبدا . هيه (ينهض) أنا رايح للحنوتى استفهم
عن عنوان ميتم الباشا . وراجع لك تانى لاجل
نرتب الشغل . سلام عليكم مؤقتا .
(ينهض عم موسى . بدوى أفندى يرسل وراءه
نظرة آسفة طويلة) .

بدوى أفندى : يا خالق الكون . الواحد عايز يتمدد شويه .
أنا طالع أستريح . لما ييجى الرئيس حنفى أبقى
نادى على يا سيد .

(أم خليل تطل من النافذة وتختفى فورا عندما

تجد بدوى أفندي يفادر المقهى الى المنزل) .

سيد : (وهو يجيب في نفس الوقت على نداء أحد الزبائن

حاضر . أيوه جاي .

المعلم شهده : يا ناشد أفندي ! سيب العرايظ اللي في ايدك

دى شويه . وقل لى رايك في اسم القهوه الجديد

دا أنا باعت لك مخصوص علشان تكتب لى طلب

للسجل التجارى بتغير الاسم . تعرف . أنا جات

لى فكره . لكن معتبره . نويت خلاص أسبها

باسم الجدعان دول . ايه رايك بقى ؟

ناشد أفندي : الجدعان ! وليه بتغير الاسم يا معلم ؟ تصدق

بالرب . انت ماشى في سكه مانتاش قدها .

حانغضب فيها الحكومه . هو انت قد الحكومه ؟

يا راجل اوعى لمصلحتك . وسيك من الجدعان

دول .

المعلم شهده : سبحان الله . وأنا مالى ومال الحكومه يا ناشد

أفندي . أنا غملت لها حاجه ! مسيتها بشىء

لا سمح الله .. قهوتى وغربت اسمها حد

شريكى .. هو مين اللي يقعد عليها وينفعنى ...

الملوك ... والا الجدعان دول ؟ اهى دى

مصلحتى عبرك شفت بسلامته صاحبة الجلالة

(يشير الى القصر) نزل من برايته وجه قعد

هنا وطلب شيشه حمى والا شيشه عجمى .

والا حتى واحد ياتسون !

ناشد أفندي : ياراجل افهنى .. غير الاسم زى مانت مايزه

لكن استنى شويه كما الحكايه نارها تبرد .

أصبر . أصبر يا معلم . تصدق بالرب . أهو

أحنا بنكتب فى الألتماس الحذاشر ولسه ماحصلش

حاجه . لكن صابرين . الصبر يا معلم أحسن

نوا .

المعلم شهده : الصبر ! والصبر أشحته منين . دول قطعوا لى

حنان الصبر . . دول مزبوطنى يا ناشد افندى .
تصدق بالله . صول مسلوع زى العصايه .
ي . . . يضربنى على قفايا . ويشتمنى قدام
اللى يسوى واللى ما يسواش . ويقول لى أنا . .
أنا المعلم شهده . آه يا شعب جربوع . أنا
سكت . لكن عدوك الجدعان هبوا فيه هبه
كانوا حاياكلوه . دول ناس توادم بصحيح .

ناشد افندى : انت وخلصك . اهو أنا نصحتك والسلام .

انت مش قد الحكومه . تصدق بالرب أنا لما
كنت فى الحكومه ريس قلم الارشيف

المعلم شهده : (غاضبا) حكومه ! حكومه ! ايه الحكايه ؟ هى

كانت حماتى ؟ هو أنا كنت اتجوزت بنتها .

(تبدو حماء المعلم شهده حماء على ناصية الحارة

ملفوفة بملاء سوداء حتى لا يكاد يبين منها شيء .

سيد يلحها فينبه المعلم) .

يا معلم . . السنت حماتك .

سيد

المعلم شهده : (منزعا) يا العلاف الله . حماتى ! يا ريتنا جينا

سيرة حاجه خلوه . أم خليل مثلا . لكن لا . .

بختى داينا مطين .

(المعلم شهده يقوم للإلقاء حماته . ناشد افندى

ينهمك فى كتابة الالتماس) .

(لجماته) نعم . افندم . طلبات السياده .

الحماء : (غاضبة) عاجبك كده يا ادلعدى . نسوانك

الاثنين الخناشير . يمسكوا بنتى فى الشارع

ويطولوا لسباتهم عليها .

(ناشد افندى تبدو عليه علامات الدهشة نتيجة

الحديث الدائر بين المعلم شهده وحماته) .

ناشد افندى : (همسا لنفسه) غريبه ! بيتقى متجوز تلاته .

المعلم شهده : وحصل ده امتى ؟

الحماء : من ساعه يا دلعدى . خليك انت بس مزروع

طول النهار فى القهوه قدام شباك الخياطه .

المعلم شهده : (وهو يدفع حمايته الى خارج الحيازة)

يا وليه لي لسانك . يا وليه هو انت ايه . حكمه
تانيه ؟

**(المعلم شهده وحمايته يختفيان . عم موسى يدخل
لاهتا) .**

عم موسى : سيد ، بدوى افندى راح فين ؟

سيد :

فوق .

عم موسى :

كحال ! اما زبون الليله .. كتر .. تعرف .

الحنوتى قال لي ان ميتمه يساع عشرة يشتغلوا

عليه . فزجت .. فزجت وكنت اظنها لم تفرج .

بدوى افندى رزقه في رجليه .

سيد :

بس يا ترى جا يرضى يروح معاك بعدما ..

عم موسى :

(مقاطعا) ما يرحش ليه ؟ سبحان الله . نحن

شركة يا اخى . انت يغرك كلامه . زمانه تبحر

في الهواء . اسمعنى بواجد على الريحه .

اسمعنى .

(المعلم شهده يعود الى المقهى) .

المعلم شهده : يا لطيف الطف من النمنون .

ناشد افندى : تعالى هنا . يلف ايه ؟ انت يا راجل موش

طول عمرك بتقول لي انك متجور اثنين بس ؟

المعلم شهده : آه .

ناشد افندى : امال ام مراتك الاخرايينه بتقول دلوقت ...

المعلم شهده : (مقاطعا) تمام . ما هم بالعدد يطلعوا تلاته .

انما بقى ..

ناشد افندى : انما بقى ايه ؟

المعلم شهده : انما بقى فيهم واحد ، عدم المؤاخذه ، ماتحسبش .

ناشد افندى : ماتحسبش ليه ؟

المعلم شهده : مكسورة خاطر ، من غير ذرية . بالعربى

مابتخلفش . تتحسب ازاي بقى (ناهضيا) الله !

الرئيس حنفى .

(يظهر الرئيس حنفي الجميع يرحبون به ترحيبا
شديدا وخاصة العمال) .

المعلم شهده : نورت القهوه ياريس الجدعان . شوف طلبات
الرئيس يا سيد .

الرئيس حنفي : تشكر يا معلم .

المعلم شهده : الشكر لله وحده ولكل الجدعان .

سيد : اهلا اهلا بريسننا . والله جت سليمة غصين عن
حبابي عنين الشاويش عفيفي .

الرئيس حنفي : الا ما جاش تاني ؟
سيد : تاني ؟ من يوم ما قبض على بدوي أفندي . رجله

ماخطتش الناحية دي . والله لو هوب لاقطعها
له .

الرئيس حنفي : والله جدع طول عهرك يا سيد وشهم . اديني
واحد مطبوط (يلقفت حوله) تعرفش بدوي أفندي

رايح قين ؟
سيد : فوق اندهوك (صارخا) يا بدوي أفندي . بدوي

أفندي . (بدوي أفندي يطل من نافذة أم خليل
وهو يمضغ شيئا من طعام في فمه) .

سيد : الرئيس حنفي وصل .
(عم جوسي يراقب بدوي أفندي قلقا . يوم

بالحديث معه لكنه يحجم . المعلم شهده يفقر
فمه وتبدو عليه علامات الضيق والاضطراب) .

الرئيس حنفي : انت بتاكل والا ايه ؟ طيب خلص على مهلك .
وانا مستنيك هنا .

بدوي أفندي : انا خلصت خلاص . يادوب اشطف ايدي وانزل
لك على طول (بدوي أفندي يختفي من النافذة)

المعلم شهده : (بحق شديد) شفت شفت المسخرة دي ياناشيد
أفندي . لا . ده زودها قوي . يقعد معاها في

شبعه واجسده . ياكل ويشرب مع شت عازيه
لوحدها . لا . ده مايرضييش حق ولا شرع . .

ناشد أفندي . انا لازم أعزله .

ناشد أفندي : يا معلم !
المعلم شهده : لازم أعزله بتاع النسوان ده . حاخسر سبعة بيتي . لازم أعزله . يعنى لازم أعزله . ارفعاه بقلمك الحياتى جواب مسوَجَر بالطرد بعدما تكتب لى طلب تغيير اسم لقهوة . والا أقول لك اكتب الجواب المسوَجَر الاول .

ناشد أفندي : صبرك . صبرك ثويه لما أخلص الالتباس .
(بدوى أفندي يقبل ضاحكا على الرئيس حنفى . ويتصل بينهما حديث خافت ، تبدو جديته على وجهيهما . عينا عم موسى تتبعان بدوى أفندي كظله)

المعلم شهده : تصدق بالله . أنا نفسى كانت بيتقول لى قوم ياواد اطلع وارميه من الشباك . لكن له عمر .. قصر الشر ونزل . يالله يا ناشد أفندي فُش غلى فى الجواب المسوَجَر .

بدوى أفندي : (يعلو صوته خلال الحديث) ما هو الاستاذ سليم قال لى على الاجتماع (تسمع جلبة شديدة فى الخارج . تقترب شيئا فشيئا . ينتبه الجميع لها . سيد يجرى الى أحد منافذ الحارة مستطلعا) .

المعلم شهده : (واقفا) ايه الزيته دى يا سيد ؟
سيد : أنا شايف لمة بوليس .
(ناشد أفندي يتوقف عن الكتابة)

ناشد أفندي : بوليس !
المعلم شهده : بوليس !
الرئيس حنفى : بوليس !
بدوى أفندي : بوليس !

عم موسى : وانت مالك ومال البوليس يا بدوى أفندي . كفايه بقى وتعالى نلتفت لشغلنا .
(الجلبة تزداد اقترابا سيد يؤوب الى المقهى فزعاً)

سيد : الحق يا معلم . مهندس البلدية ومعه البوليس
بيعمينوا البيوت اللى حاتتهد علشان طريق
السرايه الجديد .

المعلم شهده : البيوت اللى حاتتهد ! بيوت مين يا وله ؟
(أم خليل تطل من النافذة . تفتح جميع النوافذ
ويطل منها أهل الحى مستطلعين . يظهر مهندس
البلدية ومعه جنود البوليس يحملون مجموعة من
الخرائط والاوراق المختلفة) .

المهندس : (لاحد جنود البوليس) اسال لنا بيت مين ده ؟
العسكرى : (مشيرا الى منزل أم خليل) ملك مين البيت ده ؟
المعلم شهده : ملكى أنا .

المهندس : طيب اسمع يا راجل . اخلى البيت ده من سكانه
وسلمه للبلديه فى ثلاث ايام .

المعلم شهده : اخلى واسلم ! ليه بقى ؟
المهندس : ليه ؟ أنت نايم على روك والايه ا بيتك واقع
فى الطريق الجديد للقصر . لازم يتهد .

المعلم شهده : يتهد ! بيتى يتهد !
المهندس : طبعا يتهد . البيوت دى كلها حاتتهد .
أصوات : (متناثرة) تتهد ؟!

أصوات أخرى : البيوت كلها ؟!
ناشد أفندى : (بصوت خافت) البيوت كلها ! وحياة الرب ده
حرام ده ظلم (بصوت أكثر ارتفاعا) اعبل التماس
يا معلم .

المهندس : التماس علشان ايه ؟ ده خلاص امر نهائى .
أم خليل : وده امر مين بقى يا ادلعدى ؟!
المهندس : امر مولانا .
عسكرى : مولانا الملك .

أصوات : (متناثرة) الملك .
(يبهت الجميع بحيث تسكن الحركة تماما بضع
لحظات يسمع خلالها شخير باع السجائر) .
الرئيس حنفى : يا عم ! لا ملك الا الله .

(الجميع ينظرون باعجاب مفاجيء الى الرئيس
حنفى ويهمهمون) •

عسكري : بتقول ايه ؟
المعلم شهده : (صارخا بخنق) طيب على الطلاق بالتلاته من
نسوانى التلاته ما انا مطلع حد من البيت •
الملك ! لا ملك الا الله •

(تثور ضجة الناس المحتمعين بعضهم يردد عبارة
(لا ملك الا الله) فى انفعال • يتحركون فى غضب
غير منتظم نحو المهندس والجنود الذين يبدأون
فى التراجع وقد أصابهم شيء من الخوف) •
عسكري : اسمع منك له •

عسكري آخر : اسمع يا جدع انت وهو ، وانت يا مره (يشير
الى أم خليل) •

أم خليل : مره ! مره فى شداقك • امشى انجر من هنا •
عيب عليكم يا رجاله الحته نشتم وانتم واقفين !
(الناس تتحمس ضد ممثلى البلدية • فيزداد
تراجع هؤلاء امام ثورة أهل الحى • ثم يجرون
هاربين والنساء ترميهم بالقلل من اللوافذ •
والاصوات تزار خلفهم (لا ملك الا الله) بدوى
أفندى والمعلم شهده وناشد أفندى والرئيس حنفى
يتبادلون نظرات ودودة) •

المعلم شهده : مستنيين ايه ياجدعان ؟ يالله وراهم لغاية
ما نطفشهم من الحته كلها • خليك انت ياناشد
أفندى علشان تكتب لى الجواب المسووجر •
وكمان طلب تغيير الاسم •

(المعلم شهده يتحرك ومعه بدوى أفندى والرئيس
حنفى • عم موسى يتعلق ببدوى أفندى) •

عم موسى : على فين يا بدوى أفندى ؟ ميعاد الشغل قرب •
ده باشا • باشا رسمى •

بدوى أفندى : (وهو ينفلت من عم موسى للحاق بأهل الحى)
لا مؤاخذه يا عم موسى موش حاقدرو •

عم موسى : (وهو يرتضى مجهدا يائسا على احد المقاعد)
موش حاتقدر ! اسعفنى بواحد على الريحه تانى
يا سيد .

سيد : موش قلب لك . وعندك واحد تانى على الريحه .
عم موسى : (هامسا) والشركة !
(الخطاط يحضر اللافتة الجديدة فيهلل سيد
لمقدمه) .

سيد : يا مرحب .. يا مرحب .. (وهو ينظر الى اللافتة
المواجهة ظهرها للجمهور) حاجه نظاجه خالص .
ايدك معايا نعلتها (سيد والخطاط ينهمكان فى
تعليق اللافتة التى تبين باسمها الجديد « قهوة
العمال » . الرئيس حنفى يعود مسرعا ويقف عند
محل بائع السجاير وينظر لللافتة فى اعجاب .
يتحسرج شخير البائع امام صيحات الرئيس حنفى
يخرج البائع بجسده الضخم منزعجا وهو يفرك
عينيه) .

بائع السجاير : ايه الحكايه ! حصل ايه ! ظبطة حشيش تانى ؟!
الرئيس حنفى : حشيش ايه ياراحل ! هات سيجارتين هوليدود
هات . خلينى الحق الناس . يا أخى اصحى بقى
وفوق . دى الدنيا حواليك بتغلى وتنفور .
(الرئيس حنفى يغادر المكان مسرعا وهو يشعل
سيجاره . الضجة الشعبية لا تزال مسموعة)

ناشد أفندى : (وهو يكتب) ونخطر عزتكم بموجب هذا تغيير
اسم قهوة الملوك الى قهوة الع .. العمال
(يتردد لحظة ثم يهب واقفا ويقول بتأنف)
العمال !! وانا ايه اللى يحسرنى فى اللخبطة دى
هيه . (يمزق الورقة وينسحب من المكان) من
الملوك للعمال . بقى ده كلام . من الملوك
للمنايعيه !! (سيد يقدم فنجان القهوة الى عم
موسى المتكور فى حسرة على مقعده ونظره معلق
باللافتة فى وجوم) .

سيدة : الله ! هو ناشد أنفدى راح زين ؟ قهوتك يا عم

موسى : (وهو يقوم من مقعده كأنه يستيقظ من حلم مزعج)
عم موسى :

أنا خلاص معدتش عايز حاجه من ريحتكم .
خلاص . . خلاص . . آه . . الكالو !

(عم موسى يهب مغادرا المقهى متعبا وهو يشد
قدميه شيئا . يصطدم بعامل آت للمقهى في
ملابسه الزرقاء) .

: واحد شاي بالحليب يا سيد .

العامل

: حاسب على نفسك يا عم موسى . اوعى الباشا

سيد

يمشيك كتير إحسن الكالو يتعبك . (للعامل)

شاي بالحليب يا أوسطى ؟ (للنصبه في نداء

مرح) وعندك واحد شاي بالحليب ل . . لصاحب

الجلاله . .

(العامل يجلس بملابسه الزرقاء في استرخاء

واضعاً ساقاً على ساق في اعتزاز وثقة) .

« ستار »

قدمت مسرحية « قهوة الملوك » لأول مرة بالمسرح القومى
بالقاهرة فى يناير ١٩٥٩ •
وصور الشخصيات :

- | | |
|--------------------|-------------------|
| ١ - شفيق نور الدين | فى دور بدوى افندى |
| ٢ - توفيق الدقن | » » المعلم شهنه |
| ٣ - على رشدى | » » ناشد افندى |
| ٤ - فردوس حسن | » » ام خليل |
| ٥ - سعيد ابو بكر | » » سيد |
| ٦ - محمد السبع | » » الرئيس حنفى |
| ٧ - احمد الجزيرى | » » عم موسى |
| ٨ - محمد الدفراوى | » » الشاويش عفيفى |
| ٩ - عمر الحريرى | » » الاستاذ سليم |
| ١٠ - لطفى الحكيم | » » المعزى رقم ١ |

مع مجموعة من خريجي وطلبة معهد الفنون المسرحية

صمم المناظر : الفنان عبد الغنى ابو العيين

الاخراج : نبيل الالقى

